



蘇季官  
出錄  
金

觀宸





庚辰仲夏  
刊於天南  
遜窟



蘅華館詩錄序

楊齊

聞吳門有天南遜叟。博文宏記。洽極群籍。獨  
抱忠盡之忱。夙有濟世之志。當粵賊蔓延江  
表。自叩轅門。屢進奇策。以事涉嫌疑。不為世  
用。浩然歸去。避身山林。華門圭竇之中。壹以  
著述為事。然名儒宿德。罔其名者。莫不千里  
命駕造廬進謁。由是聲價益廣。人皆尊信焉。  
同治己巳。遠遊歐沙。詳察其風土人情政事。

6

20851

0882K  
20851



調洛千如經緯也  
塢塢同而增切  
河地城荒地城下  
廟外堤內游地

學術及軍法器械諸技百般。欲著一書使談  
泰西掌故者為考鑑。於是始有普法戰記之  
著。斯書流傳。迄於我邦。余初一讀。竊以為此  
書生之譚。雖辭才富贍。譯西史所述。未足以  
為奇也。我若相見。應捫蝨而談焉耳。後又讀  
遼瀋調言。瀛海雜誌。春秋朔日考。甕牖餘談  
等諸書。慨然以為此非常之才。所汲多人之  
敵也。區々修邊幅者。非可取當。因遙想望風

攤他千切開也

銳即丁切是似銳也

采。相慕久矣。己卯夏。雙航遊我邦。東京文士  
踊躍相迎。暫寓某氏之邸。一時執贄入門者。  
陸駿接踵。筆戰墨闢。殆無虛日。余亦見於城  
東一酒樓。同坐者公度黃氏。梅史沈氏。詩五  
梁氏。皆海外之奇士也。相與分韻賦詩。雙尤  
聘歌妓。右握花管。孟觴流行。應酬無暇之間。  
攤箋立書數首。鈎章棘句。不改一字。詞彙雄  
放。如建瓴水。余於是益服雙之英敏。以為不



可與也。於虜斯人而不容於世。天或者嫉其  
奇才。不使其肆施耶。抑亦苦其心思。勞其筋  
骨。欲使其有為耶。詎橫弃章莽。莫之敢顧也。  
叟為人環偉個儻。不拘禮法。所交不論貴賤。  
好為文字飲。當酒酣耳熱。談諧笑樂。曠然自  
放。是以人皆相親。其在寓之。有暇即出遊。或  
浮舟于墨水。怡情於花柳。或曳筇于晃山。養  
志於丘壑。所至詩之文之。莫不以記其勝概。

十旬之間。得扶桑遊記三卷。韓子所詔朝為  
百賦。暮千詩。頃刻青紅浮海蜃。惟叟斯足以  
當之。叟歸鄉後。未幾。又刻蘭華館詩五卷。附  
東行諸友投贈之作。余讀其詩。悲憤激烈。多  
憂世嫉俗之言。若只燕遊贈答懷友感舊。皆  
雄辯奇恣。往往出新意。雖馳騁繩墨外。而音  
節格調。靡不合古。其長篇大作。猶鐵浮圖臨  
軍。縱橫衝突。眼空四海。昔人曰詩膽大如天。



今見斯集。殆信然耶。書肆曰泉堂重梓之。乞序於余。因數言以弁其首。

明治十三年冬嘉平月念一日

日本

鴻齋學人石英撰并書



序

詩緣情而作也。夫人必有不能已之情。然後有可以傳之詩。而世乃分唐別宋。尊杜摹韓。斤斤然矜體派標品格。自以爲工外矣。抑亦隘矣。紫詮先生富於學。卓於識。逸於才。著作等身。不以詩名。而觸事感情。擘箋揮毫。百篇立就。或莊或俳。忽正忽奇。時而陵紙怪發。時而絃外音流。脫盡町畦。自成杼柚。先生之言曰。予不知其爲詩也。祇自寫其情之不容已焉耳。嗚呼。此所爲不必以詩名。而詩卒不可及。且可歷久彌傳也。去歲遠游東瀛。與其國之文人學士交。酬唱甚多。懼日久稿或散失。遂取生平諸作。彙成一集。付諸手民。凡友人贈和者。亦並附焉。蓋以見文字之交。一往情深。而纏綿之致。歎治之誠。流露於不自知。卽千百載後。展卷低徊。昭然若揭也。且夫



劇  
其海初創也。分也。  
劇也。切也。音也。  
渤音勃。水名。之理也。

惟有餘於情之外者。乃有味乎詩之中。古之人矢口謳歌。豈預計流傳於後世。而以情感。遂不得不推為絕調。則知詩無工拙。以有真性靈。真情韻為工拙。或謂先生遺謫晦迹。抑鬱無聊。以詩自遣。方今朝廷求賢若渴。將有人焉。力為推轂。俾得奮於天衢。施於當世。元微之曰。雕蟲小技。壯夫不為。此集之成。非先生性所安也。噫。果若所云。則情滯於境。而移於物矣。以是言情。其情必偽。以是為詩。其詩可知。俾少為飢所驅。稟承庭訓。不敢耽於韻語。以悞有用之光陰。此中甘苦。旨趣悉屬茫然。願見世之以門戶判詩。以典籍填詩。甚或以剽竊險隘。敷衍其詩。心竊愧之。光緒紀元之歲。獲交於先生。由是以道義相切。劇數年如一日。故知之獨詳。因泐數言。俾讀先生詩者。知其梗概焉。庚辰端午。愚弟番禺洪士偉拜序。

### 自序

余不能詩。而詩亦不盡與古今正。惟不與古合。而我之性情。乃足以自見。余足不出里巷。目不觀邱壑。所與交接者。又絕少。當世通人名士。方弇鄙自愧。何敢言詩。不惟不敢更。何足以知詩。然竊見今之所為詩人矣。擗擗以為富。刻畫以為工。宗唐祧宋。以為高。摹杜範韓。以為能。而於己之性情。無有也。是則雖多奚為。慨自雅頌降為古風。古風淪為律體。時代既殊。人才亦變。自漢魏六朝。迄乎唐宋元明。以詩名者。殆不下數千家。後之學者。難乎繼矣。詩至今日。殆可不作。然自有所為。我之詩者。足以寫懷抱。言閱歷。平生鬚眉顯顯。如在。同此風雲月露。草木山川。而有一己之神明。入乎其中。則自異矣。原不必別創一格。號稱初祖。然後翹然殊於眾也。余自少讀



詩自古作者以逮本朝諸大家皆欲討流源窮其旨趣久之益知作詩之難及長雖有所作未敢持以問世惟顧滌盦明經師楊醒甫茂才稍稍見之以爲可存竊嘗謂所貴乎詩者與苟同甯立異必自淺之深由麤而精歷觀古人作亦有不盡佳要其研精殫力積數年十年而後成自有一家面目在夫豈徒以絺章飾句爲事哉性情之用真而學問亦寓乎其中然後始可與言詩矣余今年二十有二歲積詩凡數百首要不盡可存但願質諸天下後世之能詩者以共相印證可也道光二十九年己酉夏四月下旬衡華館主識於甫里行素園之南窓

張園老民自傳

道光八年  
我文政十年  
丙子

張園老民自傳

老民姓王氏素居蘇州城外長洲之甫里村卽唐陸天隨所隱處也老民以道光八年十月四日生初名利賓十八歲以第一入縣學督學使者爲秦中張筱坡侍郎稱老民文有奇氣旋易名瀚字懶今遭難後避粵乃更名韜字仲張一字子潛自號天南邈叟五十後又曰張園老民老民世系本出山王氏有明時巨族也族中多有位於朝明末兵事起吾家闔門殉國難始祖必憲甫在垂髫逸出存一線自此至晉侯詒孫載鵬居崑凡四世並讀書習儒業有聲庠序間載鵬諱鵬翀品端學博尤爲士林所推重以早世子尙幼戚串中有覬覦者乃遷甫里大父諱科進字敬齋習端木術篤厚慎默見義勇赴鄉里稱善人父諱昌桂字肯堂一字雲亭著籍學



官邃於經學。九歲盡十三經。背誦如流。有神童之譽。家貧。刻苦自勵。教授生徒。足跡不入城市。老民上有三兄。十日間俱以痘殤。禱於武林。遂生老民。老民幼時屢夢浮屠佛像。魂自能從泥丸宮出入。十餘歲後始止。自少性情曠逸。不樂仕進。尤不喜帖括。雖勉爲之。亦豪放不中繩墨。旣孤。家益落。以衣食計。不得已。橐筆滬上。時西人久通市。我國文士漸與往還。老民欲窺其象緯輿圖諸學。遂往適館授書焉。顧荏苒至一十有三年。則非其志也。滬上雖爲全吳盡境。而當南北要衝。四方冠蓋往來無虛日。名流碩彥接跡來遊。老民俱與之修士相見禮。投編贈紵。無不以國士目之。中如姚梅伯。張嘯山。周弢甫。龔孝拱。其交尤密。西館中時則有海甯李壬叔。寶山蔣劍人。江甯管小異。華亭郭友松。並負才名。皆與老民爲莫

逆交。惟是時事日艱。寇氛益迫。老民蒿目傷心。無可下手。每酒酣耳熱。抵掌雄談。往往聲震四壁。或慷慨激昂。泣數行下。不知者笑爲狂生。弗顧也。金陵旣陷。爲賊窟。而滬上亦以閩粵會匪起。戕官據城。老民思出奇計以復之。卒不能發。憤抑鬱患。咯血疾幾殆。咸豐八年。徐君青中丞開府吳中。與老民固有文字之契。老民以和戎防海弭盜三大端進言。前後上書十數通。皆蒙優答。十年金陵大營潰。賊竄吾吳。常鎮蘇太同時俱陷。東南半壁至此糜爛。四郡村鄉亦蹂躪無完土。老民於是志愈孤。心彌苦。方捧上官檄。督辦諸鄉團練。老民知其貪詐畏怯。萬不可恃。屢上書當事代畫方略。言過切直。當事外優異。而內忌嫉之。顧所言頗見施行。多能見効。其最要者。以西人爲領隊官。教授火器。名曰洋鎗隊。後行之益廣。卒



卡從納  
切設兵  
立塘謂  
之守卡

以此收復江南。然用其言而仍棄其人。并欲從而中傷之。此老民之所以扼腕太息。痛哭流涕。長往而不顧者也。維時賊於蘇鄉。遍設偽官。立董事。皆土著人。暴斂橫征。偽卡林立。老民固素識諸董事。密相結納。說以反正言。曾帥善用兵。祇以方剿上游。未遑兼顧。今安慶已復。援軍且夕必至。不可不自爲計。因激以忠義。勉以功名。令諸董事入賊中。說頭目。結內應。皆有成說。其黠者亦從。而徘徊觀望。老民密縱反間。使賊黨互相猜貳。自翦羽翼。諸內應者多急欲見功。勢頗可乘。而當事者遽以通賊疑老民。禍且不測。聞者氣沮。老民急還滬上。猶思面爲折辨。願久之事卒不解。不得已航海至粵。旅居香海。自此啟門削跡。壹意治經。著有毛詩集釋。專主毛氏。後見陳碩甫毛氏傳。胡墨莊毛詩後箋。遂廢不作。同治二三年

間。李宮保方次第克復吳中郡縣。老民代粵人某。上書官保。陳善後事宜。并言諷遠情。師長技。自致富強之術。頗蒙采納。六年冬。西儒理君雅各招往泰西。佐譯經籍。遂得遍遊域外。諸國。覽其山川之詭異。察其民俗之醇漓。識其國勢之盛衰。稔其兵力之強弱。道經法都。得瞻其宮室之壯麗。士女之便娟。塵市之駢闐。財物之殷阜。與英之倫敦並峙稱雄。同爲歐洲巨擘焉。既至英土。居蘇格蘭之西境。其地近北極。少燠而多寒。春夏之交。徹夜有光。而山水清淑。巖壑秀美。遊履所至。殊足娛情適志。九年二月還粵。此三年中。老民以孤身往還數萬里。嘗登舵樓以眺望。決目極天。蕩胸無際。波濤消其壯志。風雨破其奇懷。未嘗不感愴身世。悲憫天人。擊碎唾壺。淚泫泫墮也。老民既還。自泰西當事頗有知其寃者。或貽書勸



其出山。或欲託人招致幕下。老民俱謝不往。豐順丁公一代偉人也。尤賞識老民。謂當今通達時務。熟稔外情。莫若老民。爲之揄揚於南北諸大僚。於是諸大僚始稍稍知有老民者。嗚呼此老民生平第一知己也。老民固極思感激馳驅以報知己。而憂患以來。精氣消亡。才華零腐。既不能上馬殺賊下馬草檄。又不能雕琢文字刻畫金石以稱頌功德。徒爲聖朝之棄物。盛世之廢民而已。辛未秋。普法戰事起。七閱月而後定。老民綜其前後事實。作普法戰紀。是書雖僅載二國之事。而他國之合縱締交。情僞變幻。無不畢具。於是談泰西掌故者。可以此爲鑑。惟倉卒秉筆。或患冗蕪。尙有待於異日之重輯。而老民自知其必傳於後無疑已。癸酉。香海諸同人。醵貲設印局。初行日報。延老民總司厥事。老民著述乃得次第。

排印。光緒五年己卯。老民作東瀛之游。藉以養宿疴。滌煩慮。取道滬濱。放權金閶。得重見故鄉風景。潤別二十年矣。真覺城郭則是。人民則非。有丁令威化鶴歸來。情況及身而重閱滄桑。生還粉梓。固老民初念所未及料者也。既至日東。遍歷崎陽神戶浪華西京諸名勝。居江戶者十旬。遍交其賢士大夫。一時執贄請受業者。戶外屨滿。壺觴之會。壇坫之開。無日無之。唱和諸作。頗有豪氣。中又爲日光山之游。遍覽諸瀑。有窮其幽邃。老民將歸。日之賢士大夫。餞別於中村酒樓。星使參贊以下。至者百有餘人。日人謂自開國數千年來。所未有也。老民久居粵東。意鬱鬱不歡。恒思歸耕故鄉。卜居於莫釐。鄧尉之間。築三椽之屋。拓五畝之園。藏書數萬卷。買田一二頃。徜徉誦讀其中。優游卒歲。以沒吾齒。願是願卒未能遂。豈



非天耶。嗚呼老民。雖流徙遐裔。僻處菰蘆。而睠懷家國。未嘗一日忘。嘗言此十數年中。時局一變。髮捻回苗。悉數蕩平。左帥用兵。新疆擴地。數萬里。功震寰中。威行徼外。赫然見中興盛烈。然而泰西大小諸邦。叩關互市。輒以兵力佐其商力。所至各埠。設官置戍。艤艦相望。每挾其所長。從而凌侮我。求必應。請必遂。一旦齟齬。環而伺我者數十國。腹心肘腋間。通衢森列。幾於國不可爲國矣。嗟乎。此蓋誤於羈縻之說。而駕馭未得其宜也。近者日併琉球。俄據伊犁。我國家並持節往問。而時虞失和。勢且岌岌。老民外感於時勢之艱難。內憤於措施之顛倒。舊疾陡發。誠使祈死得死。亦復何憾。老民有弟。曰利貞。字叔亨。一字諮卿。讀書未成名。而卒年僅二十有七。有姊曰娛。字伯芬。嫁吳村周氏。癸酉六月。先老民而逝。老民妻

楊氏。夢蘅名保艾。字臺芳。娶僅四年。沒於滬。續娶林氏。名琳。字懷衡。一字冷泠。經歷患難中。與老民同甘苦。老民無子。有女二。長曰婉。字苔仙。歸吳興茂。才錢徵。早殞。次曰嫻。字惺仙。生不能言。嗚呼老民。既無子矣。而復奪其女。不解造物者所以待之。抑何刻酷至斯哉。自始祖必憲。至今二百四十餘年。七葉相承。五代單傳。僅得男子十有五人。老民以下有從姪三人。相繼夭沒。於是自明以來。巍然碩果。僅存老民一人而已。天之所廢。誰能興之。天不獨厄老民。而或將并以毒王氏也。恐王氏一線之延。至老民而斬矣。噫。嘻。不大可痛歟。尤可異者。曾王父娶於沙氏。大父娶於李氏。父娶於朱氏。其家並無後。老民弟娶於夏氏。髻鬢俱亡。老民先娶於楊氏。危乎不絕如縷。繼娶於林氏。亦已不祀。祖姑嫁於汪。伯姑嫁於曹。宗



祧竝絕。老民族黨無存。密親蓋寡。側身天地。形影相弔。豈天之生是使獨歟。老民每一念及。未嘗不拔劍斫地。呵壁面天也。老民少承庭訓。自九歲迄成童。畢讀羣經。旁涉諸史。雜說無不該貫。一生學業。悉基於此。自後奔走四方。無暇潛心默識矣。父在未嘗盡一日養。奉母居滬上。扁舟道路。甘旨缺如。而母氏絕無不豫色。但勗以忠義節廉而已。老民母固知書識大體。四五歲時。字義都由母氏口授。夏夜納涼。率爲述古人節烈事。老民聽至艱苦處。輒哭失聲。因是八九歲卽通說部。吳門旣亂。母氏憂形夢寐。逮老民遭罹奇禍。母氏竟以憂殞。其生老民以此積慘終身。痛欲剜心贖難糜體。雖仍偷息人世。不可復爲人矣。老民於詩文無所師承。喜卽爲之下筆。輒不能自休。生平未嘗屬集。恒揮毫對客。滂沛千言。思考或

營其出之太易。至於身遭譴謗。目擊亂離。懷古傷今。憂離用逝。往往歌哭無端。悲愉易狀。天下傷心人。別有懷抱也。老民邇來潦倒頽唐。百事俱廢。去冬咯血。至今未愈。日在藥爐火邊。作生活深懼。一旦溘然。平生著述。必爲人拉雜摧燒。因先將詩錄八卷。檢付手民。其餘藏於行篋者尚多。不足供餽惠覆瓿。因病得閒。聊自料理。所著有春秋左氏傳集釋六十卷。春秋朔閏考三卷。春秋日食辨正一卷。皇清經解札記二十四卷。藏壙雜志六卷。普法戰紀十四卷。四溟補乘三十六卷。法志八卷。俄志八卷。美志八卷。西事凡十六卷。藝圃餘談十二卷。火器說略三卷。乘桴漫記一卷。扶桑游記三卷。海陬治遊錄七卷。花國劇談二卷。老嫠贅語十六卷。遯窟詞言十二卷。駢園文錄八卷。衡華館詩錄八卷。駢園尺牘十二卷。都



明倫彙編

二十有二種。生而作傳非古也。老民蓋躍沒世無聞。特自叙梗概如此。光緒六年夏五月下旬。發園老民識於天南遯寓。

詩評

採  
流  
自  
會  
潤  
地  
一  
樣

壬子  
夏  
荷  
月  
朔  
日  
華  
亭  
弟  
張  
鴻  
卓  
讀  
於  
溫  
城  
客  
邸  
并  
識

采采流水。蓬蓬遠春。仙才妙筆。由於天授。七古尤見才氣。豪邁橫掃千人。蓋作者胎息於韓杜。探源於風騷。汎濫於溫李。元白融會而貫通。神明而變化之。青邱秋筵之間。何難別樹一幟。壬子夏荷月朔日。華亭弟張鴻卓。讀於溫城客邸。并識清新流宕。雅近靈芬。加以麗藻。可瞞溫李堂奧。今人不必不如古人。於吾弟益信。天下才一石。吾弟畧盡之。僕亦磊落自負。固不僅於長短句中討生活也。雙寶星。一無所就。之慨然。近於此事。亦不大作矣。弟詩必成名家。僕將來或附吾弟以傳。則幸甚。壬子首夏七日。新陽顧惺惺。徐氏識。

讀言情諸什。綺麗纏綿。具見錦心繡腸。玉藻生不得專美於前矣。壬子仲夏十一日。海甯李善蘭讀畢謹識。



詞解月露。思入風雲。精銳走雷霆。聰明淨冰雪。其才固是不凡。壬子六月朔日。華亭雷棣廉拜讀。一過於海上詩集。燈唇并識數語以示欽佩。

大著清靈婉約。深得靈芬神髓。惟靈芬於宋人乞靈尊作。於晚唐入手樹骨實勝。鑽而不已。何難駕靈芬而上之。甲寅孟夏再讀一過。於西人仙樓居。寶山蔣敦復拜讀。

意境超脫。吐屬韶秀。非絕世才華。那能臻此。江甯管嗣復讀竟謹識。

鉅稿淡冶秀蒨。大有中唐人意境。七古氣骨雄健。思力沈著。尤不易及。餘姚弟周白山讀後謹識。

古詩俊逸。近體秀麗。其中精練處。直欲頡頏晚唐。所謂筆墨之外。自具性情。吟咏之餘。別深懷抱。吾聞甫里遠山蘆花綠。

水迴環。管望而後。必有才人於此益信。時庚申重九。小窓獨坐。風雨凄然。再讀一過。書以志喜。邵陽魏彥拜識。霍去病。不好陣法。岳鄂王。惟事野戰。仲弢詩境竊謂似之。然有時長槍大戟中。而仍復細鍼密線。則賢者固示人以不可測也。湘鄉左樞讀過謹志。

仲弢於學無所不通。於詩亦無體不工。五律多深穩。七律多清秀。五古兼參選體。七古縱橫跌宕。是辨香於杜陵老者。每讀一過。輒爲擊節。上元澄之弟孫文川拜讀并識。

集中諸體皆工。清麗芊綿。似溫李。排奐奇崛。似杜韓。至於激昂慷慨。悲壯淋漓。則又詩中之豪也。才大如海。固自無所不有。陽湖冰壺弟吳新銘拜讀并識。

少作綺麗纏綿。自是才人本色。至於身經患難。目擊亂離。則



哀思愁音。坐溢而出其蓄之也。有素則發之也有自。杜陵詩史。夫何間然。讀竟攝具三拜。陽湖弟周弢甫。騰虎讀畢。謹識。清麗似金荃。豪放似玉局。憂國傷時。悲涼感慨。則似杜陵。仲弢詩境。無所不包。此謂健者。秀水弟次公孫融。讀後謹識。詞多偏宕。孔文舉意。主悲涼。庾子山。此郭靈芬句也。請移以

評仲弢之詩。秀水弟于辛伯源拜讀并識。

清麗芊綿。渾雄卓犖。兼而有之。一時作者。惟江東老劍可與抗衡。旅窓夜雨。挑燈讀之。頓忘客居之感。集中少作。已自出人頭地。敢請出示全詩。以豁眼界。庚申三月上旬。陽湖管貽芳讀一過。謹識。

飛文揚藻。采綯葩流。自是君身有仙骨。世人那得知其故。光緒元年三月朔日。侯官林昌彝讀一過并識。

純觀全。以靈慧之思。運過往之氣。於亂頭塵服中。見天姿國色。如取徑于靈芬。上追坡谷。而秀韻則出唐人。至窮愁離更遭奇禍。境愈苦。筆愈蒼。則杜陵之憂傷。柳州之怨艾。合而爲一。沈鬱頓挫。卓然名家。光緒五年冬十月望日。吳縣傅引傳讀過并識。

越南黎調頓首敬啟。紫詮先生閣下。猥枉文旌。兼頒雅量。感荷之私。不可言狀。承示滬上感事四詩。迴環雒誦。如挹清芬。諸作詞句雄渾。清志憤激。筆下有若飄風急雨之振至。而一腔憂時愛國之心。懇款殷拳。溢於言表。益令人嘆息弗置。夫春鳥秋蟲。物候之感。乎詩者也。山風海月。境地之宜。乎詩者也。惟有心人能一一以神明入乎其中。發爲歌章。芬芳悱惻。迥異尋常。嗚呼。人生於世。才與遇乘。則叱咤風雲。刻畫金石。



贊襄郅治。鼓吹休明。以先生當之。夫豈異人任哉。先生器識宏深。才猷遠裕。經濟之學。抗古超今。即使聯翩直上。揚世德而援巍科。亦意中事耳。何乃鴻冥蟬蛻。物外天全。豐於才而嗇於遇。蓋未有如先生者也。以先生之才。曾不見用於世。未知造物者是誠何心。豈天以厄之者成之歟。抑蚘隱而豹藏深潛高蹈。而不爲世網所撓歟。此非鄙人思擬之所能及也。調恭承簡命。有香海之行。自來三年於茲。南關五雲鈞韶在夢。簡書是凜。夙夜慙惶。懼職守之難。循歎世途之多巇。逆旅寒燈。蓋有不勝嗚咽者。忽得是詩。不覺胸中悵觸。感慨繫之。惟是一行作吏。此事遂廢。案牘倥偬。筆研荒蕪。搔首慙髭。苦不成咏。古人有云。覓句天應問。狂搜海亦枯。其謂之謂乎。不揣庸陋。次元韻。以博大方一笑。三春行盡。轉機輕寒。伏祈

慎護。毋爲道自重。

越南潘炳頤首拜手。奉書紫詮廣文先生閣下。納銜命出使兩臨百粵。今春猶小駐於香海。韶光易過。芳序扇和。花晨竹候。喟然有浴沂風雲之思。適蒙惠以佳筆。奉揚之下。如挹仁風。對使拜登。感荷無量。使者既退。臨窻清坐。朗誦所寄四詩。初不知爲何如也。三復之餘。風調道逸。意興清微。如錦繡纂組相鮮。以爲色。宮商角羽。互合以成聲。不覺令人心脾俱爽。古人有言。曰詩以窮而後工。是作也。歌離弔夢。而憫世思君之心。溢乎言表。以視楚臣出塞。漢妾辭宮。諸作其悲涼激楚。尤爲過之。是豈不窮。不足以見先生之工哉。夫傳巖版築。煩巷簞瓢。聖賢韻事。獨有千古如先生者。可以希之矣。先生博物治聞。富有經濟。當代名公鉅卿。皆稱之爲未易才。洵知人



也。洵知言也。先生勉乎哉。勉而思之。必有所合。行將受知於世。黼黻朝猷。贊襄戎幕。而利澤及於人。聲名垂於後。嘉舜君臣事業。胥自此矣。輒不自量。續貂奉正。此外惟萬萬自愛。

贈詩

閱仲戔詩率成五十八字

新陽顧惺條盒

不負狂名卽酒名。劉叉僻誕似先生。海天涼月愁無際。吳苑秋風客獨行。落魄十年還劍氣。抗歌中夜裂琴聲。賀同李白從來少。敢說吾詩老更成。

贈蘅華館主

崑山孫啟棠笠舫

高才夙慧欲疑年。傾倒明珠錦瑟篇。鄉里無多憐我在。名山有待附君傳。自慙放逐爲遷客。坐對清新想謫仙。珍重今時留息壤。也應早蓄買山錢。

相逢行贈沐盒仲戔

江甯何詠梅屋

塵海喧闐無可語。斗大城中吾與汝。邇來人事多侘傺。況復十日九風雨。消愁君就杜家康。論戰我思越處女。有時拔劍新華館。詩錄贈詩



斫地歌。天壤王郎定相許。王郎知名已十年。賣文海上囊無錢。不似張翥心鑿空。但憑騁行口談天。酒酣狂叫尋吳質。醉倒便藉華陰眠。袖中奇句輒心賞。豈獨神交寶劍篇。人生幾得團沙會。是處相逢可傾蓋。濯纓何必覓滄浪。把袂未妨邀駟僮。行脚無端墮霧中。舉頭徑欲游天外。水仙不奏海山絃。萬竅一聲鳴地籟。

調仲戔

江甯何詠梅屋

王郎三十好青春。家在吳東住滬濱。大隱愛招三島客。小文神似六朝人。崑山片玉休論價。滄海遺珠豈合貧。我亦江湖來泛宅。願傾十萬買比鄰。

謹呈子潛先生四律

嶺南蘭亭舊酒徒

之子清華擅。相逢在海濱。萍隨風所適。葵願日常親。素志稱

奇士。雄心付逸民。論交千里外。遮莫有前因。

忠憤寸衷縈。他鄉念帝京。中原嗟逐鹿。華土孰封鯨。駭業思憑軾。鴻才欲請纓。據懷篇什富。詩句羨長城。

亂世才多忌。滄江寄此身。龍雖潛勿用。蠖詎屈難伸。詞賦齊班馬。遭逢異渭莘。玉成天意在。豈遂老風塵。

大造無寒歲。焉知松柏心。風濤堅晚節。身世托知音。著述千秋重。艱難十載深。道腴堪自樂。安用問升沉。

贈天南遜叟

淞濱老圃楊引傳

鑄成此錯復奚言。聊復潛踪似避喧。大海應成水仙操。夜郎難白李生冤。等身文字工新製。滿目蓬蒿憶故園。未卜一燈重聚首。秋蟲切切語空繁。

長歌五百字。奉贈紫詮妹丈。吳縣楊引傳醒述



少文山水遊。向平婚嫁事。百願具未了。俄已成衰邁。初夏草木榮。欣欣盡生意。古梅丈人行。無復好風致。飄蓬離本根。同岑忽殊地。寄我一封書。相贈多珍異。皎皎明鏡心。惓惓盡簪誼。文采更斑斕。羅巾與香被。其物既瑰奇。其情彌懇摯。女子將有行。云爲添篋笥。振觸舊時懷。言之輒歔歔。我妹昔事君。自慙百不備。我婦出妝奩。一一代籌計。荆布稍光華。坐待香車至。絳帳舊生涯。青箱故門第。與君爲親串。來往無猜忌。維時各少年。議論爭意氣。青雲當致鳥。白命廟廊器。人事竟乖忤。百憂催老大。妹旣早夭折。我婦亦憔悴。世亂起干戈。投淵竟珠碎。罡風一夕來。穠芳怨凋墜。杜鵑枝上紅。滴作眼中淚。彈指二十年。何事不堪喟。君女早長成。已得乘龍婿。我女雖穉弱。送之將結帨。溯其垂髫時。各已失所持。慘淡白楊風。不

驚花姊妹。偷生我與君。已近知非歲。懷懣百無成。盈頭生雪刺。君尤甚奇禍。幾爲虎口餌。脫身東入海。快哉拓眼界。遠窮二萬里。不數張騫使。異域雖云好。豈得久留滯。歸居粵海濱。冠裳雜椎髻。年年有書來。自述不得志。瘴土秋尚炎。頑山春不翠。文士况寥寂。不得佳醪醉。坐此起鄉心。和鴈落天外。故園竹樹蕪。先塚松楸敗。一二舊知交。不死亦已艾。何時得相見。登堂重或拜。惆悵望南雲。何以遙相慰。勸君作遠觀。胸中洗滌芥。著作旣可傳。精神亦宜愛。當其鬱結時。長歌聊取快。疎狂獲罪戾。天心終必悔。金雞下夜郎。戚屬重歡會。製黃絹詞。引取外孫戲。競折忘憂花。獻與老人戴。

感遇言情五言。詩四十韻寄呈紫詮外舅先生。



舊夢長洲苑。新居錦石巖。虞翻惟自恨。賈誼只傷心。  
先異麒麟。早不凡。何曾才是果。未免病于喆。器許經心。  
寧畏險暑。雄文擎繡虎。健筆邁驚駟。陸海初傳箭。長星仰見。  
機。無聲天墜狗。有力地生巖。大局先甌缺。孤城復鼓儼。開張。  
元武陣。浩蕩白龍修。玉帳方論術。金人偶失絨。營雖俱止。棘。  
射雉孰爲儀。挺走無殊鹿。狂奔有類覺。石梁浮遠遠。銅柱轟。  
嶢嶢。市隱春堪賃。炊虛釜不黠。高歌惟洞蛋。異味得毛蜮。事。  
竟同張儉。人誰宥李嚴。回看曾顛破。不語爲碑銜。海運從魚。  
徙。天空任鳥鵲。長途七萬里。托命一孤帆。顧影笑如蠅。逢人。  
態似獬。乾坤容嘯傲。世界更薪嵌。盡日仍彈鋏。嬉春或舞杓。  
思歸魂黯黯。執別手慘慘。下士叩和駟。嘉姻玉比城。元珠遺。  
棄置。散木謝雕剗。漣落雙蓬鬢。粗疎一老饒。翻將鸞鵲許。

效燕喃喃。雅誼惟當佩。魚書定幾函。論文殊沆瀣。味道敢酸。  
鹹。柳舞須鶯喚。花嬌仗蝶機。何時承聲歎。與訪舊松杉。掃徑。  
延三益。誅茅築一影。青氈王氏物。白柄杜家簪。杞菊前身賦。  
芙蓉隱士衫。生涯歸筆墨。世網墮杯棬。鉢擊從催句。樽開肯。  
立監。煩襟千疊幹。往事一叢芟。息壤盟斯在。明神鑒至誠。合。  
修期共勉。底用問巫咸。

紫詮先生寄示近作卻寄

新甯余堯壽雲眉

新詩讀罷望南州。太息騷人百事憂。烏爲驚弓勢。遠翻魚從。  
脫網泄中流。功名已屬雲隨眼。鬢髮何堪雪滿頭。翹君秦鞭。  
應早返。繞朝心緒重山邱。時江蘇學局諸君  
議招先生回滬

走徧天涯不見人。用陳一山  
比卻句交遊到處氣嶙峋。悲君絕域孤。

臣淚。愧我頻年獨客身。賈誼有才空抱負。馬周未遇困風塵。



英雄落拓非無賴。肝膽猶將古道親。

讀諸詩後寄呈一律。卽步集中頻年原韻。

番禺李光璇呈衡

蠻觸山川事日非。可堪嗷雁半流離。長城信有蒼生託。遯窟宜酬故國知。莫漫酖人猜叔子。端防軼我過西師。瀛壖指顧圖方略。赤手安瀾在轉危。

奉贈仲弢先生

古端州羅兆庚蓉洲

久仰星鳳甚渴饑。龍門今日得瞻依。胸懸金鑑由天授。筆捲銀河作雨飛。入世肝腸成木石。對人談笑盡珠璣。蓮花幕內朋多少。才學如君我見稀。

偶成四律奉贈兼以留別

滿洲延譽桂山

生花一管絕塵埃。海內羣鷺未易才。蓋世經綸偏不遇。憂時

懷抱幾曾開。高吟白雪今無曲。浪說黃金舊有臺。遯跡天南緣底事。美人香草鎮堪哀。

斯人未合老巖阿。經濟文章兩不磨。幾見浮雲遮日月。從知平地有風波。性因能定窮愁憤。才到稱奇坎坷多。古道行行誰共語。畫長空唱飯牛歌。

英雄失路復誰憐。絕域西來別有天。遠謫夜郎唐李白。親逢織女漢張騫。九歌鬼向山中泣。一笑人從海外還。贏得雞林璧價重。梯航爭替買詩錢。

鍊金端勝買新絲。合鑄揚州杜牧之。顧我獨醒邀我別。別君太速識君遲。淒清風雨書應達。迢遞關山夢有知。擊碎唾壺涼夜永。碧天如水易相思。

奉贈紫詮廣文二律

萍鄉文星瑞樹臣



去國曾經萬里游。感時翻抱百年憂。苦將清議持危局。暫把空言當運籌。同甫文章傳異域。魯連意氣動諸侯。蒼生自是千金品。憑仗何人藥籠收。

自信生平第一流。逢君今日合低頭。名山事業爭千古。滄海襟期隘九州。敢屈軍諮王景略。豈徒書記阮陳留。古來材大難爲用。會見明廷側席求。

奉贈紫詮廣文卽以留別

城南陳希曾望沂

生平少年日。井蛙何太拘。不憚天涯隔。爲長風遊白雲石。嵯峨珠江水。淪流烟霞合。靈鬱霄漢搏。羅浮趙臺與劉關。千古餘山邱。勝引得王子。雋爽今寡仇。邀跡天南窟。竹素相優游。著書有戰紀。精微獨旁搜。詞鋒撼五嶺。筆力傾全。會如轉丸。列國爲春秋。縱橫數萬言。前著無遺。馮煥新長鉞。

季子傷散裘。君才亦二子。富貴非所求。問君似君志。當爲天下憂。乃處林壑。孑然一身謀。君言堯舜世。下亦有巢由。人生各有命。馳逐竊所羞。鯢鵬潛北溟。蘭芷生芳洲。燕雀豈相識。薰艾非其儔。涵泓學子富。卓犖才子優。坎軻遇子困。落拓境子幽。雖然又何怨。雖然又何尤。不朽有盛事。佳人惟信修。愧我樗櫟材。佐國無鴻猷。中外界天塹。東南風馬牛。荊州此一抱。親見五鳳樓。殷勤接軟語。繡段將何酬。須臾惜分手。臨風懷去留。各勉日新志。聲氣永相投。寒潮湧素月。天路長悠悠。

讀紫詮廣文大著寄呈

汀州賴其勳慧生

君不見海上騎鯨七萬里。蛟宮蜃窟等遊戲。足跡能令遍地。方稱世間奇男子。又不見少年讀破萬卷書。俯仰流俗留。



真吾。古人不作誰知己。任教呼牛呼馬呼。狂奴文章浩蕩驚  
海國。壯志顛連困磨竭。此生本為著書來。底事當年輕投筆。  
香海波濤一港幽。片帆無恙且勾留。寄語江東諸父老。耻作  
溫嶠第二流。先生醉後歌代哭。飄泊天涯愁畫粥。饒爾猶得  
記餘譚。窮煤光炮三更燭。先生醒來哭當歌。拊撫文字罪東  
坡。莊騷胥是謾言耳。畸人寄託訛傳訛。嗚呼有才不遇竟如  
此。萬福難得孔文舉。天之報施非無情。厄君之遇彰君名。君  
不見武陽侯程將軍。灌夫視之不值錢一文。

賦呈紫詮先生用感事詩原韻 越南潘炳九霞  
關山難越道途脩。海上乘槎暫此留。欲寄隴梅疏驛信。怕聽  
窻竹戰宵秋。登樓幾度空懷古。索句何人獨遺愁。莫道乾坤  
正多事。四方已慶甲兵休。

越王臺畔暮雲昏。無際波濤湧海門。已見囊錐騰寶氣。誰將  
匣劍拭塵痕。江湖不棄謀臣略。君上當時書多見施行草莽常懷  
主恩。憂患須知天意厚。玉成利器辨盤根。

惻悵風流往事空。人生遇合聽蒼穹。定知湖海多雲雁。不遠  
關山滯雪鴻。大地環觀馳域外。歐洲變局貯胸中。歸來重補  
衡茅集。何日東山起謝公。

閒寫黃庭一二篇。端居多暇意欣然。未應肥遯娛風月。定有  
元音寄管絃。賈誼栖遲傷往日。馮唐遇合是何年。草廬未出  
紆籌畫。憂樂知為天下先。

賦呈穀園先生

嶺南王 騫月槎

詞壇樹幟獨超倫。海內羣欽學識真。構思風雲窮變態。揮毫  
花草門精神。登龍自昔稱佳士。造鳳於今識可人。章句尋常  
衡華館詩錄 贈詩



何足道。知君景畧是前身。

露白葭蒼寄夙思。清輝咫尺隔天涯。葵忱獨抱三秋感。荆鏡徒嗟半面遲。詩思每隨潮信長。琴心只許夜燈知。近來時事關懷甚。幾度携樽欲問疑。

奉贈紫詮先生七律四首 古猷州吳廣需瀚詩

十年飄泊逐南翁。跋扈飛揚意態雄。白也世人皆欲殺。鳳兮吾道豈終窮。難消斫地悲歌氣。儘有登樓作賦風。恰恨生才才不用。由來多事是蒼穹。

一卷新詩集衆芬。高樓風雨感君文。名山早擅千秋業。健筆能開萬里雲。本自多情同白傅。那堪蠻語學參軍。飛鴻避弭翔寥廓。不替人間燕雀羣。

碧海茫茫萬古流。興來遙泛日邊舟。聞尋晁蓋風流跡。且結

塵散汗漫遊。姓氏俄驚蓬島偏。鶯花都付錦囊收。少微此夜生芒角。百丈文光犯斗牛。

愧我同爲東海客。卑官抗俗走塵埃。狂奴久已櫻時忌。笑口何期爲子開。白璧青蠅甯足挽。美人醇酒亦堪哀。敬亭山色珠江月。落落袁中兩霸才。

七古一篇奉贈天南遯叟 嘉應廖錫恩樵仙

神山雲氣滃而深。神山芳樹鬱森森。雲欲暮兮春在樹。俯思

空谷之足音。我住神山已三月。舊雨不來今雨歇。俄傳門外

客星臨。天南遯叟前通謁。遯叟舊是吳中豪。樹幟矚矚意氣高。一朝被謗遯南眼。看花飲酒快遊遨。遊遨到處人爭識。七

萬餘里經西極。蓬萊神仙把手招。挂帆又指扶桑國。船至神

山十日留。西都名勝甲靖洲。真山真水真圖畫。付與才人筆



底收昔讀君詩感君遇。今日逢君爲君訴。立身須自定千秋。  
那管旁人來毀譽。志存忠孝報君親。不在爲官在爲人。德行  
本根文藝末。高曾矩矱師先民。刻楮雕蟲徒小技。風雲月露  
詞何靡。君才實大出緒餘。愛國憂時是詩史。杜老浣花陸劍  
南。天南遯叟鼎而三。他時刻就東游集。寄與神山谷吏探。

賦呈紫詮先生

日本龜谷行省軒

雄心欲著祖生鞭。遊徧歐洲路八千。慷慨談兵辛棄疾。風流  
耽酒杜樊川。世無知己堪惆悵。天付斯才豈偶然。新史好藏  
東海外。芙蓉峰聳鬱雲烟。

卽席贈張園先生

日本川田剛甕江

漫遊乘興上輪船。來泊扶桑日出邊。著述等身人未老。風塵  
遯跡骨將仙。豈求靈藥入三島。欲訪逸書存百篇。莫怪相逢

傾蓋久。令譽夙自藝林傳。

奉贈張園先生卽和張江韻

嘉應黃遵憲公度

神山風不引廻船。且喜浮槎到日邊。如此文章宜過海。其中  
綽約信多仙。司勳最健言兵事。宗憲先聞籌海篇。團扇家家  
詩萬首。風流多被畫圖傳。

奉贈仲張廣文步張江原韻

餘姚沈文榮梅史

東泛滄波太乙船。直追槎木斗牛邊。誰知勾漏山中叟。來訪  
盧敖海上仙。蠻觸新書成戰紀。源平遺事入詩篇。雞林賈客  
爭相問。不讓香山萬古傳。

賦贈張園老民

日本增田貢岳陽

叩轅獻策靖邊氛。未見酬庸報夙勲。組練三千吳市甲。背嵬  
五百岳家軍。避人常下南荒淚。遯跡空瞻北闕雲。自古奇材



終有用偉人江表定推君。

讀紫詮先生詩文集賦呈

日本吉田次郎

觀遍歐西興未休。飄然又作海東遊。賦時詩句擬諸將。大集中有

擬杜甫將五首論勢文章洞五洲。故國鶯花應入夢。殊鄉風雨豈無

愁。獻酬倡和新知足。好醉江頭小酒樓。

讀紫詮先生詩文遙寄一律

日本山本居敬

逸氣飄然事遠游。滿腔才思湧江流。詩過機緲歸於淡。文極艱辛得自由。渡海客來傳著述。趨風人競覓賡酬。操觚嘆老世皆是。惟有先生未白頭。

寄贈紫詮先生次吉田次郎韻

日本牧田彥作

先生豪氣死難休。幾度東西異境遊。明月秋高懷遠浦。薰風夏半夢香洲。詩人湖山以馬川為香港賦詩橫槩何多感。把酒看天特破

愁。笑我平居作牛後。呼盃獨上庾家樓。

聞紫詮先生西來賦此寄呈

日本秋永照隣

不擬蓬萊採藥船。東航探勝賦詩篇。山浮富士千年雪。日湧扶桑萬點烟。詩境悲涼同島佛。文才跌宕比坡仙。元亭如許停車訪。欲結將來問字緣。

卽席賦呈紫詮先生

日本石川鴻齋

驚見文星照海東。才人遠近盡趨風。公超到處門為市。孫綽從來賦最工。步詠花陰傾玉盞。坐吟月下撫焦桐。只看鳳鳥翔千仞。難縛中原結網中。

宏名聶耳恰如雷。何幸今朝共舉杯。台獄雲深仙客去。江城日麗碧桃開。衣冠夙謝三公貴。草莽還占八斗才。更美胸中富文史。飄然駕鶴下蓬萊。



席上呈張園先生

日本狩野良知

逍遙海外作鵬遊。足徧東西歷數洲。意氣乘風濤萬里。文章經國業千秋。功名不願記雲閣。轍跡且期周地球。猶有謫仙緣未了。何妨詩酒託風流。

賦呈張園先生即以志別

日本中洲三島毅

孤帆千里抵雲天。采藥來留蓬島邊。江左賊由奇策定。泰西戰待鉅文傳。交情不隔道猶古。吟骨惟疑人是仙。何事秋風促歸去。陽關一曲入離絃。

聞紫詮先生將歸賦此寄呈

日本中村正直

飄然乘興日東遊。才學如君乏匹儔。筆役風雷多逸氣。胸羅星斗足奇謀。久思對榻縱談未。能肯命車來訪不。那忍匆匆分手去。天涯好會再難求。

卽席賦呈并送南歸

日本湖山長愿小野

幾度飛毫賦遠征。大西洋又大東瀛。却嗤霞客游踪窄。最愛雲臺學術精。芳草綠波他日夢。紅絃珠唱此時情。也知新著刻成。近署否老夫幾姓名。

席上呈紫詮先生兼送南行

日本巖谷修誠卿

光怪驚看太陸離。泉源萬斛湧文思。杯盤對酌猶新識。肝膽相投卽舊知。品紫評紅溫尉什。傷春惜別杜陵詩。賤名喜入柳州筆。探勝晃山攜手時。

聞紫詮先生將行寄呈

日本本多正訥

夙聞吳地有詞仙。萬里遙浮徐福船。早識文章關至性。獨從忠孝得真詮。問奇誰識揚雄字。獻策長留賈誼篇。莫厭天涯淹滯久。相邀爭設主賓筵。



奉贈天南遯叟

日本朗庵阪谷素

乘槎破浪走龍鼉。想是東游逸興多。自古奇才遭艱節。平生至性託黎澠。欽名欲下涪翁拜。憂國時聞杜老歌。丹酒如泉澆塊壘。伊丹齋淹留且養碩人藹。

席上賦呈紫詮先生

日本丸山鑽子堅

扇影衣香捲畫樓。酒邊涼意暑初收。縱橫詞筆貫天地。磊落胸襟凌斗牛。觀客情懷逾杜牧。新橋風物勝揚州。流連只合長今夕。楊柳如春月似秋。

翌日再呈重用前韻

日本丸山鑽龍川

高蹈常輕萬戶侯。乘槎文作海東游。媚山明水入吟眼。關雨長風牽客愁。夙讀書神既往。相逢傾蓋意先投。他年我亦西行客。詩酒追隨君許不。

席間賦呈紫詮先生

日本關校瀧堂

天子呼來不上船。用乘槎萬里忽飄然。囊中詩刻三千首。海外名傳二十年。餘事觀風仍紀俗。高情構妓又參禪。揚州花月寥寥甚。久待豪遊騎鶴仙。

奉贈張園先生即送其歸粵

日本龜谷行省新

人中之龍文中虎。張園先生即同甫。張膽明目論時勢。赤日皦皦披雲霧。粵賊凶醜滿乾坤。激昂獻策叩轅門。雄姿未伸賊未滅。橫罹奇禍銜深冤。一朝決策遊四敵。長風萬里逞雄。搏英雄割據尚未已。虎視龍驤互相吞。興亡古今幾變遷。袖筆窺前鬼哭喧。歸來頭白不稱意。飄然又到扶桑地。聞說扶桑有逸書。欲搜小酉識奇字。余亦東海一狂夫。氣凌虹霓才本迂。讀書萬卷歸畫餅。空餘傲骨老窮途。相遇論交江樓夕。



綠酒淋漓披肝鬲興來起舞蛟龍驚詩成金箋紅袖擎潑墨  
直傾長江水揮劍擬鏖遙山碧忽聞龍調激秋風白雲慘  
雁橫空一別萬里恨參商幾時追逐學雲龍君言丈夫一  
飲解肉精神應注著述中嗚呼青紫紛紛不足論何如開  
萬古之心胸

經山房寄和駿園老民

古猷州吳廣霽瀚

仙雲冉冉集蓬山且向林花一解顏我愧東遊撙世網君  
南去閉柴關高談落帽驚飛鳥急電穿櫺櫺小鬟煮酒英雄  
今在否幾回懷古看刀環  
天生名士紹風流世事無勞借箸籌避禍田橫猶島國談兵  
杜牧自揚州驚心作客徂三載稽首求仙向十洲翳立高風  
同拍手謝他肉食運奇謀

海頭遙指白虹生灑酒勞君進一觥學劍漫愁無利器攻詩  
直欲比長城王孫乞食渾無賴阮籍狂歌太不平舉世滔滔  
誰與易天教沮溺好同耕

湖海元龍氣自豪眼中今日見王韜論心不覺傾三雅養勇  
何妨挫一毫醉臥有時懷管樂笑談無語及蕭曹東方桃李  
君栽徧贏得浮名北斗高

贈紫詮先生

番禺梁肇晉少亭

西遊已倦倏東遊遊遍瀛環大九州海上三山歸巨眼天涯  
萬國數從頭不聞杜甫依嚴武應有常何薦馬周無奈小儒  
多昨舌五都羣詭夜光投

寄呈紫詮先生以志景仰

嶺南王騫月槎

鴻才自古出鴻儒經濟文章曠世無雄辯天生王景略妙詞



人羨阮元瑜。平生意氣空千載。遠道烟波夢五湖。羞向終南  
趨捷徑。誰知抱負有驪珠。

花落閒庭草滿除。問奇有客此停車。匡時愧我空談策。垂世  
憑君獨著書。望氣竟從三島外。知音還在七絃餘。東山不奪  
蒼生願。終見商霖展夙儲。

余將北游津門。席間賦呈弢園先生。并以言別。

日本曾根俊虎嘯雲

去年聞君靖洲京。詞壇遠近傳君名。今年見君海國城。綺筵  
跌宕懷君情。目光如電氣蓋世。議論叱咤風雲生。君言讀書  
不得意。頭顱如許無所成。君昔壯遊萬里外。西鄰冰海東蓬瀛。  
阿蘭觀日叩真宰。扶桑濯足恢前程。讀背三千秘文字。胸中  
十萬藏甲兵。惟君襟懷多磊落。攬轡壹志圖澄清。方今歐

亞相並峙。厥勢強弱難抗衡。藩籬盡撤屏障失。譬如大厦將  
頽傾。我思古昔益慷慨。時欲呼天鳴不平。中朝與我唇齒國。  
結好況是稱同盟。一心併力足禦侮。閭閻何暇爲門爭。君之  
所見與我合。有如鸞鳳鳴同聲。東來倉卒不久住。高樓置酒  
送我行。檀槽急向當筵奏。異方聞樂心怦怦。我今別君請自  
愛。慎毋痛飲如長鯨。北游燕趙多奇士。屠沽意氣輕公卿。彼  
自悲歌我擊筑。酒酣各自抒愚誠。明年春風二三月。萬楊柳  
絲千花明。我將與君再相會。當須一飲三百觥。更爲喚取雙  
明娥。親煩玉手彈瑤箏。一曲既終意未盡。掛帆自此賦長征。  
君雖不遇慎勿疎。隱居坐待天衢亨。

小住香海感成四律奉贈 漢軍玉仲蘊 璣

山陬海澨記游蹤。選勝搜奇見此翁。拔劍一時同斫地。高談



四座可生風。倘論豪氣應千古。誰同詞壇角兩雄。笑我悲歌同阮籍。猖狂端不爲途窮。

天涯執手一長吁。時局翻新異古初。仗節未能降冒頓。快心

幾見襲扶餘。虛言桑景橫磨劍。實事南狐直筆書。君所著書所載近事

大都實錄話到百端交集處。酒酣抵掌意躊躇。

紛紛海若忽揚塵。漆室燈昏太息頻。議論難爭秦典客。縱橫惟見魯行人。誦詩三百談何易。下筆千言倘有神。材不材間無位置。敢將蹤蹟感沉淪。

早知文字誤平生。楊意難逢眼未青。狂論敢緣知己發。罪言休使外人聽。沈酣典籍歸無用。齟齬精醕悔獨醒。胡蝶夢周原爾爾。且隨海運徙南溟。余時將之海南

蘅華館詩錄總目

卷一

古今體詩一百四十八首

卷二

古今體詩一百三十一首

卷三

古今體詩八十一首

卷四

古今體詩七十九首

卷五

古今詩體一百三首

卷六 卷七 卷八 續出



右詩五卷。都五百四十二首。光緒庚辰五月下旬。題叟編次。既竟付之手民。嗚呼。余敢以此自信。爲詩而竟欲問世哉。惟是三十餘年來。境遇閱歷。悉在於是。展卷披吟。髣髴可憶。存之聊足以見我性情。云爾。余行年五十有三矣。日月逝於上。體貌衰於下。文章未就。事業無成。遙望故鄉。相隔萬里。頭白齒危。未有歸期。局促一隅。疇與倡和。親朋既絕。嗣續永無。魂魄一去。同歸秋草。以此思哀。哀可知已。是則因編此詩而淚。又不禁泔泔下也。

蘅華館詩錄卷一

長洲主 韜 仲瑛

○ 不忘

欲從太上證靈修。不忘鴻泥此小留。轉眼鶯花人似夢。當頭樓閣月如秋。青山有約空埋骨。紅豆前生早種愁。填海補天應亦易。相逢今世合休休。

無端風雨困黃昏。獨替花愁早閉門。篋裏尙存新韻本。壺中已凝舊啼痕。生無可樂何辭死。情尙難忘況受恩。灑盡悲秋叢菊淚。荒江寂寞臥楓根。

玉色瑤情一瞬空。幾回呵壁叩幽宮。簾前語不聞雙燕。地下書難寄隻鴻。但有離魂來夢裏。徒懷同命各心中。燈昏酒冷誰消遣。強起瀟豪賦惱公。



惆悵詞成錦瑟篇。歌離弔夢總淒然。一生恨事空花月。半夜  
哀音迸管絃。莽莽寒煙埋宿草。茫茫逝水送華年。藥爐茗碗  
無聊日。合寫楞嚴懺悔先。

吳江徐仲寶至

去年人日君始來。草堂喜報梅花開。今年君至已晚矣。梅花  
如雪落江水。一度花開一度思。今年人非去年時。名場徵逐  
不得意。出口都成危苦辭。方今俗學工相皮。文字高寒識者  
稀。讀書豈徒弋科第。力古乃不救寒飢。吾黨徐生異庸衆。能  
出清聲熠羣闕。祖孫父子皆妙才。詩名詎以隨園重。山民先生  
生飢驅飢驅且出行。書生意氣輕公卿。朱門三重未敢通。甯  
質皐廡依吳中。吳中至此路尤近。片帆落手天風引。杞菊誰  
堪作比鄰。昔日名流今已盡。王微本不好詣人。里居寡懽跼

步窘。我欲乘風作遠遊。與君嘯傲凌滄洲。

小飲青蘿山館呈顧滌齋師

欲雪不雪天釀寒。啾啾凍雀愁營端。地爐活火聊取暖。一尊  
入口僊顏歡。新坼泥出餉客。香浮色淡味獨完。吾師不飲  
好人飲。尤喜脫暑禮數寬。王郎本耻作小戶。深盃不厭一吸  
乾。酒闌每易生感慨。敢抒愚論披心肝。伊昔操筆纔舞勺。其  
時我猶未識韓。文章龜解蒙公許。豈有羣書卓犖觀。今日幸  
備弟子列。步趨敢曰升堂難。中吳詩學久不振。誰執牛耳雄  
高壇。金陵流派工簸蕩。公其挽之排狂瀾。佻淫積習冀一變。  
目笑羣兒肆擊彈。靈芬秋水雖後起。清新漸趨爲雕刊。怪公  
閉戶坐寂寞。却來賣藥供朝餐。再拜陳詞敬請益。空仰邱坂  
心愁歎。



韻法甚奇  
送徐仲寶之吳門時亦有錦溪之行  
空堂相對雜離思。秉燭宵分聽漏遲。今夜月光同領畧。明朝  
帆影各參差。功名大有衰門感。文字難期末俗知。殿曲孤雲  
吳苑樹。憶君最是落花時。

渡范遷湖

朝曦射窗喧雀聲。久苦寒雨喜新晴。舟子曉發叩門至。持書  
促我錦溪行。錦溪此去只廿里。風便掛帆頃刻耳。春水漣漪  
溪漲平。蕩漾持藻生空明。小艇搖搖日未午。大河前橫路若  
阻。煙深岸濶不見人。獨聽空江響柔櫓。此湖舊以攀清名。水  
色澈底玻璃清。或云范蠡遷家至此間。湖濱卜築名遂傳。當  
年功就知機早。一舸載得西施好。屢散千金瀾俗賈。上士大  
笑未聞道。晚年想已厭網羅。乃來此地娛烟波。嗟予亦爲名

利縛。何時歸釣隱邱壑。

飲錦溪書舍示主人

吳淞廿里錦溪頭。天風送我扁舟遊。主人築室邱之麓。門前  
新漲一江綠。短草緣階青滿庭。雜花映戶紅入牖。此齋地位  
雖偏促。安頓書倉亦已足。仲宣乞食來此邦。忝與主人羣紀  
行。主人爲具酒一石。呼與鄰翁相對酌。嗟我結廬淞水東。年  
來飄轉如飛蓬。人生苦爲微名累。不然種秫謀日醉。但力耕  
田間讀書安。辭長作農家居。未知此樂何時有。吾言不食如  
此酒。

遊里東僧寺

遙指寺門處。蒼然夕照沈。石堤故盤曲。鐘閣極蕭森。環水長  
春草。推窓驚暮禽。地需幽僻好。何必美山深。



小樹花初著。殘僧茗自煎。林煙團處暝。檐月墮來圓。卽此幽棲地。居然八九椽。結廬何日遂。石瀨溜涓涓。

錦溪僧寺讀墓碑偶作

錦溪本名陳墓。俗傳宋南渡時。陳妃瘞此。故名。今墓在僧寺左旁。斷碑嵌置壁間。字跡漫漶。幾不可讀。然大要一達官塚耳。拾遺之廟。小孤之山。沿訛久矣。不足辨也。

吾來錦溪柳已絲。偶閒步履游叢祠。高隄曲折石犖确。其中四面皆成池。爲搜陳跡來相訪。參差樹影江流漾。簷前微雨朝初晴。湖中新水春來漲。一角低迷林外煙。歸然有冢峙其間。殘葉隔年猶未掃。誰於此下酣長眠。云是高宗昔避敵。後宮佳麗隨君側。風塵憔悴陳妃子。惺松鬢髻病難起。可憐不

得同輩行。一朝簪管葬傾城。我聞此語心未決。五百年來驚倏忽。上天空見玉棺臨。下世徒傳金盃出。宿草紅心帶弱魂。半鈎冷月照黃昏。明眸皓齒千秋劫。寶鬢羅裙雙淚痕。風飄衣上桐絲落。野棠自紅水自綠。牆脚摩挲徑丈碑。則苔剝蘚文堪讀。字跡依稀辨未明。約畧勦業言平生。鬚眉致屈爲巾幗。向來顛倒從人情。今人好色盡如此。相沿紕繆何足耻。回首笑問南能僧。始知耆老言無徵。真娘墓上題詩慣。蘇小墳識西陵幻。後賢憑弔徒紛紛。明妃青冢何人見。嗚呼帝王陵寢且飄零。惟此坏土獨得長。共溪流清寺僧殆。我論不辨微爲謔。鵲噪屋角三兩聲。但見落日山頭橫。

坐愁不寐。池月上窓。靜中有覺。紀之以詩。

羅壁上新月。竹徑團晚煙。茶鎗水自沸。藥鼎火宿然。散髮坐



成夕涼風來衣邊燭滅生虛白。幽人應未眠。蟲聲窻隙透。花影牆凹穿。空庭寂無語。此意誰爲傳。

接家書後卻寄

一紙書來仔細看。先看紙尾署平安。春深猶有餘寒在。路近何愁欲寄難。小病無因偏止酒。十行相訊勸加餐。蠻箋燈下匆匆寫。便數歸期半月寬。

夜坐

安置詩筒併酒尊。孰憐丐食帶江村。瓦鉼沸聽茶聲急。籬壁搖看燈燄昏。花補離凹疎有影。月斜屋角淡無痕。故鄉舊侶應相憶。重聚西窗與細論。

偕同人泛舟吳門夜泊滄浪亭

放櫂吳松口。扁舟過野塘。三人情自永。卅里路偏長。溪草隨

波綠。籬花隔岸香。倚檣無限意。不覺暮雲蒼。

約略水程盡。猶從郭外盤。山銜斜日下。風急客衣寒。學業慙書劍。音塵困鳳鸞。所思不可見。懷抱幾時寬。

小泊滄浪側。鄰船笑語聞。聯詩多未竟。中酒已微醺。思爲離鄉雜。情偏與友殷。昔賢曾此隱。想像感遺文。

燈施更闌後。紛然酒欲醒。去家原未久。此路亦頻經。鄉夢如雲住。人聲隔水聽。歲華空復逝。慙愧鬢絲青。

書所見

桃花門巷鎖葳蕤。解識春風見一枝。隔岸好山先露面。照人新可宛成眉。鶯鴻影斷迷來路。覆鹿疑深繫去思。不待重尋已惆悵。等閒吹白鬢邊絲。

縱不相思亦可憐。每羞憔悴在花前。淡雲有影流如水。殘夢



無痕化作煙。明日天涯從此遠。今宵燈畔未成眠。姑蘇臺下紅心草。多恨多愁總夙緣。

題畫蝶

夢魂栩栩繞階前。苦戀春光祇自憐。芳草王孫今已老。落花如雨雨如煙。

初夏

柳絲疏地柳絲颺。簾外桐花風送香。春去亦如人易老。事忙偏覺日非長。鷓鴣隔夜猶啼雨。蛺蝶鄰家時過牆。清簟生紋涼似水。且從晞髮一徜徉。

錦溪寄懷詩四首

顧滌盦明經師

青蘿館裏碧琅玕。一片陰森六月寒。曾否新詩鈔十手。定知

好竹長三竿。文章小技慙翻籍。衣鉢名山託柳韓。大藥駐顏容市隱。廿年高臥此袁安。

傷醒道茂才

身世悲涼感不禁。哀音淒戾失巢禽。蜀都風月愁無際。故國冰霜歷已深。更少衣從沽酒典。祇餘詩爲送窮吟。東歸常下依人淚。一臥江鄉百慮侵。

徐仲寶秀才

繞里梨花三百樹。閉門中有草堂幽。業承名父終傳世。詩到才人例感秋。八月波濤飛白下。一簾煙雨夢蘇州。鱸香領畧功名小。搖落江鄉爾許愁。

懷蘅閣內史

不是愁中便客中。生憎勞燕各西東。才人例不登金榜。仙子



應還住玉宮。曲桁簾波看瑟瑟。迴廊展點聽弓弓。銀河咫尺  
如天樣。只有宵來綺夢通。

夏日讀書廬精舍

復作歸歎想。扁舟至里門。蹉跎慙未補。文字向誰論。岸遠疑  
無樹。雲深若有村。暮鴉斜照外。帆影總昏昏。  
小築通幽處。禪寮靜不嫌。蒼香風入牖。蕉綠雨侵簾。爲拓三  
弓地。能消九夏炎。短椽容我借。檢點置書籤。  
竹影碧團圞。蕭然六月寒。涼颼來戶牖。落葉上闌干。有約應  
相踐。無花可共看。西風吹不歇。窗外咽聲乾。  
伴石花偏好。窺簷月久圓。若能占五畝。亦欲構三椽。築室當  
松下。開門臨水邊。圖書叢裏坐。把酒意陶然。  
咫尺隣蕭寺。高僧亦偶逢。晝閒時隱几。日暮又聞鐘。空竹鳴。

秋急。牆花弄影重。簾紋如滑笏。高臥正從容。  
煮茗初聽沸。看棋偶遣忙。桐陰當晝靜。薤葉過風涼。清坐情  
偏適。深宵話更長。懽然團聚久。此樂莫相忘。

夜起

羅月淡掛壁。夜深萬籟寂。星稀看或無。露重聽欲滴。寒蟬啼  
近人。燈裏語唧唧。秋士聞秋聲。使我心中惻。况復送遠風。高  
樓正吹笛。

偕朱彞卿夜集青羅山館。明日將同發白下。

屋山晨聽乾鵲啼。故人有約來錦溪。布帆無恙秋風快。停舟  
繫纜聞午雞。忽地吾師折柬招。相期剪燭娛深宵。隔竹茶煙  
清若水。夾松月影冷於潮。觸熱披襟當牖北。牖邊樹影濃遮  
屋。疎疎小雨晚初晴。娟娟淨綠涼微生。迴憶嚶唳亦已久。可



知今會原非偶。半載常深似海情。一口欲吸如准酒。酒盡更  
闌話漸稀。更添涼意上生衣。牆陰欲歇寒蟲語。簾裏忽見流  
螢飛。此時相對情獨絕。天上星稀乍明滅。鰲角紋生衆竅寂。  
竹梢露重數聲滴。今夕何夕共此堂。明日之日官道旁。白門  
一片秦淮月。又爲他鄉念故鄉。

自許關至丹徒舟中所得絕句

曉關十里散涼煙。尚見星光照水邊。岸上露蛩啼不歇。樹痕  
濃護佛祠前。

行經南望亭邊路。高岸迴潮曉夜渾。却羨數家茅屋好。隔籬  
竹裏自開門。

獵獵船旗颭遠風。黃茅蓋屋土成墉。一堤烟柳橫林近。正好  
泊舟聞暮鐘。

丹陽城外暫停橈。雨過山痕淡欲消。苦憶新豐佳釀熟。隔溪  
村店一帘飄。

雲氣半江涼欲雨。水痕兩岸暝成烟。舟行要識秋來處。盡在  
蘆花楓葉邊。

板牀竹簟夢難成。底事秋天未肯明。愁思連朝偏爲酒。聊拈  
詩景破鄉情。

夜行

夜來微雨斷燈影。出孤斷。歷亂墮流螢。扁舟過兩岸。

小泊七里江

繫纜平橋晚。楓林正落暉。榜人閒倚櫂。水氣暗侵衣。圓月翻  
波碎。孤雲待族飛。遙看煙樹外。漸覺過帆稀。

舟膠新河中乞潮伍相國



繫舟樹下等潮開。再拜靈胥奠酒杯。江岸濤聲成險壑。吳宮草色上荒臺。千帆迎水鳥檣集。一線衝波白馬來。淹滯征途向誰告。急投詩句敢相催。

黎明渡江卽事

一片喧呶客夢驚。篙師解纜促舟行。依微岸遠秋無際。浩蕩潮來夜有聲。殘月不明猶掛樹。布帆無恙更催程。曉烟欲散啼鴉起。好景濛濛畫未成。

風雨聲如萬騎連。奔龍澎湃挾危舷。河山自古分南北。波浪無邊接地天。出沒江豚夜吹霧。翻騰水怪曉飛涎。好將枚叔吟秋筆。寫出觀濤賦一篇。

夜泊白下水西門

帆檣羣赴水西門。遠寺鳴鐘晝已昏。六代江山餘霸業。千年

草木入燒痕。遙憐北固分秋色。莫話南朝愴客魂。兩岸歸鴉寒意重。篷窓風雨與誰論。

剪燈相對雨茫然。約畧行程問長年。三日渡江風絕險。終宵傍岸雨如懸。隔船人語聽偏寂。到枕潮聲攪不眠。準備輕舸湖上去。莫愁渡口問前緣。

○至寓齋作

事業前朝付劫灰。秣陵王氣亦堪哀。過江詩爲悲秋作。捫石人誰訪古來。室借三弓閒憩足。酒須一石客懷開。釣魚巷側秦淮畔。應有簫聲到鳳臺。

秋來芳草遍閒庭。一桁疎簾六扇屏。牆缺正當殘樹碧。屋低不礙遠山青。疎花入夜窓無影。涼月著人醒未醒。剪燭更闌渾欲寐。那堪舊事話零星。



欲寄

尙憶前番握手時。未行先欲問歸期。最憐離別牽紅袖。反怨功名鎖翠眉。乘月輕帆偏獵獵。和烟衰柳尙絲絲。金錢長夜休頻卜。爲有檀郎絕妙辭。

新寒幾日襲簾幃。旅思紛然願總違。劣有心情連日醉。祇餘魂夢昨宵歸。夜深愁聽百蟲語。月落驚聞獨鴈飛。只恐夜涼花下坐。露香風警透羅衣。

疏簾隔斷一溪煙。叢鬢長眉絕可憐。碧玉工愁偏此日。泥金寫帖是何年。詩題桐葉人雙笑。被冷蘆花客獨眠。細雨黃昏無奈甚。殘燈明滅短窓邊。

○過伍相國祠

伏劍竟身死。夫差豈霸才。恩仇何所見。忠孝半成灰。秋至潮

聲壯。春深鳥語哀。胥江祇尺土。荒草上蘇臺。

過古廟

金粉荒涼舊事非。深林不見鷓鴣飛。尙留斷碣苔侵石。惟有長松葉墮衣。隔岸寒雲殘照暝。閉門疏雨過人稀。前朝興廢從何問。遙見牧童烟裏歸。

白下雜詩

皆寓齋紀遊之作。策蹇之辰。拏舟之日。偶有所歷。輒錄於篇。

年年簫管泣秋風。丁字簾前燕影空。偶見隔湖小兒女。髻花簪得可憐紅。

秦淮韻事半成煙。人影衣香爲惘然。我是年來銷綺夢。忍彈舊曲聽公絃。



薄陰遊女晚來稀。妙相蒼邊樹四圍。隔著垂楊剛見得。不知  
微雨濕秋衣。

莫愁湖畔豈無愁。水閣珠櫺盡下鉤。郎自乘船妾鼓櫂。絲何  
此水慣分流。

我到隨園日已昏。從前壇坫渺無存。風流雲散難追憶。月掛  
烟蘿微有痕。

裙展清游久寂寥。秋墳詩鬼暗魂銷。絲絲弱柳疏疏月。盡把  
興亡付去潮。

景陽宮殿久成空。豐草蒙茸臥巨鐘。井底寒泉流不歇。但聽  
四野亂啼蛩。

秋水文波碧似羅。吳儂船上聽吳歌。誰家燈火籠櫺遠。幾到  
鐘鳴月滿河。

遇雨將欲巾一角。衝泥幾誤路三叉。清涼山下四圍碧。盡口  
騎驢自看花。

鴉帶寒雲入遠村。荒祠斜日淡秋痕。滿山黃葉落如雨。愁聽  
疏鐘白下門。

○秦淮卽事

來遊最好晚晴天。約上秦淮泛畫船。十里鶯花供跌宕。兩河  
蕭管艷神仙。消除豪氣惟詩裏。散離情懷到酒邊。兒女英雄  
皆本色。借將絲竹遣中年。

綠酒銀燈水上樓。湘簾不捲最宜秋。怕聞折柳桓伊笛。誰識  
迎桃子敬舟。浩蕩波光銷客恨。朦朧月影替花愁。隔湖絃索  
殷勤弄。觸撥柔腸不自由。

淡煙輕粉事荒涼。尚憶風流說頓揚。南渡笙歌成好尚。東皇



花月寫文章。何來畫鷁衝波遶。幾見驚鴻隔浦翔。只有簾前  
雙燕子。年年此處度秋光。

暮煙漸淡細波生。檻外嵐光畫不成。雙槳人來曾有約。六朝  
山好半無名。銷磨年夢綠多病。蕭瑟秋風未放晴。纔見湖邊  
簾盡下。衫痕黛影自分明。

留別秦淮

到此日無幾。別時情自生。潮痕常過岸。樹影半圍城。水碧留  
人住。山青送我行。蒼煙斜照裏。願與爾同盟。

放櫂從茲別。垂楊縮客舟。煙波如有意。鷗鷺不勝愁。殘月初  
醒夢。寒花欲斂秋。所思渺無際。相約待重遊。

夜坐

此夕風寒酒易醒。銀屏時見墮流螢。隔窗燈影涼於水。長夜

無人月到庭。

反遊仙詩并序

顧滌簋師嘗作反遊仙詩。大旨謂殢霞餌玉通人寓  
言。不如積碩學爲世用。僕本無心仕進。讀吾師詩。悚  
然久之。自念秉才既弱。輒遭擯斥。蓬萊清淺。渺若登  
天。設使浮榮有耀。而此中已搖。則平日所以自勵者。  
安在也。至遁跡山林。或可藏拙。亦心鄙之矣。因亦作  
反遊仙詩以見志。仍用郭景純原韻。

鷓鴣林樾巢。鸞鳳枳棘棲。不見古達人。奮跡起草萊。叶長生

亦有盡。安事擬仙萑。抗心太虛表。躡足青雲梯。儼規莊惠友。  
貶勉黔梁妻。操守苟不堅。局促決藩羝。置身固何若。當與冥  
鴻齊。



靈秀在天壤。燕齊有奇士。著書宇宙間。邁迹雲霄裏。蓋識黃石公。肯隨赤松子。謂彼終南山。仕宦捷徑耳。風流久不作。乘時當崛起。屈膝求寵榮。紛紛何足齒。南面擁百城。點筆任驅使。

草木托興微。春花何娟鮮。避世者誰子。藏拙處深山。仙叶何不勵志節。易轍而改絃。食必炊仁粟。飲必酌廉泉。榮華與彫枯。轉睫皆雲煙。學問存其人。道德誰仔肩。士貴希聖哲。緬懷千百年。

清操可長存。浮榮知易謝。蟲鳥變春秋。衰葛思冬夏。蓬島至蒼茫。桑田微變化。西笑向長安。願言稅我駕。獻策既不遇。且自安茅舍。窮則善其身。何事徒悲叱。

朝市亦可隱。杖策思獨遊。貧賤洵堪恥。將泛皇都舟。豈敢躁

自進。金馬門可投。松柏勁寒歲。枇杷翠晚秋。滔滔斯世人。嘆惜誰清流。

文字固憎命。詩書能爲災。此中貴自適。咫尺皆蓬萊。泉石不可託。奮步翔瀛臺。願預鑄洛宴。隨流飲瓊杯。典策獻天子。妙語解人頤。孩叶一旦置通顯。英名擅八垓。豈食不死藥。年老亦反孩。管樂志有在。終非百里才。

鉛汞即可燒。迂誕奪其魄。朱顏已非故。元髮倏變白。勳業不早建。零落隨羅柏。陳篋發殘書。青編展日夕。至理挾精微。羣言盡瀝液。偉績著旂常。豐功垂金石。俯仰天地中。皆爲萬居客。

秋月

悄剔銀缸結繡腸。秋風吹墮十分涼。水晶簾薄光難隔。翡翠



樓空夜正長。四野無聲寒玉笛。半欄斜影倚紅妝。離懷別緒情偏遠。但祝團圓藥願早償。

不寐

烟蘿四徹風入簾。湘簾半捲月掛壁。不寐披衣夜深起。側聽空階殘露滴。

簾

怕有風時垂密密。更無人處護重重。日長已是少情思。睡起微聞花氣濃。

錦溪詩社小集。席次呈陳松源孝廉

建豎壇坫伊誰功。拔幟立幟詞中雄。我來妄擊雷門鼓。森嚴壁壘偏師攻。席上更逢驕叔夜。注後西冷才性豪傲世間孰識狂人公。處仲唾壺鼓欲缺。抑塞磊落抒心胸。無才我自愧刻鵠。人

言此老其猶龍。屈服張華走成式。解經不窮戴侍中。邇年我亦懷述作。揚雲小技嗤雕蟲。快讀奇書固所願。敢誇健筆無不工。石銚水沸春茗碧。蘿壁影搖蠻燭紅。人生如此致足樂。何必食粟千萬鍾。

冬夕

蕭蕭牆外竹聲乾。霜重樓高夢亦寒。人在西風正惆悵。又吹落葉上闌干。

夜起

夜闌夢醒人初去。起窺窓戶疑何處。高樹風寒鳥欲啼。空牆月墮天將曙。

無題

連日輕陰不下樓。花叢雨過濕簾鉤。隔簾蝴蝶雙雙見。剛觸



儂心舊日愁。

舊時庭樹尚依然。小別無端已一年。記得扁舟湖上過。岸花落盡雨如煙。

樓臺寂寂雨浪浪。到此離愁總斷腸。相見千回皆夢裏。醒聽落葉走迴廊。

剪剪西風透碧帷。近來消息斷聞知。不堪又到黃昏後。纔上銀燈客去時。

門前絲柳帶寒痕。往事辛酸欲斷魂。無計著書且閉戶。藥爐經卷度朝昏。

入春寒甚多雨

自入春難十日晴。連朝愁聽鷓鴣聲。晝沈沈雨疏還密。夜澹澹燈昏復明。江上雲猶如絮厚。門前水又逐潮生。小庭花事

併無著。要乞天公不世情。

一舸

惻惻輕寒淅淅流。又從一舸到江頭。鴛鴦並世難同命。蝴蝶前身幻宿愁。若問桃花原未嫁。漫猜芍藥定相留。青衫淚點紅箋字。此願難償分已休。

偶言小別感雙蛾。只爲情深怨亦多。隔岸鐘聲驚短夢。題裙詩句托微波。鳳鸞消息常飄泊。蘭絮因緣慣折磨。簾外流雲時作暝。薄寒猶著一重羅。

春來百感正茫茫。又著離愁更斷腸。伴我寒燈昏似墨。照人殘月冷于霜。夢爲離別都成淚。魂入溫柔別有鄉。作繭紅蠶多自縛。宵闌再拜炷心香。

紙閣蘆簾已有人。偏能偕隱不嫌貧。明粧謝豔羞花比。翠袖



生寒倚竹頻。悔我多情徒自苦。憐渠小病豈無因。篋中猶剩羅巾在。願寫心詞禮玉真。

蝶

如雨如煙夢裏花。即非夢裏亦天涯。文章金粉終何用。身世飄零空自嗟。萬里家山春已老。一生風月念多差。癡魂休戀塔前地。咫尺簾櫳一半遮。

夢至青蘿山館

翠碣行來石徑微。細尋舊路未全非。依然窻戶遮三面。記得琅玕碧四圍。粉壁淋漓留醉墨。天風料峭上寒衣。黃昏小院偏閑寂。澹月如絲照故帷。

梨花簾外落桐花。春晚光陰感物華。絕代嬋娟隱空谷。一門詞賦盡名家。慧英女士詩樓臺楊柳青如畫。庭院芭蕉綠上紗。尙

記讀書臺畔坐。金經一卷誦楞伽。

春去

溫風閑雨信全非。怕見春從客裏歸。流水無情空采采。啼鶯有恨故飛飛。棠梨舊館誰爲主。花月新詞唱亦稀。便是重來時已換。玉樓人老綠陰肥。

鹿城歸權口占

夾岸微風解纜時。平橋小雨落帆遲。馬鞍山色渾如舊。每到來游例有詩。

自花朝後至錦溪春杪未歸寄醒連三十韻

寂寞錦溪路。蕭條淞浦濱。遠山青鬢鬢。淺水碧鄰鄰。豪筆情無限。檢書願未真。交遊長契闊。世事劇艱辛。地僻賓朋少。邨深風俗醇。庭花看盡放。檐雀喜能馴。檢點詩篇富。登臨景物



新樓臺常倒影。魚鳥自親人。入饌思肥鱖。穿波采嫩莼。宵闌  
搜舊帙。酒醒憶前塵。覓往將三月。相思又五旬。飄零今已慣。  
書札寄來頻。弱弟能勤讀。山妻不厭貧。簾櫳梳髻好。楊柳學  
眉顰。同有羈棲意。且看現在身。文名窮亦損。友誼久彌親。徒  
抱尊前感。彌傷別後神。屋邊叢樹暗。江上暮雲屯。我志甘沈  
晦。君才善屈伸。歌詞嫺曹植。筆墨壓陳遵。小飲攜蠻榼。相逢  
岸角巾。丰標誠謬謬。氣象亦閭閻。夢裏空千里。雨中過一春。  
短窓燈火闌。深巷犬聲信。尙未能逃俗。會將遂卜鄰。偶耕何  
足道。偕隱豈無因。却病教丸藥。謀生愧負薪。芳時憐翫讌。古  
道歎沈淪。池草碧於黛。野薔白似銀。嗟子處幽僻。往事爲君  
陳。

初夏齋居卽事

一春掩衡茅。芳華倏已謝。及此櫻筍時。行廚會須惜。了却數  
徒課。偏得半日暇。簾外竹蒼翠。簷前花姹姁。簷錢杖頭解。濁  
酒鄰家貰。聊持此一杯。以饒東皇駕。嘆息節物移。歲月許我  
假。芍藥紅上闌。薔薇開滿架。行樂當及時。秉燭娛良夜。感此  
意踟躕。獨坐短窗下。

前夜雨蕭蕭。春去苦不知。芍藥開何晚。石闌紅一枝。雨中色  
更媚。折供古軍持。曉起忽相見。頓減昨日姿。因其已萎後。想  
其方開時。榮悴固不久。遲暮深足悲。物當葆厥真。以全賦畀。  
資一爲耳目玩。遂致失所宜。况乎春始來。物物若有私。轉眼  
綠陰濃。枝幹嗟離披。人生亦若是。感慟以係之。秉質當自強。  
莫被東風吹。

去年立夏早。今歲作詩少。爲惜時光過。偏多塵事擾。館中童



兩三垂髫皆幼小。吾媿爲人師。誘以理易曉。日月去堂堂。江  
波隔渺渺。懸想我高堂。夢魂時相繞。傍牖雜花妍。入簾殘月  
皎。醒來簷雀鳴。茶爐烟嫋嫋。入夏方數日。天氣已驟熱。黃昏雨忽來。瓦上聲淅淅。輕雷若  
有怒。電光乍明滅。夜深風更狂。欲把庭花折。芭蕉葉多捲。冬  
簷痕應沒。曲港與溪通。池蛙鳴不歇。聽之不成寐。益覺客懷  
劣。料知同夢人。擁髻亦淒絕。

夏夕不寐口占

永夕不成寐。懷人最可憐。簾鉤微有月。清影到牀前。

家大人客申江有感

接得申江一紙書。故鄉米貴信難居。但能飽喫殘年飯。自可  
安休半畝廬。裘寒寒盡還四割。篋中故物任三祛。余案三周倫兒所書

硯田無恙書倉富。跣脚科頭好自如。

清閒我只羨農家。秋至籬邊開豆花。近世授田輕馬氏。年來  
問字少侯芭。膏懷短刺羞彈鋏。擬買良田學種瓜。便作邨夫  
子亦好。那堪帆影又天涯。

渡礬清河遇雨

逢秋歷夏此徘徊。又道扁舟載我回。驀地日光遮不見。漫天  
雲氣鬱難開。狂風忽起欲搖樹。急雨未來先有雷。且看跳珠  
入船裏。天公似把好詩催。

暫向垂楊繫小天。黑雲堆墨壓蓬窓。木光激蕩將吞岸。雨氣  
迷漫欲滿江。瞥見來帆如過鳥。漸聞隔樹有鳴榔。吳兒解水  
偏多事。水調新謳未貼腔。

初秋



微風拂拂過池塘。水夢初紅菊未黃。教婦種花翻舊帙。呼僮  
曬藥檢奚囊。窓前隨意開三徑。竹下偏宜置一牀。茶葉基筒  
渾細事。已堪斷送半生忙。

漸驚疏鬢照秋光。一葉空庭覆井牀。跂脚看書燈可近。科頭  
睇髮日猶長。宵闌聲寂知蟲苦。飯罷吟成思酒香。差覺簾紋  
渾似水。天公一味作新涼。

問夢蘅病

無端薄病便添愁。耽懣情懷不自由。簾外有聲頻側耳。窓前  
小坐自梳頭。即看鬢影蕭疎甚。還耐秋風料峭不。勸汝裝綿  
須及早。新寒昨夜襲粧樓。

已是愁中復病中。起還無力臥偏慵。怕臨鏡檻眉痕淡。教下  
簾鉤樹影濃。薄被初熏時有夢。長宵微倦忽聞鐘。請看羅袖

寒如此。懊惱年來帶更鬆。

感遇

空谷有幽蘭。其品軼芳杜。非無高向心。徒與衆草伍。孤萼孕  
寒香。柔根託淺土。從未知媚人。亦非生當戶。竟以見嫉鋤。奇  
冤抱千古。見之三歎息。瑤琴獨自撫。

鸞鳳翔天末。不與雞鶩爭。梓枏生山中。不共桃李榮。操守良  
獨異。識見殊草情。豈其溺名利。而與禍患撓。浮華固不久。要  
共歲寒盟。惟以如者衆。謠詠始叢生。材大乃被棄。品高終見  
輕。既不爲世用。當自葆厥貞。

除夕讌集天風草堂。謹同滌齋師韻。是日立春。風雪寒  
甚。

檐牙冰乳滴殘年。銀燭燒來照綺筵。柏葉杯中春似海。梅花



帳裏夢如煙。更闌正是談心候。歲暮猶虛繞膝前。時家大人  
理研藏。驅情緒。聊將雞黍祀詩仙。

之申江途中作

欸乃從茲去。人烟渡口迷。近村犬聲猛。潤岸水痕齊。舟小趁  
潮上。帆孤向日低。一尊成薄醉。有客歎羈棲。

春日滬上感事

海上潮聲日夜流。浮雲廢壘古今愁。重洋門戶關全局。萬頃  
風濤接上游。浩蕩東南開互市。轉輸西北供徵求。朝廷自  
爲蒼生計。竟出和戎第一籌。

蒼茫水國帶春寒。鯨鱷消餘宴海瀾。閭里共欣兵氣靜。江山  
始歎霸才難。殷憂漆室何時已。慟哭伊川此見端。遠近帆檣  
賈胡集。一城斗大枕奔湍。

烽火當年話劫灰。金銀氣溢便爲災。中朝魏絳紆謨畫。窮海  
樓蘭積忌猜。但出羈縻原下策。能肩憂患始真才。于今籌國  
詎容誤。爛額焦頭總可哀。

海疆患氣未全舒。此後豈能防守疏。應有重臣膺管綸。早來  
絕域會舟車。土風誰補蠻夷志。波畢今登貨殖書。千萬漏卮  
何日塞。空談國計急邊儲。

自申江返里門

一水碧無際。扣舷正苦吟。邨多到家近。樹雜隱雲深。遙岸見  
山色。夕陽驚客心。昨宵歸夢裏。野寺斷橋尋。

懷吳江徐仲寶

簾幕愔愔地。燈光淡淡時。故人成久別。百里亦相思。多病惟  
緣酒。遺愁底是詩。梨花寒不落。春雨夢徐熙。



塵迹原如夢。歡悰不可期。著書徒覆瓿。閉戶且傾卮。春草綠  
江路。疏花出短籬。宵深坐簾底。寒上髻邊絲。

春日茗香寮雜詩

紅護窗櫺綠護屏。薄陰庭院落花飛。長卿善病風懷減。小杜  
工愁髻髮稀。銀燭燒殘聽夜雨。金釵典盡到春衣。醺醺淺白  
靡蕪碧。一樣春光總覺非。

飄零身世感人天。不識離憂不受憐。泡影幻成名士夢。鏡花  
叅破美人禪。酒懷跌宕思前事。詩筆叢殘入舊年。開到鼠姑  
春已盡。嫩寒尙帶袂衣邊。

筆床安置近書牀。茶竈輕煙風自颺。簾底有人閒擁髻。畫長  
無事靜焚香。花扶展齒紅迷路。雨濕蒼衣綠上牆。怕說神仙  
多小劫。幾回蹀躞繞迴廊。

縱有離魂何處尋。銀燈淡淡夜沈沈。抱來碧海青天恨。同此  
千秋萬古心。生不並時安間死。肯猶難見況而今。他年隔世  
終虛願。只恨情深緣未深。

楊丈堃舫自蜀歸賦呈

萬行雲樹萬煙鬟。鵝鴨聲中君正還。五六年愁多似葉。八千  
里夢亂于山。途窮悔作諸侯客。境厄能凋壯士顏。珍重尊前  
始團聚。夜深剪燭話迴環。

詠繡毬花次許玉簡韻

素面嬋娟怯嫩寒。聚花成雪護闌干。未圓明月慙相照。不散  
春風併作團。巧構樓臺環錦簇。閒飛蹴鞠玉塵乾。天工別具  
玲瓏手。剪出紗羅一例看。

落花次許玉簡韻



罷却千秋會。閒庭滿落花。深深徑濕。寂寂院門遮。低視鞋  
尖鳳。飛粘簷底鴉。前因渾似夢。和雨撲窓紗。

穀雨日於滌簾師家看牡丹。用羅昭諫韻

早起巡。闌間夙因。東風一例作深春。廿番若訊浮沈夢。四月  
輕寒料峭人。開到名花濃似海。曉來微雨細于塵。絳帷別有  
閒風趣。珍重尊前現在身。

深鎖

深鎖葳蕤隔幾重。淚痕已凝枕香濃。見偏掩歛如神合。日尙  
猜疑況夜逢。照檻月留前度影。隔帷燈瘦舊時容。芙蓉顚領  
薜蘿死。搖落秋風奈箇儂。

鹿城應試夜泊城外

秋風秋雨過危橋。水上寒燈獨客燒。舊事渾如春去馬。新愁

多似暮來潮。舟人不語眠蓬底。殘月無聲墮柳梢。自是名心  
猶未淡。明年相約看金焦。

鹿城旅邸夜作

銀壺漏漸不聞聲。四角秋紗八尺因。偏覺寂時蟲語苦。偶然  
涼處簾紋新。還家夢短憐無迹。滿地月明疑有人。回首墜歡  
渺難拾。半爲烟影半爲塵。

遊玉峰

約伴同攜濟勝具。寒衣共上玉峰山。山中寺刹荒涼甚。芥壁  
新詩尙未刪。

容易登山復下山。迴頭桂笏看煙鬟。山靈也解留人意。一路  
嵐光送我還。

讀曲歌二首



願爲蝴蝶語。勿作鴛鴦帶。襦貼身。邊帶繫郎腰外。  
樹下見郎來。拋个青梅子。郎莫嫌梅酸。妾心亦如此。

淥龔師招賞牡丹先之以詩

剪風絲雨嫩晴天。疏鬢輕風藥籠烟。猶戀殘春悲曉曉。肯因  
小病負嬋娟。已知此日非前日。漫說今年勝去年。昨夜挑燈  
眠不著。自題幽怨寫紅箋。

暫捲湘簾已惘然。更揩啼眼對嬋娟。鼠姑半宿闌邊雨。鳩婦  
猶迷柳外煙。濃酒比春容易醉。好詩如夢不成篇。朝來偏作  
閑工課。手校羣芳譜一篇。

小憲烏語惱人眠。鎮日思君倍可憐。如影如塵些子事。不晴  
不雨奈何天。好花安用名香蕙。苦茗偏宜活火煎。咫尺仙源  
倚招簾。未應索我買山錢。

宴後呈淥龔師

天爲名花暫放晴。潑醅時節過清明。愁無今古消難盡。酒爲  
嬋娟醉有名。時竹焙茶宜我輩。讀書識字見平生。昨宵簾影  
燈光裏。不厭深杯一笑傾。

翻因病齒強爲歡。旣怕甜時又厭酸。已分花前拚蕉萃。不妨  
窓底坐團欒。沈沈庭院沈沈夜。薄薄簾櫳薄薄寒。料峭衣邊  
風未止。起携燈照小闌干。

春草

簾幙無心春滿庭。燒痕蘇後草青青。客袍歲歲慙相似。蠟屐  
年年向此經。和雨和煙南北路。半花半柳短長亭。勸君莫問  
前朝事。隋苑吳宮夢未醒。

此生

六扇窗櫺一桁簾。碧紗窗外嫩。添無憑。無據蛇醫。疑喜  
疑嘆。燕語尖。剛好別時花淡淡。最相憐。處月纖纖。此生已了  
他生未。懶把香臺玉鏡占。

紀夢

不知絮果與蘭因。簾冷紅粧鈎冷銀。月缺花殘惟有恨。酒闌  
燈灺更無人。明明記得終成幻。夜夜能來或是真。莫打黃鸝  
莫喚燕。珊瑚枕上淚痕新。

蘅華館詩錄卷一終

蘅華館詩錄卷二

美女篇

長洲 王 韜 仲弢

長安春日麗。衆女相翺翔。生小同里閭。一姝宛清場。纖纖見  
素手。娟娟曳羅裳。白玉爲環瑱。黃金爲釵梁。梳櫳薄蟬鬢。結  
束墮馬粧。清羶憐顧影。善睐含明光。姊妹皆有婿。鴻鴈翻成  
行。傾城詎獨棄。所貴持貞良。朝繡百蛺蝶。夜織兩鴛鴦。苟非  
中心好。禽費徒相將。圓月倏已缺。好花不終香。區區何所託  
中夜起徬徨。

反白頭吟 并序

媚人有草。療妬無藥。不聞中山狼。嗥但聽河東獅。吼  
舉世靡靡。古今一轍。余不敢笑。通人名士也。亦等



諸客嘲賓戲之流耳。則此詩爲相如解穢。并作討文君檄可也。

鸛鵲比翼飛。燕燕交頸宿。微物尚如此。人乃違所欲。文君昔日奔相如。得託華尾遂願初。相從中夜成都市。牛衣犢褌何足耻。曾不同首憶成臯。消渴又到茂陵子。琴心琴心何忽變。新人未來故人賤。自家剛作長門賦。反道新人勝於故。象牀珊枕多思愛。眉痕濃比巫山黛。茂陵女子那有此。相如是以能中止。不然白頭吟祇數十字。豈能倏忽回其意。或謂文君非薄情。一逢知己志不更。誓言儘託鴛鴦樹。移性祇求鸛鵲羹。啼紅泣綠嬌如許。性卽奇妒容可取。古來嫖母紛無數。何妨氣短胭脂虎。吾曰唯唯否不然。迴波榜桡徒相傳。奈教同抱文園病。無人參破美人禪。

小庭紅藥已謝。感而有作。

剪風吹上碧窓紗。杯酒匆匆負歲華。今雨不來思舊雨。此花開後更無花。一春夢短辭粧閣。絕代人憐住小家。休怨韶光多寂寞。簾鉤正好月初斜。

風雨連朝。春光將盡。杯酒獨酌。輒復黯然。讀滌盦師餞春諸詩。振觸於懷。遂成長句。

前村鷓鴣夜呼急。簷雨如注疾風疾。報道東皇今又歸。起看簾外花枝濕。娟娟啼眼不曾乾。雲鬟霧鬢倚闌干。木棉尚著袂衣薄。春愁送得留春寒。家人爲剪園中蔬。剛筍自攜鴉嘴鋤。鮓魚肥矣鰕魚瘦。青青豆筴登槃初。忽枉詩篇成一束。急管繁絃指下促。嬋娟名士易銷魂。喚醒春婆夢未足。我今對酒憶前塵。錦瑟年華長似人。綠未成陰空有恨。紅顏小駐豈

無因願將玉液酌冰老。羅敷莫工愁。一任天涯怨落花。  
由他庭院生芳草。花開花落總尋常。春來春去何匆忙。年年  
歲歲常如此。何必摧抑增感傷。君不見潘黃門行年三十鬢  
毛改。又不見杜牧之湖上尋春遲十載。玉臺金粉半消沈。水  
不西流遺恨在。

夜雨小集青蘿山館

時光櫻筍小廚開。折柬招吾聽雨來。窓底剪燈憐共話。席間  
賭酒漫相催。詩豪終讓玉山主。量大何辭金谷杯。裙屐風流  
今可繼。猖狂亦是出羣才。  
毋戰爭。先未敢誇。聯詩韻險限尖又。留春計拙人無寐。刻燭  
吟成筆有花。先得驪珠還剩爪。不妨螳臂更當車。銅壺漏箭  
休頻滴。競擘苔箋塗老鴉。

積雨

輕寒簾底燕初飛。早起溟濛雨漸微。阿母何勞搜故篋。十年  
應不著生衣。

怕聽前村鳩婦呼。庭前半畝變成湖。水深聞說江魚賤。爭遣  
兒童入市沽。

并少街頭展齒聲。風狂雨急斷人行。朝來總覺炊煙重。遮住  
疎林不肯明。

數處秧歌唱已休。水車漉漉決渠溝。低田漸見新苗沒。多少  
農人相對愁。

樹陰濃綠壓簷端。風雨陰森入夏寒。壞壁半欹茅屋漏。又吹  
急點上闌干。

徹夜沈沈簷溜懸。偏災何意厄今年。無田亦自愁飢餓。米價



朝來已倍前。

送楊醒遣之杭州

惘惘出門何所之。可憐賤士爲別離。束裝躊躇不敢發。動足荆棘涕淚垂。不知此行亦快意。武林山水天下奇。清游自足飽閱歷。男兒豈在憂寒飢。要令吸盡西湖水。洗出胸中冰雪詞。君家外舅蜀太守。罷官已久囊無貲。仕宦不足救貧乏。向來廉潔衆所知。今年吳中盛水患。眼見秔稻收無期。歲荒人情益劣薄。飢驅枉自東西馳。私冀浙俗或稍厚。戚友投贈能先施。送君行矣雨不止。泥塗滑滑行遲遲。莫愁所適寡諧台。且與君飲盡一卮。

雨中感事

一雨連宵旦。蕭森夏似秋。三旬稀見日。五月要披裘。晴雲猶

無望。霖霖未肯休。天心究仁愛。可慰杞人憂。

但覺晝沈沈。涵空水氣侵。風高雲色厚。晴薄日光陰。已抱憂飢歎。徒深望歲心。江村成巨浸。遠近起哀音。

淮南開水漲。幾處集流民。鴻雁同飄泊。關河多苦辛。艱難籌義賑。飢溺軫皇仁。滿目流離者。三吳近亦貧。

頻歲桑麻絀。今年秔稻無。偏災連郡縣。高漲失江湖。賑粟愁官吏。探丸恃黨徒。撫綏司牧事。誰繪鄭監圖。

歲歉人情薄。民飢性命輕。米船何日至。市價未能平。波向林間湧。船從岸上行。此鄉真澤國。輸泄早籌衡。

溝洫疇循古。隄防法本疏。沮如爭曠土。橫決失歸墟。魏乏年荒術。空談水利書。終朝閉門坐。嘆息此窮閭。

自海上寄醒逋

竟與君相別。扁舟滬濱行。暮雲作雨。雁宿無聲。葉落樹猶密。水寒波亦平。芙蓉不可。遙見故人情。  
江水渺難涉。江花寒欲凋。湖山見真相。文字破無憐。骨肉悲情極。功名熱念消。浦東雲樹裏。目送客帆遙。  
我爲斯行役。相憐亦有人。寡言緣作客。多病倍思親。春枕潮來夕。喧簷雀及晨。蕭然窓底坐。近况那堪陳。  
尊酒懷諸子。寒燈客遠途。歌呼猶昨日。憔悴奈今吾。桐葉客中落。月痕夢裏孤。嗟君不得志。同是爲飢驅。  
蹤跡偏隅滯。登臨感慨多。鄉關不可望。風雨有誰過。高會非詩酒。佯狂託嘯歌。閉門祇蹇臥。示疾似維摩。  
簷網窻塵裏。茶爐鷄篆烟。無貨服苓朮。多感廢詩篇。衣食愁貧歲。艱辛厄盛年。天涯尙相憶。見此應凄然。

口占

冷雨疎風獨掩門。客中臥病與誰論。一燈窻底還家夢。愁聽荒雞啼遠村。

除夕集天風草堂謹同滌盦師韻

風雨寒江阻客船。虛堂燭影對娟娟。莫談往事皆如夢。自有前因休問天。浩蕩行程游子淚。蹉跎書札故人憐。今宵杯酒殷勤勸。暫屏清愁且學仙。

悲秋曲

悼楊碩人也。碩人沒於庚戌九月。越一年追悼作此。  
西風乍起寒惻惻。疎簾細雨昏如墨。非因病酒黯傷神。只爲悲秋無氣力。往事零星觸緒。淚痕沾憶心先哀。四年聚首纔一瞥。柔腸半刻有千迴。憶昔君偏起。曉窓不把殘粧



理長眉慵畫遠山青。雲鬢亂插。七紫片。凡我作錦溪游。錦  
溪十里波如油。疏也垂楊不。縮。可憐粧閣帶深愁。鄉夢迨  
迨江水隔。偶然見面歡何極。暖遠容色未能歸。翫懽情懷空  
自禱。謝家庭院落楊花。垂髫嬌女語牙牙。已能覓東偏憐母。  
亦解翻書慣惱爺。其時我已旋閨門。歡娛不覺星霜換。小飲  
窓前影斜。獨行牆畔花陰亂。誰知事變本無常。一家骨肉  
盡慘傷。痛殺高堂已垂白。劇憐遠道走蒼黃。蒼黃又放江邊  
櫂。暮煙漠漠風峭峭。怕聽寒夜長。新潮。愁望故鄉懸夕照。江  
邊然得雨間廬。扁舟載得來偕居。拈鍼鎮日閒挑繡。擁髻終  
朝伴著書。訛識無因到梓里。關心手足驚何已。忽忙一舸促  
雙歸。離別三番成九死。別後情懷更不同。相思顛倒夢魂中。  
盡將客緒絃雙絃。賺把家書付隻鴻。隻鴻雙雙歸傳來使。夏尾

秋初未相見。浪說懷中已有鱗。又看秋末將歸燕。秋深況是  
月團圓。薄薄。衣耐早寒。漸悟因緣其有限。那知憔悴竟無  
端。我爲此事常怏怏。汝不能來我難往。極浦烟迷斷數峰。長  
堤人去別雙槳。忽然雙槳到江頭。一朝握手淚先流。對我強  
權開笑口。厭人喚起下簾鉤。素花簾外西風透。慙慙不語憎  
長晝。自識宵來夢渺茫。始驚鏡裏容顏瘦。瘦來骨立似香桃。  
塵滿粧臺翠黛消。小病已深猶自諱。長宵不寐更無聊。無聊  
側聽啼螭急。開堵微雨窓紗濕。欲到家時空斷魂。未成仙去  
先絕粒。沈沈一病入膏肓。從此凄然不下牀。豈有靈蘭誇妙  
術。空傳海上返魂方。嬌喘如絲頻訣別。此刻肝腸幾寸裂。欲  
言又止意纏綿。掩泣無聲聲咽。阿母聞知心更悲。吳門鼓  
櫓來非遲。彌留一見不能語。喚。千聲。不語。桐樹半枯木

葉下。玉釵已折羅裙化。借隱難。白首。長。雖早把青鸞跨。  
院落天風響。佩環人每茫茫。不還。銀燭窓前明昔昔。舊衣  
架上。黯斑斑。殘燈孤館真淒絕。迴廊獨自尋踪跡。熏爐香冷  
颺空幃。繡榻塵多遺墜鳥。空闌小坐易黃昏。愁疊重衾見血  
痕。寂寞閒庭花影謝。叢殘遺髓藥囊存。一棺送汝東郊去。含  
酸獨立悄無語。最憐孤鳥不成鳴。底事宵長未肯曙。淒涼無  
計作悲歌。零落天涯怨更多。半盞濁醪營薄奠。一鉤殘月掛  
藤蘿。此生自分青衫老。離憂難起多於草。已了前因哭枉然。  
難填癡願潛身禱。冥通幽感隔重泉。經案繡牀度歲年。此情  
亘古無終極。爲作招魂賦一篇。

從兄竹筠至海上

此來曾不意。相見各凄然。生死家門異。辛酸骨肉緣。支持逢

歉歲。一泊感華年。明日愁分手。寒途慘暮煙。

移家滬上作

萍葉悲隕樹。病鳥愴離巢。豈余非人情。甘作秋蓬一少小。慣  
爲客。里居多無聊。今茲遠鄉縣。獨處耐寂寥。顧念白頭母。憂  
子心忉忉。更憐小弱弟。久已詩書拋。吾躬事叢集。此舉敢憚  
勞。曰卜一塵宅。塗茨爲誅茅。

昊天胡不弔。鞠凶丁我躬。葛帔走風雪。忍飢敢言窮。一朝落  
海上。夫豈由余衷。根本詎弗重。鍾鼎何由充。嗟予事大舛。磨  
蝎在命宮。動如金雞治。嘲誚叢吳蒙。豈有伯通廡。令我安賃  
春。因之決行計。卽視寒天鴻。

我家居里中。及今閱三世。卽尹住此廬。亦已逾十歲。先人立  
門戶。辛苦心力散。前年遭大水。庭。言。含淒急出門。倉



卒麻鞋繫門。昨感衰微。骨肉驚涕。再拜從此去。銜哀與家祭。

二依依對之屢揮

送夙葆初歸閩

讀書須識忠孝字。閱世當知經濟事。夙生抱負異凡庸。空懷耿耿平生志。飢驅來作江南遊。出門便爲衣食憂。男兒在世不得意。徒以箸述期千秋。自我識君在己酉。兩世交情覺更厚。偶參西學析微茫。時於講席解紛糾。側聞草澤徵賢才。特詔元戎幕府開。羽書嶺嶠連朝急。鼙鼓湖湘動地來。滿眼烽煙天地小。扁舟歲月江湖老。淚落雙親念故鄉。片帆遙指閩中道。閩中學術素推崇。魁儒碩彥餘宗風。夙生窮經向所習。李常而後此抗踪。此才豈合長貧賤。報一國心肝終不變。叩閣欲上萬言書。對策羞爲三語掾。江南十月天氣寒。西風送

別臨江干。鳳一消息長相憶。此去滄溟縱羽翰。

擬杜諸將

狂飈徧撼粵西東。極目烽煙感慨中。北控雄關當虎豹。南征甲士慘沙蟲。誰先耕突陳奇計。空向疆場策戰功。今日燎原嗟已及。會看勝算出元戎。

南來消息動驚疑。北去羽書日夕馳。世亂頑民輕門殺。時清司牧寄安危。皆言裴度能平賊。又見班超重出師。欲挽銀河洗兵甲。功成旦暮奏軒墀。

朝廷節鉞重專征。願竭忠貞答聖明。空灑渡河宗澤淚。同傷臥病武侯營。大星已向三台落。青史徒留一代名。自古湖湘爭戰地。誰能控扼甲奇兵。

鼓角如雷動地來。氛纏三楚肆

險壘成孤注。襄鄂

威名非將才。坐使擁兵全局壞。

事營開。似聞早下

賢良一詔。應有徵書到草萊。

徵兵轉饒日。驟然運會艱難事變遷。投筆終軍思報國。上書卜式助輪邊。幻吹妖霧迷三里。潛伏凶機近十年。將帥卽今天下選。要憑一廟畧計安全。

○聞客譚近事有感

男兒生不必封萬戶侯。死不必崇千尺邱。但願殺賊誓報一國上。紆一當宁南顧憂。不然坐籌幕府出奇計。凶渠自請長繩繫。功成長揖歸里閭。自此絕口談經濟。當今潢池兵氣驕。騰天妖火驚江濤。一朝廷出師重民命。運籌客將徒逍遙。軍中久望廉頗起。旋旋末至身先死。一代勳名哭偉人。千秋議論空餘子。堂堂經畧營門開。養威持正將才危。城賊賊賊續

三匝。連彈羽書催百回。兵事一悞堪再悞。雄關如此竟飛渡。眼看豺虎可成禽。坐擁貔貅猶不赴。八十日團風雨愁。此係天意非人謀。保全幸得九重喜。軍報俄傳失岳州。岳州自古號重鎮。管鑰實司南北命。一朝形勢失。所據江漢紛紛告兵警。國家昇平二百年。廢弛武備疏防邊。可憐萬衆皆鋒鏑。何時四海無烽煙。一身飄泊長天地。敢以蓬才輕一試。蕭娘呂姥彼何人。若輩徒壞天下事。

顧師書來知蟬叔世弟之殤寄輓二首

慘殺驕兒死。瞻依僅五年。達人方自艾。極憾總難填。索東鏡耶意。擎花得母牽。而今成底事。一夢付秋煙。

記得纔周堂前一月之已。將筆弄。略不近兒婿。淪謫歸嫌晚。聰明厄轉奇。敢憑山簡語。



秀骨原無匹。瑤枝定較長。頻年北剝迴腸。凍隄緘  
哀冊。燕鴉泣夕陽。何時重載入室話淒涼。

題寄顧師海集

驚鴻夜逐寒潮起。海角飄淒念鄉里。吾師遠道寄書來。點點  
斑斑血滿紙。歌詞紀事痛難名。傷哉又喪西河子。我亦時常  
淚不乾。一年一哭家人死。先君子沒後。載一  
半。室人夢謝。又半。昔游苦憶玉山  
堂。蘭摧玉折悲何似。九州縱覓返魂香。萬古難回東逝水。金  
環莫再問還來。露電泡影須臾已。情天總付一劫中。方知佛  
氏無生旨。

題秋燈讀畫圖

小閣疏簾耐夜涼。一絲燈裏漏秋光。宵闌吟罷無聲句。落葉  
聲乾走暗床。

滿林風雨暗橫樞。展卷焚香興未孤。怕酌歐陽老窠白。不教  
人寫讀書圖。

雙壁行贈延陵兩公子

草堂方報梅花開。今朝吳質翩然來。握手歡迎爭倒屣。論茗  
小坐重徘徊。阿連昆季皆俊秀。前身應是謫蓬萊。文章並美  
稱雙壁。姓字聯輝著八垓。闕門餘俊細網漏。方今濟時需奇  
才。英姿颯爽廟堂器。交柯珍木非凡材。君家觀察淮茲土。民  
風丕變俗敦古。去年禱雨廬焦勞。分明愷澤及農父。堂前相  
映看壁人。墀下成行祭玉樹。雙丁兩到已足誇。況兼三鳳尤  
能舞。君從兄小  
峰亦偶才。鳴雲路爭翱翔。秋高俱展凌霄羽。歸來省  
親到瀛壖。高軒過我快先櫛。春七日景物新。春風識面偏  
相親。昵昵自憐仍故我。扶搖直上在士鳳毛可無翅

世家驪角自有真。卽看一舉得。  
京華去射策。多少青雲逐後。  
芙蓉鏡裏。聯花萼。珍重泥金  
報我頻。

至吳淞訪周丈不值卽用其壁間元旦詩韻却寄

飢驅出門走。久別故園竹。枯蟬時禁聲。寒雀噪晨旭。況復遭  
亂離。空把昇平祝。江山歎陸沈。庶幾天心復。民戶多流亡。漸  
不充饘粥。書生百無能。反飽侏儒粟。扁舟海上歸。倉卒換時  
局。問道問淞濱。春事轉紅綠。訪君旣不遇。又嗟塵網縛。中流  
擊楫歌。慨彼楚氛惡。何年息壤盟。及時而行樂。

四月六日集沈氏偃鶴山房同人李壬叔蔣劍人孫笠

舫分韻得酒字

吾與休文交。曾不二年久。落落魄眼中人。滬城大如斗。乾愁不

出門。行樂復何有。消閑一卷書。排悶百壺酒。今春忽已過。算  
老不適口。亂紅堆萬花。濃綠圍衆柳。時光滿眼非。招隱共良  
友。蔣詡天下士。李頤世無偶。韜也雖不才。未敢居人後。今日  
集此堂。小飲輒及酉。酒酣愁更來。豈曰掃愁帚。方今寇氛惡。  
騷擾遍淮右。六代好江山。竟作豺虎藪。我輩徒經生。誰能展  
一手。毋笑孫樵癡。常思歸隴畝。孫君有歸耕之約市上問荆高。吾其  
爲屠狗。

題焚香讀易圖

近世談經九十家。徧搜奇字學侯芭。無言危坐參真諦。不問  
庭前有落花。

乍寒微雨入疎簾。香爐熏燭。自添消息箇中誰領畧。東風  
袖手一巡檐。



夢裏三爻曾徧讀。今朝展卷費思從。夢中拍手應相識。卽是君家玉雪兒。

夏日閨中雜詠

多病多愁強自寬。不情不緒更無端。宵深枕簟渾如炙。願祝蒼天六月寒。

蠹書仙窟寄閒身。紈扇初題墨尚新。新著單紗還怕熱。細揩香汗避生人。

疏桐陰底小庭幽。簾外溟濛雨未收。涼殺夜深花影瘦。海棠先帶一分秋。

塔前小立晚風微。花影都隨月上衣。玉骨自憐無一把。比來還冀菊花肥。

海上歸留宿笙村孫氏舍

吾識孫樵久。躬耕返一林。十人滄海水。重見故園心。鷄犬田家樂。桑麻野趣深。江鄉足風景。卜宅費沈吟。養病容高枕。茲來亦有因。閉門思種菜。臨水愛垂綸。何必嗟游子。偏宜號散人。相期爲小隱。花菊作比隣。全家歡見面。團坐話深更。屢作還鄉夢。彌傷別母情。江村還足食。湖海未休兵。暫息征人轍。歸耕志未成。

○笙邨紀夢

萬種相思一紙絨。驚鴛四角寫迴環。約來眉閣初三月。身到銀河第幾灣。見面分明非夢裏。言情縹緲豈人間。珍珠密字從頭讀。背拭啼痕慘玉顏。

靈簫墨會託神仙。今夕相逢問年事。到難言卿自解。容誰可比我猶憐。花間玉笛涼無語。砵銀燈照不眠。碧宇紅墻

原咫尺。重來未必隔人天。

重紀夢

夕陽樓閣易昏黃。深鎖歲華隔畫堂。紅印私疑消蜴蜥。綠陰還許覆鴛鴦。重來花影迷崔護。再熟胡麻賺阮郎。一度相逢一惆悵。歡娛轉自蕩迴腸。

不隔青山隔絳河。中間淼淼逗微波。團圓時識今番暫。離別憂從前度多。詩到無題託花月。人原絕代住煙蘿。鳳鸞消息天涯遠。翹首靈脩問若何。

新秋卽事

雲近天河畧作波。年年今夕恨如何。湘簾涼月移花影。團扇西風卻畫羅。紅蓼江頭知信早。碧梧院落聚秋多。賈絲漸欲如潘岳。禪榻從渠懣酒魔。

簡胡舒塘廣文

同作瀛壖客。無嫌過從頻。談經搜秘笈。講學重先民。薄俗輕文字。雄心擾米薪。嗟子滯羈旅。牢落處風塵。

送麥西上回國

創調驅歌海外行。迢迢七萬里行程。潮從黃歇江邊熟。月自袁公壘畔生。花底禽言添別恨。樓頭琴語帶離聲。二女公子昔善撫琴撫今追昔無窮意。更著天涯兩地情。

知己平生首數公。海邦物望最爲崇。學從天授推無敵。道自西來證大同。有魏龍才憐阮籍。不將奇字詫揚雄。八年聚首情如昨。歲月因香感慨中。

海雲黯黯水舒舒。慘澹離筵秋初。飄泊自傷遊子淚。蹉跎未報故人書。謝美君魏萃仲宣無主爲客。鮑叔憐貧實感子。此



後登樓倍惆悵。高梧葉落景蕭。某邱某水記來偏。意者童孺。惘然故國河山如昔日。中原烽火靖何年。從公欲作褰裳想。避世誰爲招隱篇。滿眼亂離無可託。歸耕未蓄買山錢。

題閒日讀書圖

世間好事那有此。得閒蕭然讀書史。男兒在世事業多。安肯低頭鑽故紙。平生學劍愧無成。弄此毛錐亦足恥。我少卽爲衣食驅。十年辛苦徒勞耳。殘鐮滿篋久生塵。不識一丁快無比。賣書何能易米炊。煮字終愁飢餓死。君曰唯唯否不然。不讀書豈成佳士。部居甲乙分後先。偶著丹青我所喜。夜闌展卷自咿唔。燈影搖紅墨痕紫。要讀人間未見書。縱橫蜩蚪辨疑似。不屑沾沾鬼國冊。以此弋第誇鄉里。我聞君言意爽然。

士各有志惟其是。文章經濟從此出。學同術異良有以。還望他時載酒來。共讀南華研至理。

遊東洞庭山

楊舸東下太湖濱。躡石登臨眼界新。不斷煙波千頃遠。無一蒼翠四山春。羣峰合沓疑無路。絕島蒼茫未見人。更上莫釐最高頂。狂風吹折郭公巾。

是日余懶極風吹去

過第二酸齋小飲

突兀離懷借酒傾。憂時常覺客心驚。連天鼙鼓紅顏老。滿地江湖白髮生。哀樂中年託詞賦。亂離斯世薄公卿。一杯入手休辭却。請看功名馬上成。

同竹簠松軒買舟至海夕泊新興鎮

結伴同尋海上居。晚風飄拂蕩輕裾。去家卅里鄉音改。作客

頻年豪氣除。亂世文章空買禍。時經濟孰陳書。無聊且倚  
蓬窗坐。剪燭清談興自餘。

病足歸里呈顧師

養病歸來已廿旬。窮鄉風雨困斯人。半人將作習鑿齒。惡疾  
幾同盧照隣。剩有殘書盈我篋。竟無良藥治茲身。里中咫尺  
難相見。何日追隨杖履春。

寄許起

衡宇相去僅二里。岸巾枉過祇一回。徒因疾病我難往。倘無  
風雨子可來。文字不奇豈作祟。科名無分竟爲災。南鄰若遇  
顧夫子。好把新詩特地催。

呈顧滌齋師同許起韻

許子玉簡見。咏倡和之作。并索繼聲。欲遣茗兵以作

瓜戰。壁壘整暇。意將壓晉軍。而陳韜多病廢詩。已無  
援臂態。作壁上觀可也。因念吾師悼亡哭子。頻有所  
悲。平原歎逝。子山傷心。兼而有之。哀感實深。不能無  
詩。非以慰之。更益愁已。

海上帆船暮雨斜。經年病足等瓠瓜。只因妨藥勸除酒。那得  
支筇行看花。三十頭顱遲著錦。尋常詩句敢籠紗。平生無限  
傷懷事。背倚闌干手獨叉。

搥門叔重日初斜。謂玉簡解暑慙無一片瓜。奇字行間微帶

草。新詩筆底欲生花。纏綿情比同功藕。宛轉心如方空紗。歎  
逝傷離更凝絕。見通頭垂老哭途叉。

玉人舊住玉鉤斜。待賜年華一及瓜。誰料同心空有結。生憐  
薄命始爲花。神仙小劫埋黃土。雨無情守碧紗。我亦遣愁



苦無策。聊拈險韻鬥尖叉。

哭子傷心淚點斜。黃臺四摘無瓜。囊中自配君臣藥。庭畔

還餘姊妹花。缺月雲邊依舊樣。所為九弟。西風扇底冷秋

紗。九弟生時。師夢人贈以紗。目降有婢。秋而捐其北已見。嗟予更抱無錢歎。錢盡空藏玉

局叉。

再呈顧師仍用前韻

前詩甫竟玉筍又復疊均見。眎有角逐詞壇未知鹿

死誰手之語。

看月西窓圓復斜。幾筵已過又嘗瓜。砌苔滑屐乍經雨。鄰樹

當窻初著花。銷夏詞填隨赤牘。招涼幃更撤青紗。年來自恨

緣多病。老母持齋禮木叉。

午涼冰簟笏紋斜。睡起家人供藕瓜。辟暑誰能心似水。看書

自幸眼無花。濕雲壓屋作微雨。涼月入窓透薄紗。欲賦閒情

擬潘岳。豆棚小坐展丫叉。

校校野田一徑斜。思量學種盛侯瓜。閒中書卷愁一酒。門外

桑麻屋後花。從此閉關編赤雅。何須側帽羨烏紗。不知此願

何時遂。慟哭佯狂路更叉。

寂寞門庭蛛網斜。誰憐我肯投瓜。依人好似社前燕。聞世

真同鏡裏花。酒債未償書藥券。春衣已盡典秋紗。南鄰堪羨

甃和尚。稽步還能攜一叉。

滬城感舊 有序

春申浦上。浪跡八年。問柳尋花。問有所屬。自患足疾

絕不復問。此中人矣。歸里門。鬱伊寡歡。追念綺遊

真如夢幻。宵闌月黑。觸細紛來。玉溪錦瑟。樊川綠陰

兼而有之。悲感竊深。用寫之詩。所謂斷腸人遠。傷心事多也。仍用前韻。并家玉筍繼聲。

藥爐烟裏鬢絲絲。禦濕還宜製木瓜。久已冥心思學佛。安能抱疾再尋花。新詩索署裙邊字。醉墨留題壁上紗。昔日綺遊今始悔。迴腸百折念千叉。

此是銷金舊狹斜。餽金愧乏一瓶瓜。衆來梵眼筵前笛。散著天魔袂上花。水國嬌娃屯畫艦。蠻方中婦障輕紗。幾才已分江湖老。天遣飄零溫八叉。

朱樓曲院道旁斜。碧玉韶年初破瓜。願作小星比桃葉。自憐薄命怨楊花。二分月上三層閣。一寸心通六幅紗。叱飛來人面改。重尋香路恨多叉。

移居城曲板扉斜。亂後音如斷蔓瓜。已不再圓今世月。可能

重見此鄉花。荒涼殘照昏頽壁。冷落流螢點畫紗。一度經過一惆悵。小橋欹側老藤叉。

有感寄紅粧閣內史仍用前韻。

一曲清溪略約斜。自芟密樹引棚瓜。悲涼身世嗟空谷。翫體年華怨落花。秋後新愁多似葉。宵深好夢薄于紗。斷腸詩賦傷心句。何必閒吟手待叉。

天涯海角片帆斜。珍重傳書並饋瓜。讓病替郎鈔貝葉。遣愁教婢供楊花。思裁春勝搜紅帖。愛貯名香繫絳紗。窓列峰巒眉黛綠。亂山影裏路排叉。

偶賦閒情點筆斜。石闌小坐供茶瓜。團樂怕見窓西月。歡喜空開堂北花。今世緣難重合。此生事悞已栽紗。紅鈴小字私封好。自剔寒燈倚玉叉。



土牆茅屋竹籬斜。蔬食登槃慣食瓜。小住悔教留絮果。重尋  
幸未失桃花。秋霜著樹紅干。香霧濛窓黑到紗。昨夕分明  
郎入夢。私拈鞋卜禱羅叉。

題江毀叔小象。卽送其之官浙江。

四十年華過。詞章愈斬新。抗心希古哲。俯首爲衰親。亂世多  
奇士。窮鄉見此人。平生飛動意。相對各沾巾。  
海內頻聞警。羽書數驛傳。馳驅連遠道。哀樂逼中年。伐叛紆  
籌策。饟軍急稅錢。吾謀已不用。終讓祖生先。  
長策今誰畫。偏才世亦奇。文名動江左。末契托羣兒。空著憂  
時論。且芝憤俗詩。家貧親老矣。薄宦急營貲。  
相期爲小隱。所幸是卑官。閱世心知少。論文眼界寬。罪言誰  
我諒。痛哭更無端。復作臨期別。詩成把劍看。

慰舍弟詒卿悼亡

弟婦夏氏柔淑。知書。娶未三載。遽以疾殞。年僅二十  
有二。

昔我年廿三。鼓盆遽召戚。今汝年廿四。彈琴復中絕。年若境  
亦同。哀情愴中臆。汝嫗在異鄉。淒涼誰慰恤。汝婦在故里。經  
營尙縝密。值我病足歸。摒擋事易集。箚篋已頻搜。有無盡吾  
力。支持門戶難。十載驅衣食。汝婦出名家。詩書原素習。富固  
非我倫。貧或堪相匹。自從入門來。婉婉知淑質。伴讀荒邨中。  
孤燈耿斗室。冬寒夏苦熱。亦足釀疾疾。不意短姻緣。明珠入  
手失。罡風花乍萎。冥霧月爲黑。宵闌成此詩。知汝哀惻惻。

聞粵警

住世難逃世。桃源亦戰場。亂離無樂土。烽火又蠻鄉。小築延

朝爽幽懷送夕涼。海氛雖甚惡。去矣趣行裝。時余將  
之滬上

小讌蘭語樓。明朱校書。贈新詩酒闌燈炮。更盡香溫。  
別有根觸。走筆得七律五章書之金箋。并寫寄天涯俾  
領畧一段愁况也。

見便合羞別便思。多情轉悔識卿遲。已虛別浦迎桃葉。合向  
草臺問柳枝。擬託鴛鴦媒通綺約。好修鴛鴦牒寫盟詞。酒邊夢裏  
真愁絕。風味年來只我知。

曲巷間門阿那家。香塵門外走鈿車。風流心性工題葉。軌體  
年華感落花。故里蕭娘成陌路。窮途王粲久天涯。青衫自有  
辛酸淚。忍向筵前聽琵琶。

便擬溫柔老此鄉。不愁才少恨情長。綠甌春夢三生果。紅豆  
秋心九曲腸。多恐前身是明月。由來小字號珠娘。迷香洞裏

今纔到。準向花叢醉幾場。

已教孤負夙生緣。曉曉春光總自憐。有約玉簫成影事。無題  
錦瑟悵華年。難將恨石填深海。誰把情雲補漏天。今日看花  
倍惆悵。髻絲輕颺藥爐烟。

翠袖香消帶薄寒。熏爐斜倚撥灰殘。只緣情種生愁種。肯爲  
新歡失舊歡。小別忍教長訣絕。此生合與永團圓。恩深義重  
難忘却。梅子中心本自酸。

題改琦所畫仕女圖爲胡公壽作

背手東風有所思。心情未許等閒知。燈前人影簾前月。閒煞  
黃昏小立時。

十年影事渾如夢。四月輕寒月中人。一種閒愁深似我。閉門  
無計可留春。



獨坐小窓。見風吹落葉。忽然有感。因成一絕句。

目憐早插紅塵脚。帶水拖泥肯未偷。陡覺靜中微有悟。風吹一葉墮庭前。

連日陰雨。鍵戶不出。得二絕句。

濃陰樹底閉門居。剝啄無聲睡起初。獨坐雨窓無箇事。調養手自補殘書。

不是攤書便攤飯。焚香掃地斷聞根。王郎嬾散從今甚。似海鶯花不出門。

顧師寄示七律一章。獎勵甚至。謹步原韵奉呈。

不工文字不爭名。潦倒僂疎了此生。四海無家惟有淚。十年壹意作孤行。人爲宕子求閒境。詩入商音失正聲。骨相窮愁心性嬾。敢言吾業竟能成。

校書明珠。微患溫紙戲贈一絕。

酒半留髡夜未央。羅儒偷解玉肌涼。荻蘭橋畔春風軟。那識銷魂別有香。

徐大以海上賣藥圖乞題。書二十八字歸之。

病足三年倒篋箱。壺中只賸宿春糧。平生嘗遍人間藥。要乞留侯辟穀方。

寄楊三醒邇

花開不見楊汝士。憶著家園興味孤。病裏去年強作別。交春書札一行無。

茗寮書所見

啜茗南園趁晚晴。眼前鷺地見傾城。夕陽小閣東風峭。苦耐輕寒只爲卿。

時余忘苦半臂久坐寒甚

○入夏久雨。麥爛米貴。閉門養病。作此遣愁。

平生所過境。強半付亡遺。詩筆經春嫩。離情因雨孤。年荒難自活。酒費久停沽。愁見家人告。明朝米又無。

四月雨中盡。卅年愁裏過。展聲深巷冷。蝸篆古牆多。燈影涼於水。簾紋暗不波。乞晴苦無策。閉戶作維摩。

○與寄孫澄之廣文

寒煙尙宿曉模糊。剝啄柴門懼索逋。欲乞孫郎書債了。研螺且寫調錢符。

今朝又是花朝了。今日詩成酒未酤。偶憶孫郎多諾責。酒錢還肯送來無。

記李七壬叔所述語。

大道久凌夷。庖言患日出。福音從西來。一變佛氏說。佛氏戒

殺生。西儒尤斥絕。謂人萬物靈。養生正資物。生物本爲人。供

我無不足。殺以飽口腹。詎得曰饕餮。昔有艾約瑟譯英人著。談佛壽闢

佛笑其詞拙。援譬以通情。人物兩相繫。猛虎居深山。搏人以

爲活。天生人於世。豈亦爲彼設。虎念或如斯。子言殊未必。艾

君置不答。頗賴詞已竭。李子歸述之。使我解糾結。戕生固非

仁放生究亦失。鮮食古所稱。特殺乃善術。儒生治內心。忠孝

根惻怛。偶惜物命微。豈足爲口實。爲政綜大綱。茲事特瑣屑。

生殺兩可得。何暇爲辨別。一笑烹伏雌。且以樂今夕。

○應試鹿城過馬鞍山下題壁。

頭顱三十不成名。竿木逢場憚此行。重見故山餘涕淚。喜從老友話平生。文章憂患兵戈感。身世悲涼兒女情。何日買田



容小隱。好尋溪畔結鷗盟。

○夜宿獨悟齋

紙窓浙瀝不成寐。古室獨眠夢易驚。暑見月光爲雨奪。偏憎  
燈蕊共愁生。僻居閭巷猶安樂。多故江山尙戰爭。一夜孤衾  
寒似鐵。醒開兩眼聽雞鳴。

偶過第二酸齋顧師剪燭命酒。卽席有詩。謹和原韻。

春來百感總無端。拂面東風尙覺寒。佳節漸從異鄉老。門生  
直作故交看。十年放逐羞雞鶩。一輩飛騰傲鳳鸞。同學諸君  
多不賤。爭誇西笑向長安。

三月二日顧師將設小醺招友石三丈及諸同人作竟

夕歡。先呈一詩以誌感。卽用其簡友石詩原韻。

契合襟期得未曾。勞炊雞黍集賓朋。買田故里虛籌畫。負米

天涯鬪斗升。客裏光陰多感慨。酒邊意氣尙飛騰。春寒淒絕  
關河側。催放庭花知不能。

○醒適招飲獨悟齋酒後追悼嚴規生并示醒適

此夕銜杯大是難。昔年朋舊半凋殘。燈前各訝形容瘦。地下  
應憐風日寒。不識何時重得見。忍教相對渺無歡。欲離弔逝  
真淒絕。兩袖沈瀾淚未乾。

人天渺渺斷知聞。花月淒淒已夜分。一別西風嗟隔世。重來  
宿草哭秋墳。死無後嗣知君痛。生不成名愧我文。冥漠精誠  
定無間。泉臺好把此詩焚。

死友難忘生友稀。每歸與子話心期。十年湖海勞人戰。一卷  
風塵失意詩。因果茫茫前定業。乾坤落落數交知。還家見面  
時疏畧。應未嫌吾過從遲。

別范大

君病我忙欲見難。歸來一月謦言歡。東風又向天涯去。臨別匆匆把袂看。

同恂如買舟至海上。舟中無事偶作。

風帆葉葉下吳淞。渠自西行我欲東。惘惘別離違故里。依依身世感秋蓬。衙山暮色蒼茫遠。到耳鄉音約畧同。何處輕帘貴酒市。一樽共話對江楓。

只爲飢驅欲住難。登程扶母強爲歡。相看白髮垂垂老。尙覺東風獵獵寒。我輩消愁惟飲酒。故人臨別勸加餐。還家畧說相思苦。袂上啼痕應未乾。

晚泊黃渡有懷

晚飯無聊酒一尊。林梢霽靄已黃昏。櫓聲漸緩行隨月。人語

微喧知近村。海曲鶯花今日盛。天涯師友幾人存。凄然不寐

緣何事。剪紙重招宋玉魂。

規生沒已二年矣

○小舟偏仄殊甚苦之。因念此行。慨然有作。

紙篷偏仄僅容身。坐便趺趺倦欠伸。尋樂有方詩亦好。破愁無計酒相親。只緣貧賤悲遊子。那得安危托故人。揮手忽忽從此去。茶釐開到已非春。

蓬萊清淺渺登天。跋扈飛揚讓少年。應俗文章方自愧。傲人意氣肯蒙憐。買來馬骨知非駿。老去蛾眉敢鬥妍。放逐海濱吾計左。幾時歸臥故江邊。


○和管小異兩絕句

閱歷乾坤潤主賓。早憐兩脚插紅塵。夢中證得前生果。本是清涼山下人。



勞勞送客復迎賓。已分微生墮劫塵。明月一窗鐘一杵。惺然  
夢醒別無人。

蘅華館詩錄卷二終




衛華館詩錄卷三

爲歐陽子庸題墨牡丹卽步原韻

長洲王韜

仲發



富貴何須更炫粧。一空色相自芬芳。未除黑業歸香界。且著緇衣懺法王。點筆東風辭絢爛。卷簾殘月照昏黃。迷離艷影渾難辨。燭暗幃深夜已央。

題後復得二絕句

圖成潑墨妙丰姿。翻遣風流出墨池。俗眼於今尙皮相。及春何不買胭脂。

老去元妻空色相。窮來墨客少文章。天心亦自歸平淡。香國重封號素王。

贈歐陽子庸卽送其從軍江甯兼和原韻



海內烽烟滿。栖栖靡所安。但期成壯志。豈是戀微官。作客羞垂橐。逢場促上竿。聊將知己淚。遙向秣陵彈。

養親兼報國。素志已無羞。肯向風塵老。詎爲升斗謀。枕戈殘月落。擊楫暮潮愁。殺賊平生事。功名笑馬牛。

贈李壬叔卽送其之吳門

西來絕學當今稀。疇人法在誰能知。海內作者三人耳。徐戴而外君當之。君於歷算由天授。時有妙悟參乎微。閨幽啟秘

早歲出。君著有方圓圖。函氣矢微秘。聲譽久已儒林馳。不希

時尚甘寂寞。貌古學樸能深思。地球繞日月。環地胥循軌。道

相推移。古今源流聞屢變。動靜異說禁如絲。惟君精心具特

見。縱橫辨論人稱奇。唐虞授時初講歷。周髀古術姬公龜。何

年流傳入荒域。官學乃至在四夷。中法至久亦漸密。譬若積

薪弟踰師。況從利氏入中國。兼收並採多取資。近日臺官用

西士。長調玉燭稱咸熙。惜君姓名未上達。當途拂拭今非遲。

茗南宿學世推重。三吳開府盛文詞。擬設專科尙天算。挽回

士習君所期。羨君此行酬夙志。明廷大用有其機。臨歧珍

重贈君語。欲別未別空欷歔。

尹大將同嘉善與一平話。女子同舟作此調之。

尹郎此去是仙鄉。特祝東風趁野航。艷福幾生修得到。片雲

吹下杜蘭香。姓女子杜

○贈何梅屋布衣

何郎才調古無敵。贈我新詩鮑謝匹。綃以錦纏發光怪。挑燈

一讀一擊節。讀罷拔劍斫地歌。當今滿地兵氛多。囚鸞困鵠

不得意。相逢海上悲如何。吁嗟厄運遭陽九。坎軻流離無不

衡華館詩錄 卷三 二 張園叢書

有。才人失職，倍傷心。故土成煙，歸回首。少時意氣輕風塵。胸中所有非詩人。今已無家嗟泛宅。約將傾橐買比鄰。十萬買比鄰之句。比鄰有願傾。愛錢到底將軍宜好武。平生踪跡溷屠沽。猶存吾舌真非夫。幾回投筆思殺賊。母老敢許以馳驅。書生獻策既不用。庸奴富貴何足重。誤國誰完墮地甌。林時莫任擎天棟。托身莽莽此乾坤。把袂樓頭與細論。休誇行篋詩千首。且盡常筵酒一尊。

杭垣失守旋聞收復誌感

金碧樓臺一炬空。蒼回劫火太匆匆。蒼黃守禦無長策。僥倖驅除計戰功。豈繫偏師能制勝。獨拚孤注見英雄。西湖久有誅茅想。追念前游感慨中。余於戊午九月至杭。

贈湘鄉二左

湘鄉二左名父子。胸羅萬卷富文史。阿兄經濟稱妙手。坐令一家兩國士。方今海內苦烽烟。四郡良家同轉徙。遄吳越無甯居。一角羈樓暫至此。此才奚許俗眼知。眉間颯爽生雄姿。腰懸寶劍自言利。不識天下健者誰。長揖見我獨傾倒。憂時謂我同懷抱。願酬知己報國恩。從戎手把機槍掃。身世艱難獨愴然。江湖安得容高眠。時亂民情益險惡。不如歸隱湘江邊。春申浦上日見面。文采風流軼羣彥。煮酒談兵氣自豪。忠孝心肝終不變。湘鄉二左三楚雄。吳門亂後初相逢。願從君去隱湘水。上下追逐如雲龍。

年來諸友中多凋喪者詩以志慟

歎逝嗟卑意興窮。光陰黯淡酒杯中。論交朋輩凋零盡。報



國文章涕淚空。別浦荒荒流水綠。墓門寂寂野棠紅。幾回欲  
作唐衢哭。宿草淒然暗夕風。

○滬濱雜感

括貨餉士財無繼。築塹圍城賊未擒。天貸元凶成白首。地難  
盡鑛出黃金。連營師老生驕志。曠野聲多變徵音。眼看東南  
全局壞。獨搔短髻發哀吟。

一春三月逢晴少。十萬連師決戰難。兵氣不揚沈苦雨。殺機  
先兆作嚴寒。已知乾象關時局。且望人才策治安。今日須籌  
攻守計。提防首在障奔瀾。

窮寇何知連趙魏。潛踪竟爾出陰平。但求緩死拚孤注。不謂  
同時潰列城。環壁援軍曾幾戰。守陴鄰卒日三驚。本來吳越  
爲唇齒。賊退齊聞慶再生。

連疆吳越爲憂大。半壁東南一擲休。四郡蒼生同陷賊。百年  
殺運始逢秋。賀循身幸離江表。陶侃軍猶次上游。欲叩營門  
獻奇策。書生命不合封侯。

江南乍見經烽火。直北俄聞動甲兵。拱極星辰愁失位。環城  
將士忽空營。中持和戰原非計。不在恩威始乞盟。我正艱難  
渠跋扈。海疆此後患方生。

屢思蹈海愁鯨鱷。欲作還鄉滿虎狼。身世已窮惟欠死。乾坤  
多事亦徒忙。昔年朋輩今殤鬼。舊日湖山新戰場。要覓目前  
乾淨土。滄波一片浸斜陽。

偏隅尙得爲安土。避地還能作寓公。憂世豈真無買道。論交  
早已薄揚雄。萬方戰伐悲新劫。一代文章有變風。昔向諸君  
相告語。要將何策弼昌隆。

能爭運數扶衰局。要靖艱難造此方。自古將才生亂世。卽今  
阜隸起戎行。朝廷屢詔搜巖穴。草野何人動廟廊。天下  
事真從此壞。倦開醒眼閱滄桑。

○喜周張甫至上海

喜爾能來此。孤身脫賊邊。相逢多難日。還望中興年。吳越無  
全地。東南僅此天。爲談兵火事。涕淚各潸然。  
世情不可問。相見且銜杯。離亂真同夢。憂虞總損才。風塵奇  
士困。忠孝寸心哀。再道知何日。皇天正釀災。

○我生

吁嗟乎我生。何不銘金石。乘風雲勒功。燕然成奇勳。拜手虞  
廷襄郅治。賡鵬殿隆典。謨陳不然生。在昇平日。讀書識字勤  
耕耘。飽看吳越好山水。沒齒不見兵戈塵。何爲厄運丁吾代。

十年楚粵揚妖氛。皇穹忽傾大地裂。東南此日無陽春。天心  
視民若芻狗。方以肅殺行至仁。嗚呼我生早知有此日。禍福  
倚伏如相因。寇災卽由吏治始。積弱生玩多因循。朝廷粉飾  
諱兵事。保疆一切等具文。牧令初無專閫寄。權輕責重名空  
存。前者曾獻二三策。議以無病爲吟呻。事急委任又大謬。坐  
使虎豹當門闥。紛著赭冠迂賊騎。徒揮白羽驅市人。平時籌  
備百無一。空眷赤手豈能軍。志長才短惜孤立。只辦一死酬  
君恩。誰居上游棄不守。坐令流毒殃吳民。往談經濟何慷慨。  
迎合主旨原非真。眼看四郡成白骨。偷活局外置弗聞。猶復  
植黨互訐劾。公論終在國法伸。吁嗟金閨我鄉國。迴首浩浩  
烽煙昏。繁華旣同灰燼滅。親朋化作青楓燐。賊旣踞城還掠  
野。逃亡八九成空村。我姪混跡匿蓬蒿。我姊盡室徙江津。貧



者結後富者艇。孤蘆深處如鼉蹲。我母耄年遭此變。爲話兵  
火多酸辛。我居此間尙甯謐。敢幸安聚忘離分。吳城三月火  
未熄。江頭望斷援軍屯。昨日客來示賊狀。縱橫涕泗沾衣巾。  
丈夫拔劍誓殺賊。逕持寸鐵奔狼羣。手梟賊頭擲帳上。功成  
卻賞名甘淪。不知我志果否遂。母在未敢輕此身。吁嗟乎我  
生正值亂離日。長此局促海之濱。

何年

離亂時光百慮侵。獨從中夜發哀吟。何年江海消兵火。已覺  
文章變徵音。養士朝廷終食報。降才天地豈無心。會看否  
極名賢出手障。狂瀾挽陸沈。

喜姊氏至自吳村

涕笑無端孰我憐。今朝江上至吳船。死生骨肉重相見。驚喜

家鄉尙得全。差幸賊邊存老友。却愁亂後送華年。此身可是  
閒無用。爲撫頭顱一慨然。

贈金陵汪大燕樓

汪郎矯矯稱奇特。雙腕云有百鈞力。結髮從軍意氣豪。平生  
志早吞虜逆。倚馬草策獻軍門。欲使海內靖鋒鏑。一自從軍  
不得意。乃來泥地溷蹤跡。相逢忽在酒家樓。談兵酒半動顏  
色。吾謀不用氣沮喪。飄零市上無人識。東南一隅今重鎮。賢  
豪於此集裙屐。左家昆季俱好事。長者經濟尤無敵。一見汪  
倫盡傾倒。痛哭高歌傾一石。有時擊劍向伎堂。裸身大叫劍  
光擲。仕女寫出媚可憐。疆作腐儒弄筆墨。燕樓工嗚呼當今  
吳越苦烽煙。何不荷戈去殺賊。

送左大孟星回湘鄉

君家好兄弟。與我最相親。離亂逢知己。艱難見性真。兵戈橫南北。天地正風塵。同有飄零感。栖栖到海濱。

世尚攻文字。時方重將才。楚南兵可用。薊北纍誰開。報國廉頗老。陳書賈誼哀。撫時堪一慟。欲別更徘徊。

名父須承業。偏親尚在堂。蒼黃走吳越。豐稔念江鄉。何處無兵甲。當秋足稻粱。好爲天下重。且復罄離觴。

### 哭舍弟諮卿

弟名利貞。字叔亨。少承庭訓。年十五子授以帖括。性慧能文。而浮沉童子軍中。卒未有成。卒年二十有七。時庚申八月八日也。嗚呼。余上有三兄。皆不幸早殤。僅一弟。而天又奪之。孤雁哀鳴。其何能已。

惟我與汝耳。汝今又已矣。汝才非後人。汝質亦素美。少小恃

親愛。失學從此始。趨踰嫺禮節。塗飾尙綺靡。此志一務外。遂致疎書史。家貧作蓬轉。往還道淝水。在路負駟光。漸壯增馬齒。我旣困飢驅。汝亦誤斷弛。滬上況繁華。鴉雀聲如市。碌碌餘子中。誰其爲國士。猝爾遭亂離。更使煩憂起。一病迄不痊。雖沒其猶視。痛殺北堂母。同誰奉甘旨。三兄殤可嗟。一个弱如此。袁宗安得振。時隕滂沱涕。隻鴻迷所向。此痛何時止。

### 從舟中望金陵諸山

擊楫中流。素志遠。片帆迅挾浪花飛。江山滿目悲殘劫。雲物遙天有殺機。六代興亡王氣盡。中原戰伐霸才稀。愴懷爲灑新亭淚。風景依然時事非。

### 寄湘鄉左大

遘亂離。憂百事。灰平生。懷抱幾時開。萬言羞學縱橫術。四海



誰知經濟才。兄弟友朋皆至性。婦人醇酒有奇哀。湘雲吳樹參差裏。珍重江干報札來。

今我

今我不樂天未光。落月慘淡來枕旁。推枕起坐耿不寐。輟履出視心徬徨。明河如繩亘南北。射目一星芒。角白眼看乾象應人事。堪怪羣公無一策。名都陸沈已二年。恥與逆虜同戴天。州郡頗聞作盜窟。江村屢告驚烽煙。邇歲脂膏竭民力。此日更嗟民命畢。爪牙四出爲搜羅。供官不足乃供賊。昨者將軍大出兵。三日猶未行一程。但看白日坐釋甲。誰肯黑夜前斫營。男兒事急一死耳。東南大局可知矣。安望危時出將才。還冀破格收國士。腰間雄劍忽吼鳴。劍乎何事鳴不平。要殺萬賊決身死。好令四海欣時清。寒雞失號動物盡。荒荒一白

愁獨立。明河無聲若倒流。何年用汝洗兵甲。

偏仄

宇宙日偏仄。山川覺慘淒。有城容盜賊。無地著耕犁。直北俄烽火。行南尚鼓鼙。餘生憂患盡。轉願葬溝溪。

消息近來昧。風塵到處迷。禍原因怠玩。孽早兆端倪。邊患移心腹。兵防決岸隄。所嗟吳下地。誰爲撫遺黎。

何處

何處能容一放狂。故園廻首久滄桑。已無隙地安書卷。豈有深山著草堂。此輩竟非同日月。吾儒自合死疆場。提戈便欲從戎去。轉念高堂鬢髮蒼。

何處能容一放狂。乾坤慘淡意蒼涼。揮戈僅得廻三舍。縮地猶嫌限一方。難作神仙逃劫外。愁無羽翮到君旁。塞裳便欲

凌滄海。北望沾襟是帝鄉。

何處能容一放狂。河山舉目足悲傷。駐顏休乞長生訣。避世先求辟穀方。已看寰中無樂土。只除夢外長愁鄉。此身恐作逋臣老。報國思親淚兩行。

頻年

憂時只覺髣髴毛非。厭聽頻年說亂離。帶甲幾疑天地滿。運籌誰答廟廊知。堪嗟吳越無完卵。尚望淮徐速濟師。祇是目前已難料。況能遠慮計安危。

吾策

財匱民爲賊。時危盜卽兵。循環機早伏。涕泣亂方生。世尚言招募。人方重權征。誰將吾策用。一爲達斯情。

至茸城擬浮羅山未果

憂時懷抱鬱難開。到眼風光總覺哀。入世未能成獨往。談兵甘自作癡才。無情天地空生我。多故江山怕再來。消盡平生登覽興。神龍咫尺竟空回。

有客

有客闖然來。我方治典籍。昂首驟見之。且起揖之入。據案頗意氣。尚未及論說。頭指問何書。一若甚弗屑。隨手翻一編。乃是治安策。卽舉向客言。此文茂經術。維漢賈長沙。憂世心兀艱。生當盛隆際。痛哭挾藏結。所嗟王佐材。未得躋卿列。其言不見用。偉議空今昔。經濟與文章。源流本無別。客聞一掀髯。掉頭言未必。曰。今何時哉。乃向守佔畢。烽煙滿郊野。荒城積白骨。名都旣陸沈。旁縣告屢失。昨聞逃氓號。狂賊又四出。誅戮無遺嬰。搜掠到村僻。老者逼墮簞。壯者驅鋒鏑。將去付一



炬。百里無完室。余驟聞斯言。目眦怒盡裂。吁嗟東南民。遭罹此巨厄。丈夫誓報國。何不死疆場。擲此腐兔豪。裹以新馬革。休談紙上兵。空言鮮有實。兩石弓當挽。一个字勿識。寧願持戈矛。詎肯弄筆墨。不見古賢豪。危時勵志節。祖述夜間雞。陶侃朝運甕。抱此澄清懷。莫與勞苦習。況今正艱虞。應不遑暇逸。何猶競文字。向人談著述。痛茲楮紳流。徒工帖下括。謬謂致昇平。和聲鳴金石。一朝事變來。束手先惴慄。上者坐因循。一死以塞責。下者圖苟全。扁舟走倉卒。彼賊豈能兵。貸死爲衝突。長驅若無人。半壁供一擲。所冀前事悞。來軫鑑覆轍。何向昧昧然。舍本而就末。此間雖幸安。比之爲偷活。豈真能保疆。取哉藉人力。徒以覲然面。覲彼驕盈色。况聞北來警。疑信要難測。仰觀天上星。屢吼匣中鐵。挺身赴急難。授命在今

日。豈能效君輩。從容事游息。盡如君讀書。何人去殺賊。我聞顏有泚。欲答辭先竭。再拜謝客言。從今請投筆。

### 賊至

吏才惟見籌軍食。將畧徒聞築堡砦。賊至城空兵不戰。民窮財匱盜如毛。哭途阮籍行無地。彈鋏馮驩氣尚豪。我欲問天天不語。獨將短鬚首頻搔。

### 殺賊

客裏春光眼倦開。况經世亂怕登臺。江山北固虛雄鎮。金粉南朝付劫灰。遍歷艱難惟欠死。屢思著述苦無才。何人幕府能籌筆。殺賊功成奏凱回。

### 對酒

對酒何因再嘯歌。側身天地閱千戈。百千萬念空無盡。三十

五年憂患過，迴首已無鄉。士在傷心半，爲國家多。卽今溝壑流離者，何策使之致太和。

戲答人

士以挾貧驕富貴，犬因見怪吠衣冠。世情今日趨逾下，矯俗還當出俗看。

避居西廨和東坡獄中遣子由詩寄里門補道人

倉皇烽火逼殘春，蹈死孤臣敢惜身。報國空陳平賊論，辨冤誰是上書人。早拚骨肉填溝壑，妄冀功名祟鬼神。一切恩情盡灰冷，君親好結再來因。燈盡宵長夜雨淒，漸親厮養首頻低。書來此日憑孤雁，腹痛他年奠隻鷄。地下驚魂招弱弟，江邊收骨仗貧妻。比鄰杞菊成虛語，台葬天隨舊宅西。

別上海作

東去魯連成蹈海，北來庾信已無家。從今便作天南叟，忍住饑寒閱歲華。

吾道

吾道非歟竄天涯，窮愁不足禍相加。孤身萬里難忘國，殘夢千回總到家。末路艱難輕著述，餘生黯淡厭年華。客邊不見春光好，一任東風送柳花。

九原

路逢老嫗念慈親，追憶親顏倍愴神。白髮尙看稀著鬢，青藜猶未要隨身。一生衣食無溫飽，卅載家庭費苦辛。若至九原能見面，安辭泉下奉晨昏。

餘生



餘生棲海國。殘夢落江津。未變塵中貌。空存劫外身。故人成  
隔世。異地又回春。丹荔黃蕉裏。思鄉倍愴神。

### 韜跡

韜跡潛形恐我知。蠻鄉風物祇增悲。破家亡命同張儉。複壁  
餘生類趙岐。亂世文章空賈禍。窮途性命尙憂時。蒼茫天意  
何從問。淪落窮荒任所之。

### 北望

側身北望集煩憂。留滯天南隔九州。大地春深回草木。故鄉  
亂入廢鋤耰。難言往事惟餘淚。尙戀殘生轉自羞。溝壑可填  
應早計。漫持故劍報恩讐。

### 到粵

龐才拚潦倒。壯歲值艱辛。世亂言皆罪。謀疎志未伸。陸機空

遇謗。王粲慣居貧。海外從偷活。因茲養性真。

避跡非逃世。逢人怕問名。已知成棄物。何得尙談兵。殺賊雄  
心在。還鄉噩夢驚。七千餘里隔。悵望暮雲橫。

浮名復何益。文字竟爲災。書示鄒陽上。情同庾信哀。離家成  
死別。蹈海豈生回。吾主終明聖。嗟予自不才。

### 南行

皇帝初御宇。萬物蒙休澤。微臣幸不死。避讒如被謫。倉黃作  
此行。身南心在北。矯首浮雲徂。呼天淚沾臆。中原雖曠蕩。舍  
此將安適。默自籌生平。欲訴哽未得。吾生宣宗朝。時當全盛  
極。少小恥求名。文章曾致力。所居在甫里。中吳富典籍。詩凌  
鮑謝儔。賦欲班揚敵。三上而三黜。甘心臥泉石。一朝走海上。  
生涯送潮汐。十口敢累人。兩脚驅衣食。頻歲遭艱虞。恩仇徒

感激本。以澹宕姿。俯從鉛槧役。語言辨支離。點畫須重譯。雄心無奈何。鉅險急何擇。非才固不容。自棄非關斥。朝廷方求賢。遽爲腐儒惜。狂烽燭粵西。三楚陷鋒鏑。九江俄失守。橫決莫可抑。此關據上游。形勢雄四塞。如何棄之走。肉食空謀國。金陵帝王州。乃爲豺虎宅。臣韜憤填膺。撫劍長太息。恨不效鷹隼。高秋迅搏擊。江南苟一隅。所事尙粉飾。燕雀處高堂。桑土競營織。東南互市開。重鎮誇儲積。人才等附庸。於此集裙屐。固多文字交。豈無國士識。亂世奇姿多。投筆事騎射。聞雞蹴劉琨。逐鹿斃石勒。鯁生謬見推。許身期契稷。天心未厭禍。江上橫羣逆。痛哭三吳民。生未見兵革。列城弱藩籬。雄關失扞格。潰覆不決旬。債事伊誰責。慘罹塗炭中。居民嗟蕩析。臣韜切鄉里。悲懷曷能釋。裂眦復握拳。誓將身一擲。維時當

事者。徵訪到蓬蘽。謬博愛士名。每見屢側席。一言許馳驅。冒危遠捧檄。置身豺狼近。殺賊先結賊。陳平縱反間。彼自剪羽翼。密已圍鄉兵。聯絡盡村僻。人竄擣賊虛。發遲俟賊隙。謂將制賊命。正正在頃刻。豈料讒謗興。遽已疑形跡。知多止棘蠅。不少含沙蜮。心求此何因。豈以言切直。負罪杜牧書。傷時賈誼策。見者輒詆訕。遽諒由忠感。今者藉有端。其禍且不測。扁舟抵死往。既聞敢避匿。誰將我辭陳。披見此肝膈。豈意惜人才。乃出自異域。深知我銜冤。復閱我孤特。致詞辨再三。當路意不易。殺士等殺賊。爰書擬重辟。窮儒性命薄。勢位彼烜赫。指龜已成鼈。清素漸訛黑。曾參竟殺人。宰予爲陳客。趙鼎附僞楚。遣山頌虜德。古今同抱痛。一喙不如百。閉置西人舍。誰來慰淒寂。百三十五日。消息漸危逼。魯連乃蹈海。倉卒登郵



船。揮涕對江樹。分與永離隔。嗔吁行路難。天地皆荆棘。海濤  
若怒號。天風吹鬢白。飛輪激浩洋。遠帆退六鷁。斜照浙西山。  
遙辨蒼翠色。夜深篷背雨。併作眼淚滴。三日福州城。生聚嗟  
萬億。年來急徵輸。共諒閭上瘠。危峽湧雲霄。石惡多露脊。天  
勢作屏障。東西連峭劣。絕島峙海中。新是西人關。重崗盡童  
禿。樓臺煥金碧。問舍有逢迎。甫集驚魂魄。主人意良厚。憐我  
在屈厄。譯館彙羣書。烏焉命讐覈。烽煙正瀕洞。黎元已創劇。  
側聞借西師。攻城多斬馘。絕江大將來。會見新壘壁。吳東疾  
進軍。捷書馳日夕。漸已集流離。成羣度阡陌。前時等兒戲。猶  
屢書奏績。吁嗟黜儉材。謬廁公卿秩。遑知慎管庫。乃復效貨  
殖。徒能竭脂膏。從未臨疆場。所需撥亂才。造此中興祿。被迫  
成驅遣。應爾未能默。閏八月中旬。吳秋氣蕭槭。臣輶始戾止。

愴懷所賦。歷日顧憂無端。九閭不可陟。浩歌發蒼茫。畢世阻  
遐邈。終荷生全恩。敢忘。聖明辟。

### 述哀

我欲聳身凌高穹。振聲一哭。天帝耳爲聾。我欲擲身下九泉。  
見我慈親。兩載前容顏。嗚呼我生何不逢盛隆。何乃不自我。  
先不自後。有此鞠凶丁。我躬東南半壁。天地頽白日。忽墮黃  
埃吹。儒生報國苦無術。欲縱奇聞先結賊。彼反覆者稱梟  
雄。卽假其手剪羽翼。此意未先白上官。誠恐謀洩身難完。冀  
入虎穴得虎子。謗書倉卒來無端。我未殺一賊。人殺我者先。  
跳身偷活南中天。南中地氣苦卑濕。疾痛并與憂熬煎。時念  
我母涕而漣。嗚呼我母之沒時。同治紀元七月廿四日。其日  
驕陽暴如炙。我心但覺氣陰慘。汗盡化爲血淚滴。我時事正

急避匿。一斗室不能出。見母但以頭搶壁。生弗能養死弗視。吁嗟安用爲人子。我母生我五弟昆。三昆早逝弱弟存。自從弱弟前年死。我母戚戚無歡欣。眼看鄉里歸不得。親朋消息來非真。驚危焦慮損肝肺。一憂實種百病根。自父見背十三載。支持門戶多苦辛。冬典寒衣晨慮粟。何嘗一日眉頭伸。忍令含愁入地下。咄哉造物胡不仁。哀哀我母誰喚之起。無母之人長已矣。嗚呼呼母母不膺哭。母母不聞空懷一片思母心。但於夢裏來分明。嗚呼男兒立身在忠孝。生我之恩未一報。平生萬恨填胸膈。呼天敢向皇穹告。

粵中逢包孝廉

東西南北干戈裏。轉徙飄零吳越間。今日相逢萬里外。不堪重話舊家山。

到粵後寄里中補道人

此行雖好總淒孤。倉卒登程半字無。詩酒窮鄉惟有子。烽烟滿地正多虞。百年運會逢危局。兩戒山川壯霸圖。海北天南飄泊裏。幾時歸話故園蕪。

偶遣

吾舌猶存吾道孤。天教生看粵名都。涕洟肯向窮途灑。肝膽還因杯酒濡。但擅文章真下策。不更憂患笑非夫。投荒萬里成浮海。奇絕茲遊昔所無。

悲來

悲來拔劍不成歌。潦倒巖疎奈爾何。痛哭當關皆虎豹。獨拚入海斫龍鼉。天涯骨肉能存幾。地下親朋已漸多。屏跡遐陬吾敢憾。養生正欲托巖阿。



粵中市僧書字多不可識絕無意義

錯書喜效李林甫。意造專師曹景宗。舉筆偶然思一適。只愁奇字問無從。

我詩

客來問我詩。我詩貴篤摯。譬如和太羹。其中有至味。平生所遭逢。自言無少諱。滿胸家國憂。一把辛酸淚。書必讀萬卷。筆不著一字。從未區宋唐。惟在別真偽。我當少年日。詞亦工側媚。花月賦閒情。帷房抽綺思。甫踰弱冠年。飢驅遂入世。室無半月儲。袖滅三年刺。從茲歷艱難。稍復尙意氣。躍冶動見憎。懷才安得試。逮乎憂患來。置身幾無地。冷眼識交情。熱衷絕世事。但知吟亂雜。不能飾平治。但知樂飢寒。不能炫富貴。咄唔秋草根。聊以鳴吾志。不求人見知。永爲世所棄。客乍聞此

言。悚然欲退避。揖客且閉門。將詩藏敝笥。

五月食荔支有感

嶺南荔支天下奇。昔徒傳聞今始知。或言閩蜀更勝粵。我未之嘗敢瑕疵。火山四月紅于火。擔夫入市紛道左。老婆一見口流涎。會須一啖三百顆。不煩纖爪壁絳儒。白露冰雪仙肌膚。更憐消渴溢瓊液。風味勝絕平生無。金婆楊梅等奴婢。西施玉環堪比擬。不愁內熱解蔗漿。一枕酣回甘澱齒。幾忘被譴在炎方。爭此口腹無乃荒。東坡肯將一官擲。嗟我非才安敢望。吾聞諸楊昔橫恣。天寶歲取騰驛騎。未終一曲荔支香。馬嵬塵起蛾眉逝。誰知作俑是尉陀。貢始武皇罷漢和。盛德豈復貴尤物。厥包曾不驅明馳。人生有好都爲累。況我南行不得意。回首前年今日時。那堪對此彈鄉淚。

有感時事

兵戈滿海內。慙此走偏隅。家室知難問。親朋信漸無。文章開百粵。盜賊橫三吳。喜聽王師捷。憑城勢日孤。

世事誠難料。蒼生劫未終。借師能助順。飛檄善橫攻。嶺嶠鯨鯢奮。滇池豺虎雄。書生思報國。徒此抱孤忠。

聞官軍復崑山。寄里中補道人。即用其寄粵原韻。

天南忽見捷書馳。喜聽崑城已進師。不用山中陶甲子。重看江上漢旌旗。中原戎馬傷多事。小劫滄桑感往時。只是欲歸歸未得。沾巾北望反淒其。

無才何敢妄談兵。但祝還鄉早息耕。何日王師休戰伐。卽時故里觀昇平。飄零遊子仍天地。慟哭良朋半死生。劫火元亭幸無恙。投書萬里見交情。

頻經逋竄隱菰蘆。肝膽輪囷尚故吾。亂世功名惟殺賊。雄才詩酒亦窮途。十年兵甲全吳困。萬里親朋隻字無。誰肯上書籌國計。流離爲繪鄭監圖。

東甌南嶠望中分。任尉城邊暗夕曛。海角羈人餘涕淚。陣前諸將策功勳。傷時賈誼過秦論。勝算廉頗用趙軍。急爲借籌須擣穴。長江從此息妖氛。

雨中得友人書并憶吳興包孝廉。

時官軍進師蘇州之唯亭鎮。諸鄉安集多有耕播者。海天氣候殊中土。風雨連山六月寒。十日閉門無客至。江南書到說平安。

家鄉無恙冀歸期。便送君歸我更悲。雨里依然杞菊在。平吳猶恨進師遲。



續夢中句

已薄功名等芻狗。徒工文字學妃豨。此二句乾坤多難身還  
在。忠孝無成志竟違。河朔王通慙獻策。關中龔舍美知機。從  
今絕口談兵事。閉戶空山對夕暉。

至粵已逾一載。辱江南諸故人投書問訊。作九言一首。  
寄黃六上舍潘大楊三兩茂才。

嗟我昔年出門作近遊。今乃放眼萬里來番州。不因被謗亦  
不得至此。天之厄我乃非我之尤。男兒墜地本是輕離別。擲  
身滄海何憚阻。且脩此間一島。大水來環繞。茫無涯涘。四顧  
興百憂。時誦東坡之語以自解。土三水七人本居於洲。中原  
理亂久置不復問。但目見憂雜耳聽咽。我胸空洞本無一  
物著。憂歡悲樂境過輒不留。惟有君親友朋時在念。今日欲

思報答嗟無由。生平嗜好多足累。學問自遭放廢棄之如贅  
疣。吳中徵逐每苦不得息。今且閉戶任聽先生休。得閒方知  
一日如兩日。動必多咎。惟靜可自修。有時默念我生之所作。  
百無一慊。悔恨兼慙羞。嗣皇龍飛閏八月來此。迄今十月  
歲已逾一周。災方景物種種傷吾意。氣候不常迥非中土侔。  
視天常低視日近若炙。冬或著絺。盛夏或披裘。魚龍怒騰欲  
雨。氣腥臊。黑千里。颶起搖陵邱。飛蟲細蚋經冬猶不死。炎  
熾毒霧白晝鳴鵲鵲。我初來時厭此土性惡。常畏煩熱委頓  
病洩嘔。瘦妻嬌女啼哭思舊土。一家四人臥床無一瘳。半椽  
矮屋月費錢半萬。風逼炊煙入戶難開眸。水中蟻蝨嚼人若  
錐利。爬搔肌膚往往至血流。出見販豎傭牧亦低首。時雜嘲  
弄譏笑開楚咻。俗惑鬼怪詐悍吁可畏。小嫌裂眦動如夙世

譬我聽其言一念寂不起。死灰槁木人我兩悠悠。人生但當  
隨時爲排遣。惟性所適大化與沈浮。時和卽春花開卽佳節。  
有菊有酒有月爲清秋。嗚呼古來賢豪南遷者。不免蹈海性  
命委輕舟。不見昌黎上疏乞恩貸。訴陳疾厄深慮填渠溝。子  
厚詩文滿幅皆悲怨。劍鋌割腸自恨爲山囚。盡思士著生長  
亦人耳。彼何安樂我何多煩憂。我今誇述非以動君聽。至其  
佳麗誠足甲南陬。南村楊梅北村之盧橘。香蕉黃橙不論錢  
可售。紫綃紅繒徑寸之荔支。玉玳下酒風味欺蝨蟻。粵西善  
鮓粵東尤善鱸。薄肌細理沃醪雜薑蓼。此其小者不過誇口  
腹。若臨山水閱歷深網繆。此鳥已非我皇之疆域。追論償  
事令我久呶呶。從來誠信足以禦四裔。獸窮則攫毋怪稱戈  
矛。彼公將畧稱爲不世才。胡乃出此天意非人謀。至今溟渤

波恬息。猜訝駐以重兵。建置由豪酋。經營廿年蓄意善招集。  
蠟灘鰲背開此風光。陶賈故居奇光怪。炫列貨四重金碧多。  
喜居層樓天下兵動江浙又塗炭。衣冠避宦經此盟海鷗吾  
聞五羊城中仙下遊。最好深宵風月珠江頭。孟冬朔日海嶠  
風始寒。我來憑弔直欲驚蛟蚪。今昔江山不改霸才去。前弔  
任趙後又悲孫劉。龍川一尉崛強不臣漢。陸生掉舌折服功  
可侯。孫吳匡宇幾盡奄南服。始築城垣闢地民居稠。李唐末  
造居民忽鼎沸。嗟哉黃巢一炬遭踐蹂。不知禍亂乃以開英  
傑。劉隱乘時竊據雄上游。中朝人士流寓爲謀主。一時二嶺  
五管指掌收。玉堂珠殿土木疲民力。鼠人牛角國勢漸不遑。  
天水真人崛起混宇內。珍異盡輸天府聲琳瑯。興亡轉瞬小  
朝廷日蹙。八閩旣覆於此暫逗遛。崖山忠憤千古泣神鬼。慈



元殿燼廢寢迷松楸。有明君臣。妄冀挽天運。崎嶇鯨足。稱帝  
誠苟偷。螢光燭火。豈得爭日月。唐殲桂檣。萬載鞏。皇既平  
南開。落晚節。壞孽子。富貴豪華。頃刻同蟬蛸。荒宮古屋。寂寞  
作官廨。烟沆石獅寒。雨啼林鳩。歎歎懷古。合人意盡矣。感伶  
身世瀛海一浮漚。人才渺然。吾未得見之。重勘則另地氣少  
淑柔。慷慨疏爭。是真奇男子。當時名儒挺出。炮魯鄒。詩家大  
宗。獨數梁陳。屈海雪畸人。一死志莫酬。山川寂寂。倏馬二百  
載。坐令此輩。曠世渺無傳。返轡歸來。兀坐塔若裘。辱君書札。  
萬里遙相投。急呼燈讀。數行猶未盡。鄉淚如綆。昏眼嗟頻揉。  
昔賢欲以文字開要荒。結茆作屋。墾士爲瓜。疇視若鄉里。其  
意豈不好。咨嗟自審。吾念獨曰不。側聞王師每戰。動獲捷。  
士氣奮揚。中外胥同仇。三吳版籍。收復已逾半。流氓安集。農

女勤蠶。冠衰勢窮。將鳥獸散。中興繼烈。行見脫樊籠。眾  
樂昇平。悲我不得預命。冀聖恩祝網。開蛛蝥。我本三吳。甫  
里之狂客。蓋容我歸學園安。鋤耨空抱此願。未識何時遂。烏  
驚弋繳。獸恐羅罟。粵雖全盛。邇來亦小減。轉饒七省。大吏  
煩徵求。時艱才出。此事每束手。惜民一疏。勇退辭節旌。嗚呼  
今日。非猶昔之比。安得鄭俠。繪圖陳冕旒。書生饒舌。豈下憚  
罪戾。不知自有肉食爲國籌。終年俯首。讐校已短氣。莊韓尚  
書。真爲誰彈糾。河東書篋。十未得二三。那能一一備。我恣羅  
搜。勞君馳寄。剗下深望懷。詩罷但聽屋角風。颼颼。

聞官軍收復蘇州有感

金閭重鎮。斷三吳。壘增師賊勢孤。已見降旗連夜出。早傳  
露布萬方呼。塙雲壓堞奔豺虎。殺氣沿屯走鼠狐。從此開闢

靖烽火。耕桑好納太平租。

滔天書竹罪難窮。貸死誰論所賊功。窮寇難逃甘下策。危時能斷具深哀。菰蒲一例消萌孽。將帥頻年用戰攻。非種誅鋤仁術在。伏辜慢與殺降同。

礮火騰空賊膽消。橫江組練繡旗飄。安危大局關天下。焦爛餘形答聖朝。奉詔已書蕃將績。收功轉患客兵驕。羈縻長策時難用。誰識江充論最超。

大江計日埽長鯨。細柳猶連上將營。吳越未全歸版籍。皐夔何策答昇平。卽今畿輔須儲粟。況復關中尙用兵。益旅輸金厓宵旰。杞憂豈合到儒生。

與人書不答

未應韓老偏疎我。應是嵇生懶作書。誰惜寥天因獨鶴。翻嫌

多事遣雙魚。論交四海輕劉備。乞食窮途泣伍胥。萬死投荒豪氣在。無求終歲閉門居。

元修契順從來少。趙德符林亦未逢。一字懼爲他日累。此才轉賴異邦容。文章豈必關科第。風義原難望俗庸。被譴何因緣語禍。敢輕出口誦渠儂。



衡華館詩錄卷三終

衡華館詩錄卷四

從茲

長洲王翰仲發

平生忠孝師賢聖。今日飄零絕見聞。噩夢中宵呼殺賊。孤懷  
九死敢忘君。開樽斗室參黃檗。閉戶空山臥白雲。痛絕古  
來文字禍。從茲筆研總須焚。

粵中贈卓司馬

離家萬里到南荒。九死艱難托異方。吳苑鶯花迷望眼。蠻鄉  
風雨割愁腸。人皆欲殺誰知我。才不能奇未敢狂。溟渤即今  
鯨鱷靜。孫劉割據跡蒼茫。

極目關河感慨中。賈生死去霸才空。憂時誰上安危計。報國  
徒聞戰伐功。已憤勳名成畫虎。敢輕詞賦薄雕蟲。屈騷苗裔  
衡華館詩錄卷四

弢園叢書

開南服。忠愛流傳自不同。

尋常豈具封侯骨。甄識還憑相士書。卓精相術。亂世公卿安有種。

無才巖壑且深居。鳬肩誰識風塵誤。馬齒空嗟歲月虛。放逐

江湖甘老死。於茲卜築定何如。

感懷身世如塵夢。閱歷憂危託嘯歌。幻想都從奇境出。才人

自古寓言多。中示詩二十餘首。多涉神仙夢幻。英雄失路逃仙佛。造物何心

竄谷坡。淒絕瘴煙荒雨裏。閉門經歲獨君過。

送閔孝廉回湖州

客中送客難爲別。況我欲歸歸不得。雲水迢遙七千里。夢魂  
夜夜返鄉國。天遣先生避地來。雲萍海角初相識。中原多事  
方用兵。末路才人悲失職。彈丸絕島等桃源。暫此勾留能守  
黑。天心似欲開昇平。早令吳越烽煙熄。百戰湖山幸無恙。深

閨重有人相憶。忽然思發孝廉船。徵書捧到動顏色。十年未  
踏京華塵。蓬瀛咫尺人先涉。知君歸去旋出山。蒼生滿眼嗟  
病劇。把酒臨歧獨惘然。便送君歸更悽惻。望帆直去海之涯。  
我自天南君自北。

包孝廉以足疾久不得來作此詢之

北走燕市南粵江。兩脚曾經萬里路。竭來日日閉門居。咫尺  
天涯齊跬步。不見包咸兩月強。爛繫鞋出足生瘍。打頭矮屋  
住不得。如鳥在籠終思翔。郎君刀圭推妙手。小試其技此何  
有。奈何久爲鶴鷺蹲。讓渠自作牛馬走。一從君閉新婦車。酒  
爐冷落茗椀疎。王郎清鏡虛大嚼。天寒正思鱸。河魚昨過屠  
門忽短氣。食指雖動無異味。待來不來知未能。畢竟家居作  
何事。車若水有脚氣集。習鑿齒著晉春秋。君才不後古作者。



論語半部須君修。

一生

客粵無端歲屢更。遙從物外寄閒情。棕櫚雨過涼初覺。薜  
風來香自清。寶藥韓康空遁世。人秦張祿本無名。逢人怕說  
飄零事。總是儒冠誤一生。

七夕

香几瓜筵月二更。填河靈鵲駕橋成。已深兒女飄零感。難免  
神仙難別情。花外笙歌添客思。樓頭琴語帶秋聲。一年相見  
尋常事。料得雙星尚未行。

有乞作香港竹枝詞者口占答之

絕島風光水面開。四重金碧煥樓臺。海天花月殊中土。誰唱  
新詞入拍來。

有李氏女子自揚州來此作校書。贈以二絕句

阿儂生小住揚州。只解相思不解愁。姊妹飄零夫婿死。天風  
吹下粵江頭。

揚州此日等天涯。愁說揚州是妾家。怨殺春風供飄泊。李花  
今已作楊花。

何三招赴綺筵。卽席作此。

脆管繁絃永此宵。留賓投轄醉相邀。玉容自許春如海。金釵  
休辭酒似潮。南國笙歌聲變徵。北方戎馬勢猶驕。海天別覺  
風光好。尚有閒情問紫簫。

鴛鴦修到得雙栖。環燕從梁自品題。璧月當簾圓皓兔。玉鉤  
隔座警靈犀。桃花已忘風前面。柳絮曾沾雨後泥。一任筆毫  
繁響集。曲終溝水各東西。

竭來海國又深秋。畫裏山川一望收。遠火樓臺看隱約。當筵花月儘勾留。江湖跌宕餘豪氣。身世飄零感舊游。縱有素心無可託。好尋烟水結盟鷗。

題湯雨生都督所畫紅梅花

毘陵將軍冰雪姿。清操惟許梅花知。平生豪氣鬱不發。驅使十指生橫枝。老幹槎枒肯受屈。如竹秀逸松支離。著花自作娥媚態。非似寒女強入時。我聞將軍罷官後。所娛三絕書畫詩。性解好文不好武。但自游戲供臨池。有時潑墨作屏幃。與酣落筆何淋漓。此幅渲染意迥異。將謂俗眼工相皮。誰知神韻更超絕。冷香拂拂寒鬚眉。年來塵土斷清夢。披圖一見神爲馳。憶昔命儔遊白下。將軍高臥秋江湄。招延近局作雅集。東南壇坫此主持。閨中筆法亦清挺。唱和猶存琴瑟調。曾幾

河山忽破碎。滄桑人事增吁悲。將軍節與梅花似。芳心勁骨同爭奇。幸逢劫火有此冊。摩挲千遍空懷思。

題湯雨生都督留別吳興諸子詩札

將軍向以文章名。胸中所有非甲兵。吳興山水擅天下。宦遊猶得娛閒情。幕官亦期不朽業。良友名山供作述。平生悔到此方遲。天末浮萍溯踪跡。皆都督詩札中語其時將軍初罷官。九梅餞別東風寒。畫工繪圖尙好事。想見當日疆圉安。吳越鶯花正滿眼。如帶長江天塹限。秣陵城中作寓公。琴隱叢書方論撰。忽然烽火羅江頭。將軍一死成千秋。吳興兵劫亦相繼。泉石荒涼失舊游。今日讀詩重嘆息。如此風流真歎絕。江山無恙昔人稀。掩卷還君淚鳴咽。

題姚簾田徵君所書詩卷



乾隆初機盛文學。義門記誦尙簿錄。沈陳繼之爲高足。姚君最後稱冠。姚君少有國器名。讀書是重科第輕。晚遭流離。業益進。詞章足與千秋爭。生罹疾厄。鬼伯守。長年藥裏不。手。我才不用困奇窮。知已無人失良友。前稱姚王。後陳姚。浮名雖重猶蓬蒿。隻輪孤翼無所向。長途風雨愁飄搖。薦舉未赴甘不仕。才人失意揚州死。馬張風義當時稀。收拾遺棄爲傳。梓身後荒涼更足悲。蓮花莊圯少人知。流傳尺幅南天見。索我題詩涕淚垂。我生况復遭離亂。六載炎荒音信斷。自從兵燹失圖書。那有心情託文翰。姚君身世感同雲萍踪。跡流西東。讀詩既罷三嘆息。但聽風急呼寥空。

題金壽門手書詩卷爲包茂才作

冬心三絕書畫詩。天姿所造稱逸奇。就中畫筆尤擅譽。乃其

承法非一師。字體結構頗模嶺。涉古卽古稍矜意。傳虛作手推清。新賞歸不足爲爲記。我聞翁昔作遠行。途窮賣畫揚州城。一朝落魄晝失色。城中無人知姓名。德州大夫偶見面。縱橫筆力驚奇變。招延幸舍爲唱提。聲價日高黃金賤。其時禹獎盛南網。風流接納開壇場。珎璐昆季並好事。小吟嵬館多儲藏。一壞再壞人事改。妖火騰天倒滄解。圖書秘玩付一炬。尋常器用無人買。竭來此冊留南陬。跡少視與拱壁侔。摩挲兩眼就燈讀。對之令我生煩憂。平生積聚邀兵劫。先民遺墨誰收拾。君家插架亦散亡。尙存癡瘡勤搜集。鄉里易結香火緣。異方見之心惓然。浙人愛浙非阿好。其人造詣良足傳。流傳况當劫灰後。尺幅精神百年久。留待他時勒石垂。合竝姚君兩不朽。

即今

濡筆先成鏡吹詞。即今四海慶清時。重編同治中興集。久薄  
元和聖德詩。前代武功誰足比。遠方長技亦堪師。古來風會  
茲初變。造物無權任轉移。

到英

歐洲盡處此巖疆。浩盪滄波阻一方。萬里舟車開地脉。千年  
禮樂破天荒。山川洵美非吾土。家國興哀託異鄉。海外人情  
尚醇樸。能容白眼阮生狂。

寒食

我生三十九寒食。強半牢愁在客中。今日况經來海外。何時  
重復到江東。佳辰杯酒從誰乞。異域桃花未放紅。苦向東風  
問消息。時來春久不至不堪迴憶愴心胸。

何日

七年孤負故鄉春。到眼風光客裏新。雨戒山川分北極。格調島以佳  
即近北極一洲疆域限南輪。殊方花月離人淚。異國衣冠  
獨客身。何日淞濱容小隱。柴門歸臥穩垂綸。

讀江弢叔伏攷堂集即書其後寄潘茂才

七萬里程來海國。旅中書籍難多攜。寄船三篋我手檢。但有  
經典無文詞。殊方春色入花柳。到眼忽觸羈人思。便想吟哦  
涉柔翰。三日未得成一詩。已將此心役箋注。鄭服李杜分鑲  
馳。昨者登山豁遠目。好句未答山靈知。今朝有信中原來。信  
高一尺方猜疑。開絨喜得伏攷集。乃是潘子江南貽。怪底函  
中發光怪。恐於海底驚蛟螭。平生服膺惟坡谷。昌黎子美我  
其師。江君詩派宗四家。四家筆以一手持。言情彌真始見我。



造格特荆乃能奇。槎枒盤空挺勁質。鉛華洗盡呈瑤姿。煙雲  
風月江湖海。窮愁疾苦憂寒飢。寫之筆端出新意。一一散入  
人肝脾。此才今無古亦少。深悔向來危失之。江君昔及先子  
門。文章卓犖稱於時。學成出行遊燕閩。隔絕南北稀見期。江  
君於我十年長。我學慙未窺藩籬。父死家貧亦蓬轉。乞食重  
去滄海湄。丁歲記俱返家鄉。江君剝啄來歎扉。渠方入貲爲  
小官。我正病足休征。出圖徵詩譽我作。謂宜佳處求癡癡。  
其集編年已束筭。留置我案時覽披。愛玩不足更寫錄。傳鈔  
右手爲生肌。顧未若今大哀痛。豈由身世逢亂離。同丁鞠凶  
邁奇慘。理易相感針投磁。如我口之所欲吐。不忍卒讀流涕  
漣。自古傳人必忠孝。血誠不隨流俗移。夙生自負秉微尚。  
跌瓦裂徒嗟哈。竄迹蠻方久偷活。愁邊屢見更寒。親朋消

息難悲喜。苦念鄉上無時歸。昨歲吳蒙爲我言。江君客死天  
南陲。身輪並使厄其壽。造物刻酷誰所司。冀年僅至柳子厚  
結友更無恨。叔威境同才異遭忌。一蹶促人世初何爲。九閨  
蒙蒙不可叩。放聲一哭形神癡。嗟今長行適異域。去家益遠  
心彌悲。豈如潘子守素業。皁比坐擁豐脯費。人就兒女索啼  
笑。出交賢彥翩追隨。因悼江君念潘子。死者已矣生者嗟。安  
得歸耕臥淞水。一笑重把寒窻扃。

自題小象

九萬滄溟擲此身。誰憐海外一逋臣。年華已覺隨波逝。面目  
翻嫌非我真。尚戴頭顱思報國。猶餘肝膽肯輸人。昂藏七  
尺終何用。空對斜曛獨愴神。

安得空山臥因。避人無術且依人。有生已受形骸累。到死

難忘骨肉親。異國山川同日月。中原天地正風塵。可憐獨立蒼茫裏。撫卷聊看現在身。

遊杜拉山麓循澗而行。

今朝縱日涉。烟巒景物殊。方詎異觀。故國河山消戰劫。邊隅草木入春寒。林深鳥自鳴幽谷。水急魚難上釣竿。同遊者劉循步沿溪尋去路。不辭仄徑獨孤盤。

偶涉一土阜陷淖中戲作

披榛便識非通徑。陷淖幾驚作半人。到此已難尋退步。慙余隨處值迷津。不攀藤葛求容足。終拔泥塗肯辱身。本是探幽翻蹈險。却猜山鬼故予瞋。

一慟

七萬里程未云遠。五千卷書安足多。厭生斯世閱離亂。容老

此鄉當嘯歌。避地避人昔豈料。報親報國今如何。臨風一慟節復爾。傷已憂時志不磨。

目疾

自昔觀書眼倍明。況經雲水洗尤清。如何萬卷坐相對。反覺雙花眩漸生。口耳俱窮惟恃目。瘡痍已備慮兼盲。張此方言故云問誰借取金篦刮。好注邱明內傳成。時某在秋左氏傳集都

瞥見

夜坐正思睡。寒燈燄忽閃。瞥見一家人。笑語互相勉。倏爾牽袂至我前。恍惚夢蘅之容顏。中外相懸七萬里。生死相隔十九年。胡為乎來。我心孔哀別汝已久。心亦漸灰。今夕燈下驟見汝。或生或死。殊驚猜死者。冥漠歸泉臺。生者潦倒猶蒿萊。生者哭死死不知。即欲不哭淚自滋。自汝死後困益劇。家室



此離不可說。所娶林家妹。乃汝之所識。其時髻雙丫。剪髮正垂額。佐子持家計。頗不憚辛劇。家貧逢世亂。死喪迭相值。庚歲弱弟死。壬年阿母沒。我亦逃炎荒。永與邱墓隔。滄波淼淼。適異洲。家鄉不見使人愁。汝來我願同汝去。毋令在世多煩憂。

遊倫伯靈園

有序

去杜拉十二里許。有地曰倫伯靈。譯即行雷橋。名勝所也。境既幽邃。候亦涼爽。每至夏日。都人士女。挈侶來遊。藉以道炎暑。而消長日。其地有客舍數椽。可供遊人小憩。舍旁一園。廣袤無際。就山麓爲之結構。徑路曲折。高下幽奇。可喜稍加人工。而無不出自天然。一潤淙洞。千峰台脊。偶入其中。爽氣撲人。塵念俱絕。

有飛瀑數處。從高注下。鏗訇盈耳。顧聲喧境靜。仰觀俯聽。其趣頗永。沿澗傍山而行。約十數里。行盡處。境忽窈。下澗作一潭。以承水。水從石竅中。怒噴而出。遙望之作白練一條。惜不甚長。亘耳。水注潭底。跳珠噴雪。聲轟晴雷。土人謂之大錢。以其水聲若沸也。兩旁巨石嶙峋。潭底石齒齒。巉露須下踐。潭石面壁正觀。乃盡其妙。蓋此山之奇。固以飛瀑著名也。時同遊者理君雅各。媚梨女士。

同治戊辰夏五月。我來英土。已半年。眼中突兀杜拉山。三巘遊展。聽鳴泉。巖深澗仄。勢幽阻。飛泉一片。從空懸。我臨此境。輒叫絕。噴洗塵俗。開心顏。居停主人雅好事。謂此未足稱奇焉。去此十里有名勝。風潭廣斥萬頃。田上有飛瀑如匹練。下

有雜樹相娟鮮。爰命巾車急往訪。全家俱賦登臨篇。其日佳  
客踐約至。遂與同載揚輕鞭。初臨猶未獲奇境。漸入眼界始  
豁然。意行不問路高下。疎花密蔭如招延。澗窮陡轉更奇闊。  
性惚別有一洞天。水從石竅疾噴出。勢若珠雪相跳躑。至此  
積怒始奔注。一落百丈從峰巔。側耳但覺晴雷喧。聲喧心靜  
地自偏。逕穿鞏確蹶澗石。獨從正面觀真詮。四顧幾忘身世  
蹙。來往忽冀逢飛仙。萬山擁翠若環合。中有一朶芙蓉妍。惜  
非胸中具邱壑。坐使腕底生雲煙。媚梨女土工六法。時女士  
操筆局  
本圖定能寫此圖其全。勝情妙墨發奇想。盡將造化形神傳。  
嗟予窮陋世所棄。胸貯萬斛憂愁煎。山靈出奇爲娛悅。令以  
文字相雕鐫。我鄉豈無好山水。乃來遠域窮搜研。昨者家書  
至海舶。滄波隔絕殊可憐。因涉名區念故國。何時歸隱江南

邊

遊園翼日忽得家書口占二絕句

一從客粵念江南。六載思鄉淚未乾。今日擲身滄海外。粵東  
轉作故鄉看。

昨涉名園慰旅情。正將秀句答山靈。家書寄到愁千斛。一片  
詩懷化涕零。

獨登杜拉山絕頂

濟勝慙無腰脚健。探幽陡覺心胸開。泉聲若共石門激。嵐影  
時與雲徘徊。眼前已覺九霄近。足底忽送千峰來。天悅羈人  
出奇境。家鄉不見空生哀。

二月自英返粵

萬里征程獨往來。四年離緒已無涯。西歐風土歸詩筆。南國



笙歌攪客懷。偏覺人情重。至熟不知歸。願幾時。諸花田香夢。珠江月。相約清游未便乖。

縱有

飄零身世。渾如夢。憂患文章總損才。多淚唐衢常欲哭。無家庾信自言來。見聞海國初編史。時子方擬稿潦倒窮途獨舉杯。縱有淨名亦何益。百年隨例總塵埃。

久甘

秋風何處憶萼菰。鄉味蕭然興益孤。天付窮愁磨傲骨。我從詩酒得亨途。驂騑豈肯儕駑馬。鸞鳳何曾狎野鳬。芥視千金空鼠嚇。久甘老死在江湖。

題扇三絕句

一騎匆匆去海東。自憐無地著英雄。窮途落魄誰相識。反出一

裙釵冷眼中。題扇句

流水高山寄所思。獨彈古調不求知。從今且袖宮商手。曉曉登庭出未遲。彈琴

洗盡鉛華時世粧。自憐生早開冰霜。芳心勁節無人賞。獨倚空山送夕陽。梅花

贈大羅山人即題其小象

大羅山人何雄豪。偶然落筆多清超。詞章已足了餘子。意氣往往輕凡曹。堂上屢添元鶴奠。庭前況有雙鳳毛。向平婚嫁已將畢。登山臨水堪逍遙。我客天南溷萍跡。姓名早被山人識。謬賞才華說項斯。辱遣追陪接壇席。琴尊跌宕綸闈文。采風流好標格。志遠翻爲絕島游。才高不射京華策。海濱欲去歐州征。途風雪黯登舟。瀟渺煙波隔萬里。一扇聊寄

別愁

丁卯仲冬余作秦四游山人書後見胎

天涯返權重相見。苔岑異地增淒

戀。鄉憂突兀心胸開。年來莫怪新聲變。出圖徵詩我敢辭。山人期許麤能知。思以文章來報國。金石刻畫鳴昌時。讀書十年不得意。感懷空灑憂時淚。小隱無端向海隅。從此長藏我劍利。玉筍聯翩並俊才。交柯珍木非凡材。一經教子有真樂。何難平步升蘭臺。人生難得幾知己。落落乾坤我則已。會當長掛辭山人。有田不歸如江水。用東坡句

送陳琳川司馬

秦嶺從軍滇南

陳侯才畧稱縱橫。胸中所有皆甲兵。讀書思以經濟見。處世弗欲文章名。方今滇池盛豺虎。連天聲鼓愁邊聲。元龍豪氣薄雲漢。覽書壹志圖澄清。輸金既上卜式疏。投筆巡請終軍纓。法煎火器出西法。持獻長策破敵營。竭來香海喜握手。後

領襟抱聯交情。春風故里二三月。忽忽旋唱驪歌。行盡王城國在殺賊。天文所指奇功成。濡毫爲賦鏡吹曲。從君逍遙歌昇平。

元日偕珠浦詩人遊西人別墅

元日登臨眼界開。春光先自海邊回。又看兒女青紅換。錯認神仙眷屬來。別墅中多西國女子異地園亭殊結構。良時裙屐快追陪。客中偏覺東風早。且罄屠蘇酒百杯。

題海天五友圖

余與羅錦村少尉陳星藩上舍張芝軒少尹梁寶雲茂才。以西法影像。合印一幅。名之曰海天五友圖。

海日杲杲生自東。海天空濶浮鴻濛。雲萍踪跡忽相聚。乃得五友苔岑同。大羅山人氣卓厲。偶然揮灑煙雲麗。眼看同學



凌瀛洲。如此才華艱一第。元龍豪氣湖海流。自築百尺之高樓。陶朱有術亦足習。風雅好事誰其儔。芝子翩翩最靈敏。窮當年有張緒。品愈曉日畫眉來。玉樹臨風夙心許。鷗也才一石粟。不甘小戶稱老鑒。就中年少志獨銳。當秋盼汝青雲高。而我風塵多轍域。十年蹶跡成名寡。報國文章虛語耳。徒嗟潦倒菰蘆下。

### 哭伯姊

伯姊名嫻。字伯芬。適吳村周氏。向以財雄。今已中落。余至粵後。長甥以溺於片岑死。姊倩以溺於酒死。而仲叔二甥又不相能。家驟衰。癸酉六月。伯姊患喉症。遽殞。年四十有九。

我生同氣僅三人。上有伯姊下有弟。姊長三歲弟溺六。

未期而殞

家庭嬉戲增懽悽。姊去淞濱我滬濱。從茲相見多艱辛。良田百畝足自活。衣租食稅原非貧。夫君讀書罕出戶。食古不化性迂魯。三杯濁酒入肺腑。怒氣如雷吼若虎。烽火江頭一旦驚。僻居鄉落尙安平。門庭乖戾咎徵見。先折長枝到長甥。子死夫亡痛相繼。手足傷心暖異地。忽然遠道寄吾書。讀不成詞但有淚。其日剛游濠鏡回。連山風雨益生哀。從此容顏真渺矣。相思只合夢中來。正期白首重相見。不謂青雲疾於電。吾生悲憫無窮時。遙天孤雁鳴聲變。秋風十二年前別。明月七千里外圓。月不共兮風不知。人間地下兩茫然。

### 贈越南黎和軒侍郎卽送歸國

奉使南來識絳旌。屢贈珠玉快揮毫。文章蓋代才無敵。風月當秋品最高。兩載賢勞完素志。寸心忠愛託離騷。輶軒盡人

皇華詠。爲聽清音想鳳毛。

海天風景足勾留。水國蒼茫一望收。臺榭遙看依澗壑。姓名早已滿滄洲。長籌經濟推劉晏。末路飄零識馬周。知己他鄉今幸遇。追陪儘許日登樓。

早年清譽動朝端。雅愛登臨拄笏看。畫裏山川詩卷富。客中歲月酒杯寬。絲綸濟美思張說。裙屐風流屬謝安。此後相思託雲樹。滄波瀾渺海濤寒。

忽唱驪歌遠思催。臨歧執手重徘徊。惟公愛士真如古。愧我能言未是才。久臥江湖容避世。似聞廊廟正需才。扶輪大雅今堪繼。珍重江天報札來。

送越南潘九霞農部回國。卽和其辭別原韵。

今春警如疾隼過。已非四月時清和。一雨三日不出戶。出風

欲作海始波。焚香掃地聊自得。讀書而外焉知他。叩戶忽傳遠客至。趨迎禮數毋嫌多。袖中新詩出相示。格調纏綿性情摯。上言此日已將歸。下言何日得重至。南國多才洵足誇。代文章見清麗。翰墨因緣海外求。苔岑異地成交契。嗟我近年多坎軻。拔劍斫地徒狂歌。夙慕清談效魏晉。脫畧豪傑捐煩苛。四海澄清容石隱。昇平久已銷鉞戈。讀君詩句知君學。倒流三峽傾天河。况君遠使宣宏猷。一見心許欽風流。胸襟欲吞小五嶽。姓氏早播大九州。鯁生獨幸接丰采。感君將去不可留。驪歌載道送君別。依人王粲還登樓。

題友人畫扇

刺水殘山切未終。滿盤殘著亂匆匆。美人到底知農意。合遣鴉兒策上功。



無求

廿年離別舊家園。終歲蕭然獨掩門。有價始知官長賤。無求轉覺布衣尊。稻粱一輩爭雞鶩。風雪空山侶鶴鵲。飄泊天涯歸計阻。江湖高臥亦君恩。

哭亡女茗仙

茗仙余長女也。名婉。以丁未仲冬生。爲前室楊碩人所出。年二十有二。歸吳興茂才錢徵。嫁甫十年而殯。我生五十僅兩女。長者已嫁少者未。長者自幼頗讀書。唐詩約略能記。生年四歲痛母亡。大母顧復心。徬徨從我至粵。甫及笄。風波萬里來。蒼黃大載。炎荒隔人事。枕函時濕。思鄉淚我去。歐洲隨母歸。滬濱便是重游地。年長無如擇婿難。儒生品格求高寒。吳興茂才才卓犖。文章早已雄詞壇。絲蘿既

已附松栢。容顏從此天涯隔。膝前兒女聚成行。蘭芽玉樹珍如璧。伉儷情深慰遠懷。全家渡海省親來。寄書不如見面好。小住四月愁容開。別誰知成永訣。病骨纏綿望久絕。西風十月海波寒。一紙魚緘眼中血。迴視少女心彌悲。嬌態永此閉深閨。次女。稱仙。生不能言。而於世間一切事多不復知。求子不得反失女。天公待我胡不慈。憤來直欲叩閭闔。九關高遠不見答。既厄我名復無後。我生獨在空蕭颯。

醒廵書來。知恂甫母子於十日中相繼逝世。哭之以詩。皇天降酷罰。吾家丁其凶。一枝又已斬。存我知孤桐。譬如黃臺瓜。四摘旋成空。我父二昆弟。伯父生從兄。從兄有三子。方期振家風。長者爲端甫。剛謹能博通。作賈有材幹。哭父違命終。維仲曰質甫。迂魯殊吳蒙。可憐逢賊刃。一病連秋冬。恂甫

最黯慧。嗜好其身。義。搏。痛。奮。一。擲。就。毒。耽。尤。工。坐。此。日。貧。出。  
卒。未。悔。厥。衷。母。氏。多。溺。愛。誨。導。久。無。功。一。朝。書。遠。至。悲。痛。填。  
心。胸。伯。父。緒。已。絕。九。泉。應。怨。恫。千。鈞。繫。一。髮。繼。續。惟。吾。躬。

思歸

憂。時。誰。共。話。辛。酸。久。客。思。歸。涕。不。乾。鄉。里。屢。驚。姻。舊。盡。江。湖。  
終。賴。聖。恩。寬。穗。垣。無。地。營。幽。策。淞。水。何。年。把。釣。竿。欲。往。東。  
瀛。瞻。北。闕。此。身。去。住。總。爲。難。

葬身

幼。時。每。喜。長。及。長。又。羨。小。譬。人。有。所。求。難。得。斯。爲。寶。少。者。固。  
有。壯。老。者。難。更。少。消。息。通。陰。陽。循。環。悟。大。道。我。少。能。文。章。致。  
身。苦。不。早。用。我。既。無。人。青。衫。遂。潦。倒。吹。竿。取。自。媒。彈。鋏。羞。輕。  
遊。坐。令。歲。月。但。志。豈。在。溫。飽。轉。徙。浮。江。湖。飢。驅。過。華。皓。遠。遊。

歷。歐。洲。大。地。如。球。繞。三。年。彈。指。間。雪。泥。印。鴻。爪。歸。來。隱。粵。江。  
塵。累。謝。相。擾。著。述。聊。自。娛。屏。跡。事。幽。討。多。病。念。家。鄉。久。客。思。  
淞。泖。迴。首。少。壯。時。所。過。跡。如。掃。大。藥。難。駐。顏。春。風。詎。堪。摘。衰。  
年。阻。歸。期。憂。心。怒。如。癘。一。旦。恐。溘。然。葬。身。此。絕。島。

哀宗

吾。宗。二。百。四。十。年。今。日。所。存。僅。一。線。樹。衰。早。已。刪。旁。枝。予。予。  
惟。留。此。孤。幹。危。乎。不。絕。真。如。縷。一。髮。乃。繫。千。鈞。弩。問。嘗。約。略。  
展。家。譜。讀。未。終。篇。淚。如。雨。譜。作。乾。隆。之。初。橫。相。傳。四。代。五。男。  
兒。時。猶。多。忌。諱。隱。約。其。言。詞。殉。難。勝。國。社。圖。門。靡。子。遺。始。祖。  
甫。垂。碧。逸。出。爲。齊。贅。謂。云。援。撫。之。際。守。忠。殉。難。始。祖。必。爲。公。

生。明。崇。禪。元。年。一。自。此。單。傳。至。我。父。必。爲。生。子。孫。一。枝。始。祖。必。爲。公。  
仲。叔。二。房。俱。無。後。即。吾。祖。也。  
載。履。生。敬。齋。即。吾。祖。也。  
兩。家。伯。仲。歌。棠。棣。伯。氏。二。傳。條。



已斬。伯父。潘。漢。生。竹。為。竹。生。三。子。端。甫。拙。甫。悔。甫。先後並逝。惟我孤存在天際。二百卅年祇一人。我又無子承家祭。嗟此衰宗世所稀。天欲絕之非人為。自明迄今已七葉。及我不祀吁其悲。問天不語涕沾臆。五十無兒事可知。

吳子登侍讀見過卽送其奉使美洲

偷生海外免斫頭。五十老翁何所求。掩關但解耽文史。息轍併欲疏交遊。彈丸絕島粵門戶。西歐歸來作鄉土。獨皇雖在枳棘棲。安肯低飛狎凡羽。窮年不見故人來。春風豈復噓蒿萊。有時掉臂獨游市。空聞鴉雀聲如雷。昨者星輶至自北。高軒忽枉來吳賓。乍喜形容略老蒼。漸驚髣髴髮都斑。白遙遙一別十九年。相逢意外殊茫然。君昔還鄉吾避粵。升沈從此判天淵。爲話飄零憐我在。耳熱鄉音喜無改。著書不滿先生笑。

淪落何須叩真宰。維君持節使美洲。宣揚威德資謨猷。聖朝此事方伊始。立功萬里羣皇臨。定遠介子今亦有。皇華應選多我友。羨君此行亦足豪。勸君更盡一杯酒。句用

題蘊玉仲司馬墓田耕讀圖

玉仲司馬人中豪。文章卓犖冠其曹。酒龍詩虎素跌宕。醉後往往生牢騷。不作雄飛作雌伏。墓田歸去勤耕讀。讀固其分耕或難。此行我可爲君卜。既無負郭良田三百畝。又無插架奇書十萬卷。日耕日讀兩不成。虛願難償約豈踐。况君翩翩貴介儔。天家雨露多渥優。簪纓世澤不肯守。反欲學農學圃。把鋤耨卽日親在謀祿養。親亡不仕成高尙。結廬永寄菟裘懷。墓田咫尺時瞻望。然君今猶羈一官。應官聽鼓職其冠。常從大吏仲顏色。何能閒與農父談暑寒。繪圖徵詩多稱好。王

郎聞之幾笑倒。徒從紙上作空談。無端藝語逞文藻。以此問君君奚辭。還君圖畫欠君詩。俟君他日果歸隱。再索我詩猶未遲。

贈日本執行子能

子能日本稱詩豪。獨具卓識輕凡曹。撫懷時局思自奮。意氣直欲凌雲霄。讀書泰西風所向。探奇魏異窺深高。語言侏離辨同異。文字詰曲窮芒毫。壯游萬里豁懷抱。洪流濯足乘波濤。學成歸來爲世用。割鮮小試庖丁刀。旅居香海獲相見。壇場幸接欽丰標。方今世事頗棘手。強鄰西北紛宣驕。我朝武功震宇內。薄海久靖邊塵囂。羈縻豈徒在禮意。毋令倉卒驚回颺。惟君建樹有大志。文章經濟紛揚鏘。爲言家在東京住。江干小築堪漁樵。圖書插架多古帙。劫火不燬奇光燦。我友

寺田亦君友東遊約。我頻招邀二君嗜好同。臭味譬如蘭芷毋相消。我將去矣與君別。引杯慷慨歌且謠。歌且謠心煩燥安得千里送騷騷。反思一枝藏鵲鶴。吾聞東國山川富奇麗。蓬壺三島原非遙。但得有田可耕屋可住。避居何必武陵桃。結廬他日共君隱。從容詩酒娛昏朝。

和粵東長將軍五十自壽詩謹步原韻

雨露新從北闕來。神仙居本近蓬萊。家聲遼鮑從頭數。詩筆壇場生面開。公著有芝麟閣勳名傳世業龍門德望濟時

才年華五十稱觴始。勸飲循環日百回。

持旄嶺嶠渥承恩。勇士環營盡育資。虎旅卽看開重鎮。龍光從不隔遐藩。將才昔已東陞著。德政今同北斗尊。歌詠昇平齊介壽。廣庭開處對清樽。



喜聽營前鼓笛譁。自天降福定多遐。平生經濟原儒術。大雅情懷出將家。秋日巡邊嚴選隊。春風及第豔簪花。門庭勝事殊堪羨。母怪當筵對客誇。

人生行樂及芳辰。正喜添籌物候新。勝算防秋先有備。羣欣函夏久無塵。同時降世稱生佛。一代高名仰偉人。定卜綸扉需翊贊。未容松菊遂閒身。

睡起

蕭蕭雨意便成秋。一味新涼枕簟留。睡起不知時早晚。落花風急撲簾鉤。

自粵回滬濱作還鄉行

我生十九離鄉縣。三十年來游歷倦。瞻望里門萬里遙。何時得遂歸耕願。饑驅出門至錦溪。相違咫尺已含凄。建後移家

去滬濱。生涯朝夕憐羈栖。一自風塵艱國步。兵戈忽斷故鄉路。跳身急作大南行。惡客敢道儒冠誤。失意遂爲汗漫遊。天邊踪跡遍西歐。胸中久已吞雲夢。脚底直欲窮瀛洲。此回真作還鄉計。屈指離家幾流涕。已及晉文去國年。更嗟蘇武投邊歲。飛輪激浪促行程。海濤聲若鳴不平。三日往風兩日霧。收帆初見春申城。卸裝到處恣游覽。目中不盡滄桑感。徒看亂後盛鶯花。每笑樽前歷肝膽。江山如夢劫灰餘。骨肉已盡親朋疏。誰言久別相知寡。變盡形容尙識余。

至吳門晤楊醒道明經

與君十八年前別。今日相逢尙黯然。滿眼江山如舊夢。驚心骨肉隔重泉。雖嗟形貌都非昔。所幸文章各自編。迴歲研田殊不惡。卜鄰應有撰碑錢。

同醒道往游各園

劫灰燼後留城郭。元氣回初識里門。尚有園亭娛逐客。自饒花木羨幽居。芳菲景物昇平候。士女便娟黠綴餘。深幸殘生能覩此。結鄰鄰尉願猶虛。

謙集徐氏未園席間賦呈雨之方伯

廻帆卻喜與君同。

同附英國郵船返港

小集名園眼界空。久欲烟霞逃

世外。須知邱壑具胸中。平分仕隱娛清福。半近城村見化工。久客初歸無屋住。許容高枕聽松風。

日本品川領事招飲席上賦呈

兩國同文自昔通。今瞻道貌海雲東。已驚名士詩篇富。

調座中竹

深漸深識寶侯學術崇。遠結鄰歡開變局。近師長技表雄風。富強有效輕商管。我欲乘槎問事功。

贈日本竹添漸卿即書其詩集後

古來詩流區萬派。波瀾吐納黃河隘。風雲月露皆正聲。入以性情參沈澁。我從嶺表識君名。一卷新詞冰雪清。意君歸帆已東指。何幸相見春申城。君年四十走天下。水乘蜻蛉陸跨馬。心雄不知行路難。妙景當前總須寫。月落聞雞早渡關。身經萬里獨往還。棧雲峽雨飽閱歷。雕琢奇句娛心適。詩興翺震里耳。鐘鐺一出筆翫止。名山絕業良在茲。日東詩史自君始。平生意氣敢後人。今日逢君歎絕倫。我才肯謂出君上。乃獨賞識於風塵。傾襟幸得接談席。爲說瀛臺舊仙跡。春光今已遍蜻洲。兩岸櫻花門紅碧。客中餞客華筵開。明月別君登蓬萊。君向北游送我。我行我且東去待君回。

答吳瀚濤少尉即步其韻



平生自作信天翁。慙愧詞壇一世雄。甯願學書兼學劍。未經  
奇禍必奇窮。卅年空下才人淚。四海誰知國上風。恰似高秋  
初鍛羽。徒張健翮迅摩穹。

伊子懷抱託靈芬。風雨名山感逝文。終見上書流賈誼。未聞  
折檻旌<sup>上</sup>朱雲。揮戈尙欲廻三舍。拔戟猶能樹一軍。落落眼  
中今有子。匡時才畧足超羣。

不作人間第二流。奔濤萬里駕輕舟。蒼茫誰劃東西界。門戶  
終分上下游。千古文章心自得。五洲形勢掌中收。頭銜何必  
勞人間。一笑功名付馬牛。

老來百事久心灰。驚見宏文絕點埃。海內一頭應子讓。詩中  
生面獨君開。陳琳河朔誰知己。庾信江南自述哀。如我飄零  
安足問。不禁爲國惜人才。

夢中仲足萬丈深。空際劍佩何嚴森。下牀叩頭捧書讀。乃是

九天之玉音。上書光緒某日月。乘槎渡浦辭黃歇。三神山在  
縹緲間。嶺南仙尉其先謁。吾聞仙尉今詩豪。蓬萊作吏福尤  
高。不教拔宅竝東來。豈欲汗漫同盧敖。吾與仙尉初相識。夙  
服宏文已造極。古籍久笑歐廬陵。逸書早辨孔安國。竭來此  
間九日留。嘯傲意氣凌滄洲。湊川山色布引泉。都從百尺樓  
頭收。落拓天涯嗟不遇。如我飄零安足訴。論交久已趨唐流。  
讀書豈欲干時譽。邈世惟與猿鶴親。放浪江湖稱散人。歎子  
垂白溺俗土。煩君殺青傳逸民。但工文章原未技。端賴雄才  
掃綺靡。學語戲作蠻參軍。有願解。日看花徒惱蘇刺史。春光

將盡歸江南。天公爲閨三月三。余於三月十六日自粵省

櫻花雖謝。芍藥放。遨頭肯向山中探。

初至江戶集飲東台長配亭。來會者二十有二人。小野湖山。驚津毅堂。藤野海南。川口江東。龜谷省軒。阿鹿門。三島中洲。小山春山。大鄉學橋。河野基汀。寺田望南。星野豐城。木下梅里。鱸松塘。村山拙軒。小牧櫻泉。西尾鹿峰。猪野熊梁。野口犀陽。佐田白茅。蒲生綱亭。平山蕉陰。皆東都之魁儒碩彥也。或有位於朝。或致仕家居。並以文章學問。提唱風雅。一時之秀萃於此矣。爰作長歌以紀之。

神洲三島浮鴻濛。三千年未東西通。我來粵海乘長風。手招屏翳驅豐隆。神山被引住九日。揚帆選指江都東。此間人才之淵藪。衣冠東國羣推崇。自與泰西開互市。變法方詔中興

功。二三有志守古學。與我文字猶相同。僂僂摩挲弟子禮。我拔其尤羣爲空。我初至日開盛議。牛耳高踞詞壇雄。二十二入悉健者。舉筆欲參造化工。湖山吟詩作初祖。鸞津習禮稱儒宗。海南鬚眉自清古。江東骨相非凡庸。龜谷出語妙天下。鹿門作史窮寰中。中洲個儻春山樸。學橋風度何雍容。河野寺田識奇字。佞虛能辨點畫重。豐城梅里同史館。上下追迹如雲龍。松塘拙軒文章伯。鬼神腕底驚詞鋒。櫻泉鹿峰器瑚璉。熊梁犀陽聲鐘鏞。白茅好飲網亭酒。俱耽著述娛心胸。治集編揚盛治。偉人傳出彰遺踪。少年隅坐平山卓。席前請益時鞠躬。凡此一一詳論列。當非更僕所能終。嗟予潦倒衆所棄。海外乃與諸君逢。炎歊逐踪十八載。蒹葭徒自懷孤意。來游禮數不寂寞。猶幸吾道非終窮。方今朝廷重鄰好。持



節遠駕五花驄。兩邦苟聯唇齒誼。遠方何敢張孤弓。止談風  
月盡此樂。一言藉以明吾衷。詩成寫向雪色壁。碧紗應待他  
年籠。

衛華館詩錄卷四終

衛華館詩錄卷五

長洲 王 韜 仲張

戲贈墨川茶亭女子。

窈窕佳人慣折腰。已看裝束十分嬌。只教司茗不司酒。還與  
王郎伴寂寥。

薄游墨川漫賦四律。卽和茶亭中詩碑原韻。

游蹤羣指墨江頭。一覽同登最上樓。三月櫻堤長新綠。半江  
桃水湧春流。欲傳世有千秋筆。不繫心如萬里舟。今古虛名  
原一瞥。閒情我欲問浮鷗。和杭州大沼厚

堤樹籠煙碧漲漣。榮陽曾此墜輕鞭。鶯花已醒廿年夢。簫鼓  
空聞十里船。絕海飄零還跌宕。深閨孤負致纏綿。項山書  
游今日偕君輩。別後相思各一天。和松塘鮑元邦

衛華館詩錄卷五

天教今日放新晴。勝地由來著上京。東國文章崇正學。南州  
瑤箭愧浮名。三春花月江干盛。一曲笙歌柳底輕。萬事不如

杯在手。

用

又從海外聽鶯聲。

和露江關思

四月清和天氣新。

良朋共此醉江濱。

杯槃笑進鵝兒酒。絃管

初調燕子春。

所招二妓特奏。自昔神山多舊跡。

相傳徐福墳尚在紀

伊國能

于今滄海靜揚塵。筵前錦瑟知儂意。惆悵華年憶遠

人。

和蘆洲植村義

前詩意猶未盡。仍和其韻作長歌一篇。

天風送我東海頭。共登千秋之高樓。振襟自有一世想。濯足  
更思萬里流。滕王作賦吾宗事。片帆頃刻浮輕舟。世情變幻  
雲中狗。人事蒼茫水上鷗。東瀛清水何漪漣。愁教快著祖生  
鞭。外人久思逞戈鋌。與國方欲修樓船。與其臨事嘆拮据。何

如未雨先繡綿。東南何遽輸西北。我欲上問彼蒼天。今朝欲  
雨又放晴。天意許我游東京。平生忠孝根柢。豈使醒醒留  
其名。功業未建著述在。蜉蝣撼樹徒相輕。中宵起舞發壯志。  
聽此嗷嗷非惡聲。我來墨川游覽新。佳人窈窕江之濱。繁絃  
哀善譜新曲。健筆我愧開陽春。即今上士尚草莽。豈獨而我  
悲風塵。舉杯慷慨不盡醉。我其於世為放人。

席上贈小鐵校書

鐵中錚錚有小鐵。此鐵乃是肝腸結。洪爐熾炭胡不鎔。要煉  
人間蕩子魄。嫣然一笑天為春。吳兒木石亦關情。琵琶彈出  
銷魂曲。三條絃上多秋聲。天涯我久嗟淪落。羞同白傅青衫  
哭。東游特地泛槎來。失意看花愁萬斛。筵前忽與小鐵逢。迷  
離燭下明粧紅。知我狂吟發清興。玉手為捧青芙蓉。新柳橋



春色今已盡小鐵容與徐娘並。鐵天地亦壞多情。何況凡軀  
花作命。小鐵聞言意轉悲。珠喉抑塞歌聲遲。轉向當筵催進  
酒。勸我斗酒吟百詩。詩成小鐵憫若失。四座無譁宵漏急。即  
傾江本作淚波。憂時不滿此胸臆。酒闌燭灺飲不豪。青衫那  
及紅顏嬌。驅車各自東西去。寸鐵殺人空爾驕。

偕江戶諸名士小集後樂園即席賦呈

名園雅集得追陪。今日同傾河朔杯。四境環山皆樹木。一樣  
近水占樓臺。清風百世臣心苦。史筆千秋生面開。喜見東南  
賓主美。鯁生何幸泛槎來。

席上復得長歌一首即和黃公度參贊原韻

鯁生東游拙語言。叔度霞舉何軒軒。幸陪游展來此間。惟名  
士乃傳名園。園為源公之所創。生薄昆崙潛邱樊。野史亭開

勤督率有異。遣山於金源。惟公好事古。無匹時招後。參贊  
樽公學所造。短諸子自足。拔戟成一軍。彈水先生寄高閣。瞻  
念家國懷君恩。我來訪古心慷慨。誰歟後起扶斯文。平泉綠  
野此身窮。巡留苔蘚侵堦闌。泰西通市法一變。坐令西學集  
推尊。乾綱獨秉太阿利。豈復跋扈如桓溫。園中題字用遺老  
摩挲猶有前朝痕。陰森古木坐濃綠。時未向晚日已昏。飲罷  
驅車偕子去。霸才誰是江東孫。

秋月種樹議官席上呈川田斐江編修即和其見贈原韻

飛渡東來萬里船。相逢偏在墨江邊。文章早已崇今代。中治

集多收君作笙鶴曾聞駐古仙。日本向多王姓云是子垂老風塵

慙著述。好遊山水入詩篇。神交何限滄波遠。好把君名萬口

循華館詩錄卷五

傳

酒半戲呈秋月

盲翁負鼓唱斜陽。惱亂蘇州俠士腸。那有千秋在胸臆。演來花月儘荒唐。

管領鶯花十萬人。卻教盲史演遺聞。座中豈有樊川在。怕發狂言乞紫雲。

增田岳陽席上有作并呈魯生副使即和原韻

東去欣瞻海外輶。幾番治具厚相邀。廿年酒國虛清夢。百戰詩壇奪錦標。余不見魯生副使已廿年近聞其止酒而詩興尚豪作史雄才誰可敵。髮

時壯志莫輕消。一家文字都嫻令。不獨羹湯手善調。岳陽清史掌

要一紫雲

偶訪栗本鮑菴口占七占一篇贈之

先生可比賈長頭。頭童齒豁與古游。說經談道衆無雙。筆底十言遡東京。文社君所創。賞罰褒貶。敢春秋。存海東。見君面有緣。天賜能小留。爲投綈紵結金石。慷慨意氣相投。年來我亦持清議。略言家國懷殷憂。論事往往搜衆怒。世人欲殺狂奴囚。掉首東游未寂寞。此興不孤同登樓。  
小果柳橋川長樓賦呈座中諸同人。

莫怪王平太有情。相逢只是說流鶯。樂天老去樊川謫。尙得天涯薄倖名。

東國名儒談道學。南州狂士說鶯花。不知至理原無異。兒女癡情總不磨。

鋤雲以余尙未得妙人爲憾事口占二十八字夢之

老去名花已懶看。况逢四月滯輕寒。異鄉最要調眠食。喜服



良宵獨睡丸

席上贈中村正直

修文館裏曾相見。知是騷壇擅盛名。自愧東游真草莽。行卷渴先生。

松北逸民歌

淞水之北有逸民。但願長醉弗願醒。句用一朝酒盡意不樂。天荆地棘逃南服。逸民辭來哭當歌。平生所遇鬱勃多。逸民醒後歌當哭。熱血填胸灑向孰。

沈梅史州守招飲楠亭分韻賦詩余拈得賦字

林鳩朝呼泥滑路。蠅灘又是風光暮。一雨三日天不晴。楠亭濃綠昏於霧。休文招我吟詩來。敢謂登高能作賦。羅泊洪波非卽金。持鼓雷門猶是布。誰爲汪汪千頃波。交壇燕將黃叔

度。邇來東國多才人。擊鉢催詩成七步。秋月石川尤其豪。時

門清新出。何沈侯健者梁侯靜。餘子紛紛何足數。王郎掉

臂作東遊。滄海青衫嗟不遇。胸中熱血吹不涼。肝膽還向酒

邊露。東來日日看花醉。身入花叢屢迴顧。欲效司勳乞紫雲

不信樂天放樊素。小曼風流小園俠。皆當筵坐擁尤物羨且

妒。限隅昔已笑參軍。鴛鴦今又隕都護。平生奇氣鬱鬱多休

怪。當筵來傾吐。弗待千歲桃花開。且教兩月蓬山。

石川鴻齋席上贈詩卽步其韻奉酬

特地乘槎我欲東。片帆天賜與長風。杜陵老去才無用。庾信

平生賦最工。豈有鸞凰擾世網。尙遲夢喚出絲桐。蠻爭觸門

須與事。不滿王郎一笑中。

過海聞名顯若雷。相逢亭畔且傾杯。文章自有千秋在。風會

芳原新詠 并序

殿春花放我東來入夢繁華眼倦開不盡揚州花月盛本來  
此處是蓬萊

到底風流是上京。十分裝束動人情。我來惜已春光暮。綠柳陰中聽晚鶯。

大道朱樓十里連美人像竝列帽邊然犀何用煩溫

從頭  
半  
現  
奸  
將  
效  
原  
像  
一  
縣  
望  
者  
外  
效  
俾  
游  
客  
痛  
其  
奸  
迫  
行  
便  
終  
好

第一樓中第一人春花作貌王情神紫雲幾牧樊川乞獻袍

東來眼界新  
南海樓多妓曰小字赤眼五  
 媚眼流波秀眉浮黛淘天  
 爲此中物楚

歌舞筵開選藝場。不教雲雨夢襄王。宓妃曾贈陳思枕。故在

人前太曲防日本青樓中人已藝技妙實秋羅守口無言只恐洩色姦淫之

奏而中不能爲樂也。

阿玉雖鬢最擅名。腰肢輕亞藝尤精。弓身貼地銜盃起羊脰。



家中尚數卿。藝妓五姬。綺年玉貌。於工歌舞之外。能反身如

唇脂狼藉復塗金。加粉飾。此與南。北。髮。髻。相。似。小。鏡。照。家。外。復。以。金。雲。鬢。花。枝。不。上。簪。最。是。無。謂。斜。露。處。雙。狀。如。雪。

似觀音。多亦足下。觀音。十。寸。唐。圓。畫。生。致。微。

當筵音調聽。推手琵琶來。抑手瑟。樂器看來渾不似。不煩

玉指撥紅牙。歌妓多。三。絃。琴。其。有。十。三。絃。者。不。恒。見。也。卷。以。牙。片。撥。絃。成。聲。不。煩。十。指。

都識遍。烟花隊裏小神仙。藝者曰。翻。曲。五十。樓。中。領。袖。偏。新。舊。嬌。娃。

舞盤舞傘疾如飛。熟。勝。宜。僚。技。亦。稀。富。本。牛。平。善。於。技。以。雙。足。承。物。盤。旋。勝。於。宜。

何再覓封侯。昔。東。北。地。廣。門。為。限。止。遊。客。可。入。今。已。闕。屋。中。令。遊。客。見。而。脫。意。者。則。留。宿。焉。

如此繁華洵足誇。教。工。歌。舞。屬。誰。家。黃。金。安。得。高。於。屋。買。盡。東。京。十。萬。花。

招沈梅史陳訪仲王漆園琴仙昆仲小集長門酒樓酒

半各賦一詩。半皆歌諧調笑之作。梅史以篋。落。洋。七。古。一篇。因亦和韻答之。麴窮大鳥聊工游戲而已。不足言

詩也。

緩山桃花開滿峰。飛來雨露中天濃。忽逢西池王母笑。桃花

變作青芙蓉。芙蓉綽約秋風裏。高臥秋江呼不起。甘於水畔

吐芬芳。羞在花叢門紅紫。瘦腰專戀沈休文。濃消艷福輕桃

李。蓬萊已到尚思家。采藥不歸有王子。

衛華館詩錄

卷五

七

我園叢書

四月望日。藤田鳴鶴招諸同人。小集於新橋濱乃家。樹木深蔚。泉石蒼古。居然一名勝所。亭中扁額題菊詩。向是西鄉隆盛筆跡。余前日既覽鹿兒島戰功圖。今日又同鹿門諸君子。歷覽招魂社。聞諸君說殉難義士遺事。曷禁慨然有感。爰於席上作長歌紀之。殊有鐵如意擊碎唾壺之概。

日東節義漢代匹。抱義懷忠多激烈。平生知國不知家。身可亡兮家可滅。西鄉本是人中豪。提戈欲靖邊塵囂。請纓有志急一試。赫然金石銘功高。功高賞薄尋常耳。何不角巾歸闕里。坐令一死湮亡輕。照代宏勳等流水。存在中土已歎吁。塙來東國觀戰圖。兩軍生死併一命。戰場血肉紅糝糊。嗚呼此戰分順逆。順者終興逆者絕。當時義士爭捐軀。不重黃金重

白鏑。今經此地尙悲涼。鬱然樹不何深蒼。戰鐵可銷骨不朽。化為碧血千年藏。驅車徑過到演氏。酒亭當演氏女迎門已見香鮮止。美人窈窕多容光。歌聲欲遏流雲駛。小亭也石甌清幽。嫣然花木臨清流。主人昂首指扁額。西鄉筆跡今猶留。題菊詩工句清挺。武功文學一時竝。歎有此才世善用。不為皇為鷹隼。聽歌我尙有餘悲。主人勸我且吟詩。詩成一曲歌未終。美人烈士我心同。

席上贈櫻洲山人

家聲宦跡 著東京。經濟文章夙擅名。紅粉兩行勞久待。君最至後看余援筆賦花卿。

席上贈花山

得閒便是小神仙。况結紅樓花月緣。絃管聲中推領袖。莫來



東國李龜年。

清華吟社小集。兼贈米花主人。

米花主人靜者流。風雅好事誰其儔。三椽小築當崇岡。環岡樹木鬱青蒼。月舉文社興斯文。扶輪大雅殊超羣。裙屐至後壺觴開。翩翩羣彥登瀛臺。我來幸與盛會逢。天涯結契苔岑同。豈真入社要攢眉。深恐擊鉢難成詩。諸君才調皆不凡。偶然下筆見一斑。我文未敢占人先。聊將餘墨吟詩篇。

阿傳曲 有序

阿傳日本農家女子也。生於上野州和根郡下坂村。貌美而性蕩。年偷嫁。所歡浪之助。非父母命也。後浪之助得惡疾。阿傳恥之。共遁去。浴於草津溫泉。以此泉能治癩也。鄉人聞而憐之。來勸之歸。阿傳不從。

適絹商某旅途宿此。見阿傳事夫甚謹。異之。其妾聞時就阿傳語。始知爲同族姊妹。行因勸夫邀阿傳共往橫濱。延美國良醫平文治之。座有橫濱船匠員弁吉藏者。願任其事。延阿傳夫婦於家。而又有魚賣清五郎者。俠客也。憐阿傳夫婦。時濟其窮。顧浪之助病卒不瘳。仍就浴於溫泉。途中遇盜失金。哭訴於逆旅主人。絹商某適寓其家。時方饌客。婢以事聞。絹商問其貧。探囊贈以資斧。及來謝。乃知卽阿傳。遂與逆旅旋。阿傳從絹商於家。商妻畀以金絕之。未幾浪之助死。或傳其死爲吉藏所毒。然事終不明。夫死一周。阿傳歸省。父纓訴往事艱辛狀。阿傳父母慮女前行。令妹貽書規之。阿傳置弗省。邂逅市太郎。卽作文君之

奔。其他穢行不悉數。最後寓東京淺草天王橋畔旅舍。曰九竹亭。室宇精潔。花木蕭疏。吉藏素識阿傳。因呼伯觴。并留宿。而不給以金。阿傳憾焉。乘其醉。乘手刃之。託爲報姊仇。被逮至法廷。猶爭辨不屈。幾成疑案。經三年而後決。今年正月。中事也。時演於新富劇場。以寓勸懲。余特作阿傳曲紀其事。

野鴛鴦死紅血迸。花月容顏。虺蜴性。短緣究竟是孽緣。同命今翻爲併命。陰房鬼火照獨眠。霜鋒三尺試寒泉。令嚴終見爰書麗。閨里至今說阿傳。阿傳本自農家女。絕代容華心自許。爭描眉黛門。山梨花開戶春無主。并年偷嫁到汝南。弄殺檀奴風月譜。花魂入牖良宵短。日影侵簾香夢酣。歡樂無端生哭泣。溫柔鄉裏風流劫。一病纏綿不下牀。避人非是甘

岑寂。溫泉試浴黃回春。旅途姊妹情相親。一帆又指橫濱道。願奉黃金助玉人。世少盧扁真妙手。到底空牀難還。孤綬鶴合只尋常。望鸛且無不有。伯勞飛燕不成羣。仇偏原知中道分。手調鴛鴦作靈藥。姑傳疑案付傳聞。一載孤西歸省父。骨肉情深盡傾吐。阿妹貽書伴弗省。真成跋扈眼。溫市大郎經邂逅。初目成已見載同車。貌豔芙蓉嬌卓女。才輪芍藥渴相如。自此倚門渾別調。每博千金買一笑。東京自古號繁華。五陵裘馬多年少。旅館淒涼遇舊歡。驚風夜雨初殘。詎知恩極反生怨。帳底瞥擲刀光寒。含冤地丁不能雪。假手雲鬟憑寸鐵。世間孽報豈無因。我觀此事三擊節。阿傳始末何足論。用寓勸懲。閨門我爲吟成阿傳曲。付與鞦韆紅牙翻。



燕谷中將第并序

陸軍谷中將。今代偉人也。熊本之役。力守危城。功尤卓卓。在人耳目間。好客禮賢。其素性然也。今月下旬。新築初成。嘉賓咸集。輅以遠人。幸得躬逢其際。席間謹作七律一章奉呈。

夙仰英名擅八垓。救時須仗出羣才。孤城自昔安危繫。小築於今嘯傲來。裙屐遍招詞客至。樽罍特爲遠人開。羨君門將兼儒將。百戰功成醉幾回。

紀谷中將守熊本城事。卽步詩僧五岳韻并序

西鄉之約。今君時爲少將。守熊本。賊軍以二萬圍之。經兩閱月。猶不去。君嬰城固守。誓與存亡。中間激勵將士。時出奇兵。以殲賊。而孤城卒完。大局以定。保障

之功。聲施爛然。夫西鄉以啗嘍宿將。蓄謀舉事。所部多亡命。健兒好勇善鬥。當者幾莫敢撓其鋒。況其時叛者四起。人心離渙。賊勢披猖。畿輔近地。無險可守。而熊本適當其衝。此城陷則天下事未可知也。故君之守熊本。猶唐張巡之守睢陽。特君終能滅賊耳。然則君之功。豈不偉哉。

孤城將崩。壓壞雲。健兒兩萬。犄角分。官軍善守。賊善攻。特縱烈燄如山焚。熊本城扼天下險。此城一破。賊乃無長安。飛丸洞城。城不摧。兩軍攻守。嚴輪般。賊勢日驕。兵勢蹙。城雖未拔。力已單。惟君忠義貫日月。直以一身當其難。矢窮糧絕。氣益奮。撫勵壯士。臣心殫。一戰再戰。出奇策。鼓聲如怒。忘嚴寒。維時援兵雖至。亦隔絕。內外勝敗。如不聞。六十日。圍神鬼愁。所

特非在池濠深。屹然一城抵百城。西南保障殲流氣。嗚呼君功一國安危之所繫。令人想見飛將軍。

席上贈角松校書

角松校書。艷絕人寰。衆美畢具。風流秀曼。殆無其儔。固新橋巨擘也。余始見之於濱。乃家臨水亭子上。卽不能忘。余青衫老矣。落拓天涯。苦無知己。今之愛角松者。譬諸天生一種名花。不得不愛護珍惜之也。此意甚公。見者幸勿以私心測度也。

姊妹花開竝擅名。風流才調果傾城。秋波無限銷魂處。媚眼天生百種情。

雪作肌膚玉作容。艷名早已噪京東。新橋春色惟卿擅。萬綠叢中一點紅。用句

小集深川清平樓和石井南橋韻

休休吳兒木石腸。平生竿木慣逢場。詩壇近尙新宮。語酒國今刪舊約。章紋韻偏隨流水咽。眉痕合門遠山長。一觴一咏尋常事。醉倒筵前亦不妨。

曹撤思卿一寸腸。巨教小住鬱金堂。神仙潦倒來蓬島。雲雨荒唐說楚王。自有詩成三百首。何辭酒罄十千觴。王郎跋扈飛揚態。莫笑今宵入醉鄉。

復登前韻

綺筵不覺蕩迴腸。筆陣從君門百場。莫厭珠孃成十索。須知漢法有三章。暫來蓬島緣猶淺。生作桃花命亦長。靈藥初成仙醴熟。開津今夕亦何妨。

老我溫柔百折腸。樽開此夕敞華堂。舞來窈窕當筵妓。醉倒



瑯琊大道王。眉可通詞還倩筆。花能解語必傾觴。羈人只有  
神山樂。不解清涼憶故鄉。

贈小菊

婀娜風情窈窕姿。玉環態度燕腰肢。菊花門豔秋風裏。正是  
王郎歸去時。

贈小令

綽約風流迥出塵。玳簪斜插鬢雲新。樊川已老秋孌少。要結  
今生未了因。

藤田鳴鶴重招識於濱乃亭。見壁間詩僧五岳詠四鄉  
詩。慨然有感。卽步其韻。

蘇園誰能下一籌。平生事業愧千秋。淮陰空作無雙士。溫嶠  
還居第二流。不盡樽前今古感。安知身後姓名留。蓬萊已到

神仙杳。逕欲乘槎訪十洲。

招角松校書不至。再疊前韻。

笑共飛觴數酒籌。晚涼亭畔似初秋。神光忽被巫雲阻。豔影  
曾隨璧月流。前度會角  
孤小立池畔團扇悲涼新詠在。仙裙縹緲別家

留。莫來不是蓬山遠。慙愧王郎到此洲。

席間贈藤田鳴鶴古田二酉三疊前韻。

才畧輸君共幾籌。胸中自具魯春秋。已驚筆下千言湧。早聽  
名從萬口流。日下文章重錦爛。雲間鸞鳳健毛留。試觀二妙  
齊驅日。藉甚聲華遍五洲。

晚飛車遊根津。口占二十八字。

繁星萬點夜燈開。有客驅車訪艷來。三百名花誰第一。宵深  
扶醉下樓臺。

偕鹿門同謁神口聖廟兼觀書籍館

夙昔司文本一家。煥官制度似中華。極知洙泗宗風遠。不獨蓬萊勝地誇。百首逸書逃世外。千年秘籍出瀛涯。婦嫗何幸身親到。眼福於今十倍加。

小集不忍池上嬌語亭鹿門詩先成卽和其韻

風傳嬌語隔湖聞。玉貌當墟迥出羣。醇酒婦人還好茗。奚來猶勝信陵君。

濕翠浮波香遠聞。鷺鷥深處自成羣。希英本是容平視。莫笑疎狂薛使君。

鹿門所招歌妓未來戲呈一律

一泓碧水漾蓮荷。消暑亭中此最宜。未見紅裙捧觴立。却教玉手捲簾遲。跳魚撥刺時聞響。涼鷺迷離正浴池。帶到玉郎

歸去晚。橫風荷露夜深時。

卽席聞戲語偶成一詩以示同人

燕領虎頭飛食肉。英雄貌自殊流俗。瓶城本相天下士。特張吾軍氣亦足。鹿門乃偏出別解。謂予消受惟鸚鵡。一月之中易兩姬。要使養花比饌玉。兩行紅粉盡嬌然。知余好色流媚目。三女成聚我所歡。惜若暗桃猶未熟。

鹿門中三歌姬年三

千年作蓬萊遊。得遇仙姝緣不薄。藥姬去後玉姬來。伴我一月山中宿。靈丹九轉已入喉。石髓初凝還果腹。人生此卽萬戶侯。何須再要千鍾粟。此間富貴只尋常。天上神仙有嗜欲。瞥功名安足論。百種溫存莫自促。千秋萬歲等銷磨。古人已作一邱貉。莫從身後博浮名。且向筵前聽短曲。

重游墨川小集八百松亭



墨川之水清且漣。墨川之殊嬌且妍。四人連鑣重至此。風光  
勝絕欲暮天。輕雷乍過微雨歇。娟娟新綠淨於沐。八百松樓  
突兀間。最上登臨極遠目。吾友寺田靜者流。圖書耽好無所  
求。精辨宋元講簿錄。八門奇談恣羅搜。林君書城擁十萬。赤  
文綠字發光怪。媚媚媚媚地君占先。我特乘槎來海外。吾宗  
湊園居浙東。東游採藥探靈蹤。懷才不屑居人後。奇句往往驚  
蛟龍。娉婷小勝吾豔友。別來淚濕青衫袖。今日重逢在此筵。  
欲傾墨川水作酒。美人名士此筵中。吾心感慨君心同。隔隣  
牛飲走旋磨。匪特但聽聲丁冬。

寶劍篇贈增田岳陽

前書寶劍齋。因索寶劍篇。自言此劍製自名人手。流傳至今  
九百年。寒芒高射斗牛外。夜夜齋中發光怪。昇平此物非用

時。徒自炫鬻殊足戒。脫匣出視利無傳。其氣肅殺天爲秋。平  
生恩怨不快意。借我請斬仇人頭。

龜清樓小集和龜谷省軒韻

母多酌我蓋寬饒。功業休論漢相蕭。不作出山霖雨計。只求  
蓬島覓整橋。

龜清樓外望長橋。遠友歸來酒興饒。自恨看花今較晚。可憐  
兩鬢已蕭蕭。

只問新橋與柳橋。向來花月此偏饒。卅年早覺繁華夢。絕代  
珠孃舊姓蕭。

十里煙波浸緯蕭。二分明月照紅橋。深閨昨寄懷人淚。玉臂  
清輝遠思餘。

記得揚州廿四橋。垂楊垂柳影蕭蕭。神州尙是銷金窟。自有

腰纏十萬饒。

龜谷省軒迎西京同晤於龜清樓席上賦呈和沈梅

史州守韻

遠道慈親夢。天涯遊子路。歸家一月別。憶友萬山重。對酒鄉心雜。看花客興濃。版輿經驛路。應繞最高峰。從西京至江都道經富士山下

席間作短歌示同人

長橋臥虹。明月當空。有酒不飲。豈曰英雄。今夕何夕。良友重逢。白華潔養。慰此寸衷。調省軒壺觴既洽。文字其同。一堂之上。

賓主南東。人才蔚起。詩學攸崇。我來蓬島。揚旌宗風。

源侯柱閣招飲席上和石川鴻齋韻得二絕句

甘在花叢過一生。往來無計破愁城。青衫痛哭無乾日。要向

源侯借酒兵。

捫蝨雄談誤此生。制情好似築堅城。花天本是波瀾幻。恃有胸中十萬兵。

源侯席上和名倉松窓韻即呈主人

不知誰主復誰賓。醇酒佳人見性真。樓外一江飛墨水。樓中人半是傳人。

南樓新築燕嘉賓。花月今宵分外真。可有庾蘭成在座。風流到底屬斯人。

名倉松窓。十七年前見之香海。今重遇於墨川樓上。復得一絕句。

相對沾巾是此辰。相逢疑否又疑真。廿年事業渾如夢。明是當時佩劍人。

勢州樓小集席上贈何陋居士



好酒好花兼好色。能書能畫又能詩。鄭虔三絕由來擅。跋扈  
飛揚想少時。

磊落英多一奇士。中年惟與酒盃宜。才人失意佳人老。一樣  
飄零日暮時。

和山本居敬先生遙寄之作

牛耳詞壇踞上游。文章夙已擅風流。江湖作客悲王粲。風雨  
聯床憶子由。予少時吳興已二十八年舍弟沒於寇上亦已二十八年矣末路飄零還自奮。  
大恩高厚未能酬。勞君詩札遙相寄。幸到蓬山最上頭。

小集東台嬌語亭贈馬場毅

知君盲目不盲心。洗盡胸中俗慮侵。下筆烟雲多麗藻。吟詩  
山水有清音。甯同張籍于時切。想比唐衢憤世深。亦欲向人  
同一哭。世間憂曠豈能尋。

偕成齋先生至清華館同人未來出示澹堂文集

衆人皆未來。而我至獨早。林亭頗幽僻。涼颿爽懷抱。周遭樹  
蓊鬱。濃綠淨如掃。炎威午不驕。白雲滃天表。軒窓既四敞。靜  
坐息膠擾。解衣聊盤礴。於此恣幽討。出示豹人文。渾如獲璫  
寶。此集傳者希。兵燹後益少。澹堂長於詩。才幹極雄灑。旅食  
京華春。青衫幾潦倒。若非魏科開。將以一巾老。晚歲奮功名。  
何必嗟華皓。其文亦可傳。頗不尚詞藻。睹鳳在一毛。藏之其  
永保。

題鶴鳴集贈鶴鳴老人

鶴鳴老人古所稀。逍遙詩酒怡天機。年垂八十尚矍鑠。登山  
健步猶如飛。平生具有山水癖。所居泉石多清奇。峰巒四環  
蒼翠合。中構草堂扁雙扉。讀書不出甘忘世。五陵富貴嗤輕

肥。矯然合子世無匹。崢嶸頭角衣紆緋。立朝風節秉庭訓。版輿迎養娛親闈。我聞丹邱本仙境。靈淑所鍾非凡姿。翁昔操守夙自負。抗懷言事屢陳詞。吾謀弗用坐遷謫。荒村屏跡空歔歔。讀君之詩知君遇。耽幽樂。道能知幾。美君有子并有詩。豈徒壽與千秋則。

題補春天傳奇

春濤先生。今代詩人也。令子槐南。承其家學。又復長於填詞。最工度曲。年僅十七齡。而吐藻采於毫端。驚泉流於腕底。詞壇飛將。復見斯人。今夏同人小集。不忍池邊長舵亭上。先生出示其令子所作補春天傳奇。情詞旖旎。丰致纏綿。雅韻初流。愁心欲絕。不禁有感於懷。爰題六絕句於上。以志鴻爪。

千古傷心是小青。折將情字比娉婷。西泠松柏知誰墓。風雨黃昏獨自經。

秋墳鬼唱總魂銷。誰與芳魂伴寂寥。絕代佳人爲情死。一般無酒向春澆。

一去春光不復還。補天容易補情難。嬋娟在世同遭妒。寂寞梨花泣玉顏。

好事風流有碧城。同修芳塚慰卿卿。知音隔世猶同感。地下人間聞哭聲。

譜出新詞獨擅場。居然才調勝周郎。平生願曲應君議。付與紅牙唱夕陽。

刻翠裁紅渺隔生。怕聽花外轉春鶯。當年我亦情癡者。迸入哀絃似不平。



贈瑞松山人并序

西京瑞松山人工於鐵筆。遐邇咸聞其名。本家鴨江之畔。去年乃移家江都。數椽小築。新構落成。門臨江水。夏時荷花正開。清香遠徹。入其廬舍。布置幽雅。殊不知在百丈軟紅塵裏也。其爲風雅好事可知矣。己卯夏間。予旅東京。瑞松山人特介白澤晴皇。招予小飲其家。親觀其秦刀。頃刻間成二器。花石禽鳥無不酷肖。工細罕倫。此古今絕技也。宜其擅名東京。獨出冠時矣。卽席走筆作五古一章贈之。并爲誌其顛末如此。

聞君善刻畫。使刀如使筆。初不用篆本。腕底具神力。頃刻一鳥成。飛鳴振羽翼。須臾一樹成。扶疎長枝葉。但聞刀畫聲。宛

鵲起落捷。維君擅絕技。生平所僅識。是亦猶文章妙手乃能得一藝足傳名。令我三歎息。

藤野海南招飲於上野公園八百善亭和沈梅史韻。

崇岡起亭榭。古木環深蒼。登臨豁遠目。六月生微涼。主人頗好事雅集。傾壺綺羅恆素好。翰墨參古香。我將游名山。與子期何方。海南時有溫泉之行。小築此亭。與同人一別。余亦擬將日光山。散於句及之。

紀鴻臺戰跡并序

余游日光山。取道於河路。經下總國南岸。成齋遙指岑蔚處。樹木鬱然。曰此鴻臺城墟也。天文年間。里見義宏與北條氏康政父子戰處。是役也。義宏敗績。自是北條氏兵威益雄於關東。距今三百四五十年。邱陵尚在。遺跡猶存。予因感而弔焉。

萬夫攻關一夫守天險所存原非偶。一城扼要鴻臺高。雖然  
形勢雄關右里見據此殊足豪敵軍雖來亦何有。北條當日  
稱梟雄。麾下健兒好身手。彼豈子耳何足謀。竟爾一戰棄城  
走。數載經營付逝波。君爲楚舞我楚歌。大事一去不可挽。此  
後誰人揮天戈。雄威自是震宇內。關中霸業日益多。昔人往  
矣遺跡在。我經其下空婆娑。廢墟尙照今日月。荒臺猶是古  
山河。

用源賴政理骨處并序

賴政官從三位。治承年間奉以仁王舉兵。討平相國  
清盛。不克。戰於宇治。兵敗自刎。其地距西京三十里。  
許其臣渡邊唱奉其首來葬於此。古河侯爲建專祠。  
崇血食。賴政事雖不成。而檄其同族賴朝。並舉我旗。

終得克。戡平氏。平源興廢。實基於此。首倡之功亦偉  
矣哉。

昔者大政歸將軍。幕府幾竝天王尊。平氏專權源氏憤。卒大  
討罪報國恩。一戰再戰臣力竭。荒道之水空鳴咽。孤島餘兵  
扼此置我頭。可斷節不失。願謂其臣壘我頭。我身雖死名不  
朽。義旗旣舉必有繼。要檄天下與之讐。維時相國懲事後。下  
令要購孤忠首。誰知積敗生驕。盈赫奕威嚴能幾久。從來論  
事實首功。不以成敗與英雄。國賊之討君獨倡。朝廷卹典。彼  
推崇詔書建祠多。煌耀俎豆春秋許憑弔。距今遙遙七百年。  
行人尙指田間廟。我來懷古意慷慨。爲冒驕陽履灌莽。蟬聲  
何由驚。何人見自九京回。寂寞身後鳴不平。



車過金井驛口占二絕句

村驛車行步不如，驕陽曬遍腹中書。炎塵十丈臨官道，却羨  
家居午睡初。

卅里松陰趁晚涼，蟬聲鳴咽送斜陽。村姬自把雙眉畫，似與  
遙山鬥艷粧。

謁東照宮

丞相祠堂此最崇，千秋猶復仰雄風。深嗟土木窮民力，但見  
雕鏤奪化工。自古管修傳世促，只今冷落霸圖空。天家恩澤  
猶稱渥，不廢春秋祀典同。

游日光山將歸作詩別山靈

吾來山中已三日，初無一詩答山靈。山靈昨夕憐我頑，宿  
忽發身弗覺。惟我登山興弗阻，蟻屐更向險處經。出奇欲與

山靈戰，飛符天上遺六丁。萬里乘槎作遠客，況工文字胸羅  
星。何不食我胡麻飯，何不飲我桃花醴。乃使狡獪使我病，山  
氣入骨寒冥冥。書生受侮叩真宰，綠章萬字陳金庭。天公  
笑雨無但，俾呈奇境娛視聽。飛巖橫懸匹練白，排闥遙見  
光青泉。泉流萬道走虹霓，石吼一隙驚雷霆。更今晴陽  
涼意散，作微雨零。復有無數黃蝴蝶，沿途護我輓輶行。竹  
木中衣袂香，遙參鼻觀山花馨。半旬游歷差快意，乃與山靈  
相忘形。重游未卜在何日，特祝山靈千萬齡。

日本刀歌贈佐川握所即以留別

佐生矯矯日本豪，叩門求見意氣高。手持休文書一紙，

一書

解條贈我日本刀。光芒出匣如匹練，當是精鏤經百鍊。

握刀起舞生寒飈，動若流星靜掣電。寶刀乃以贈書生，佐生



視此刀何輕我生已無我馬想豈求殺賊成公卿寶刀自此  
不復用壁間夜夜聲驚衆忽持此刀斫陣歸雄心未死來入  
夢中庭間步起徘徊負此寶刀心獨哀雖有恩讐何敢報時  
平久已混嫌猜我少惜未習劍術起弄此刀如九疾殺人只  
在寸鐵間慎守霜鋒莫輕出閨中久唱大刀環一笑王郎竟  
渡關得此刀如得僉僕隨予萬水并千山舟中再拜謝君賜  
前言戲耳勿介意得志當爲天下雄長揖請視刀誰利

栗本鋤雲錢予柳島酒樓席上作詩賦別

相送未久遽相離遠道驪歌惜客思積表秋風驚去夢江南  
暮雨悵新知怕聽折柳陽關曲休唱飛花驛路詞尚有綺懷  
忘不得玉釵銀燭酒闌時

相思此後隔遙天無限離情到酒邊百日勾留千載遇一編

遊歷衆人傳

時予方作扶桑將記故云

詩篇敢謂追摩詰詞句應還愧仲

仙莫聽蕭娘彈一曲愁心都付與秋絃

成齋編修集諸同人大張祖席於中村樓酒酣作歌留別

我之來兮春光非我之去兮秋風起秋風起兮遊子歸萬重  
山兮千重水離情渺渺愁淒淒相思不識何時已臨行把酒  
勸重遊子其祝我倘無死子酌我兮金巨羅我贈子兮玉版  
紙上寫今日離別詞中有淚痕流不止瀟洲縹緲神仙居百  
日因緣亦足喜忽然欲去不可留夢魂一夜歸鄉里豈無窮  
宛解語花綽約風前豔桃李泥我飲兮我不辭含情顧影明  
燈裏况復文字足相娛座中往往有佳士成齋卓犖天下才  
誠卿斌媚今無比鹿門龜谷多雄豪時排筆陣摩吾壘兩國



相通三千年。文士來遊自我始。敢云提唱開宗風。結社清華爭倒屣。某年日月我去來。大書特書補青史。

小讌龜清樓。留別諸同人。口占二絕句。

酒杯偏與晚涼宜。今夕銀燈照去思。小女不知離別恨。出箋猶是乞新詩。

蕭鼓喧闐共一船。新秋時候暮涼天。美人名士團欒坐。彈到離愁第幾絃。

歸經神戶。小讌湊川酒閣。留別吳瀚濤少尉。

廻帆重復指神山。前度歡悰今別顏。轉益離愁辭閨島。怕聽哀調唱陽關。流泉鳴咽飛懸練。陣雨溟濛失遠鬟。草閣一觴同話舊。長虹天際忽彎環。

平生豪氣俯凡流。今日逢君讓一籌。舉世豈真無北海。論交

當自有南州。從茲一別七千里。此後重逢五大洲。天下事今猶可挽。出山霖雨爲民謀。

晚來一雨嫩涼生。爽氣成秋入酒觥。垂死雄心王景畧。一生低首謝宣城。卽看痛哭狂歌地。彌見憂時憤世情。久薄微官等匏繫。黃山歸去好躬耕。

慷慨論心意氣豪。忘年直欲締深交。眼中齷齪空餘子。世上模棱笑汝曹。使酒談兵與俗忤。哀絃脆竹要才銷。黃河泰岱他時事。今日先覩立品高。



蘅華館詩錄卷五終

跋

鯨波鼉浪。漂泊年年。雁帛魚書。浮沉歲歲。問故人其焉往。慨游子之忘歸。從前詩酒。幾成隔世之緣。別後情懷。多作再生之想。謂君已矣。闔室因而聚泣。獨我存乎。鄙人得不含酸。乃者雜錦字以遙投。藉珠編之遠賁。驚喜欲狂。急盥薇而展誦。然疑交作。爰熱燭以披吟。范叔固無恙乎。子卿非長辭矣。嗟乎。粵王臺下。碧水連天。趙尉城邊。紅棉匝地。陟歌舞之頽岡。興亡生感。過昌華之廢苑。寥落堪悲。加以帆檣所指。海多艣越之風。僕馬垂頭。山有瘴蒸之雨。路隔七千。那來坦蕩。難非十八。盡足恐惶。羈愁鬱結。爭發洩於五言七字之中。旅况艱辛。盡頽唐於短幅長篇之內。固宜其途次所歷。每有感觸。輒形於詩者也。況復淞濱爲少長之鄉。泥上實綢繆之所。歡邀



杜牧。煖尋藏柳之鶯。閒訪林逋。冷看守梅之鶴。或搜秘於林泉。發揮妙理。或借題於風月。抒寫性靈。吳娃盪槳。爲製新聲。越女調絃。屢翻舊曲。上客從而擊節。名流許其探驪。斯時也。誠有芒情四溢。逸氣橫流。所謂但覺高歌有神鬼。誰知餓死填溝壑者矣。若乃旅邸朝眠。客樓夜上。月有情而入檻。風無賴以吹衣。一罇獨酌。感劍佩之飄零。千里辭家。怨刀環之阻滯。於是動陸機之鄉思。起莊舄之吳吟。天寒袖薄。倚修竹以無言。晝靜簾垂。對狂花而欲泣。游蹤歷歷。譜入歌謠。愁緒紛紛。寫將筆墨。嗟乎江上鷓鴣。空叫斷遊人之夢。檐前杜宇。難喚回蕩子之心。白頭永隔。重來訪我于泉臺。青眼爲穿。此去慰君于海嶺。爲詳顛末。用作題詞。卽爲死別之書。不勝生前之感。半林居士跋。

明治十四年一月廿四日出版御届  
同 年二月出版

大正二年十月求之

碧江

訓点人

愛知縣平民

石川鴻齋

芝區片門前町三丁目十四番地

東京府平民

山中市兵衛

芝區三島町十番地

出板人

同

山中孝之助

京橋區銀座三丁目九番地

同

山中喜太郎

同 四丁目十四番地